

**ANTI-PUTEANUS,  
SIVE POLITICO-  
CATHOLICUS,  
STATERAM PUTEANI  
INDUCIAS...**

---

Caspar Barlaeus, Erycius Puteanus







# ANTIPVTEANVS.

SIVE

POLITICO.CATHOLICVS,

Stateram Puteani Inducias expendentis aliâ  
Staterâ expendens.

*Loquuntur pacem cum proximo suo, mala autem  
in cordibus eorum; Psal. 17.*

---

COSMOPOLI,

*Apud Belgam Fidelem. Anno 1633.*



114.1

THE NEW YORK PUBLIC LIBRARY  
ASTOR LENOX TILDEN FOUNDATION  
100 N. 5TH ST. N.Y.C. 1003  
Anno 1933.

# PHILIPPO IV.

## HISPANIARVM ET INDIARVM REGVM MAXIMO.

**N**On solùm inter Belgas & Rebelles Martis castra sunt, REX POTENTISSIME; sed etiam litterarum coruscant arma. Litteratorum aliqui adversùs Tuam dignitatem verborum tela & inimicas faces vibrant: alii forti umbone retundere conantur, fallaces male-sanorum consiliorum insidias detegunt, Tuumque nomen liberè & fortiter propugnatum eunt. Ego adversùs litteratorum hujus tēporis facile Principem in arenam descendere ausus sum: non meâ eloquētiâ fretus (quæ multorum annorum spatio relicta, vix se colligere potest) sed Tui honoris defendendi iusto ardore inflammatus. Igitur adversùs ERYCIUM PUTEANVM, Consiliarium & Historiographum tuum arma cepi; hostem, an amicum? Quis dicat hostē, eùm Tuis alatur stipēdiis? Titulis Tuâ liberalitate datis illustretur? Et in ditione Tuâ adhuc liber garrat? Saltem non amicum testatur eius Statera, quâ Inducias tuo auspicio tractari ceptas, publicè sine Tuâ auctoritate, & imprudentissimè examinavit, examinandas omnibus proposuit. Nemo non indignè tulit. Quippe TVAM MAIESTATEM, Auctoritatem, & Potestatem imminuit apud hostes, quam necessitate ad

A ij Indu-

4

Inducias cogi in suâ scriptiunculâ hic Author fingit. Hoc potuit Statera illa; ut hostes ferociôres redderentur, qui faciliè Inducias accepturi videbantur. Hoc potuit Statera illa; ut jam Inducias, REX MAXIME, cum hostibus sine tuo lempiterno dedecore inire non possis. Nam, si cum illis paciscaris; dicet orbis totus, ab Eryciò Puteanò edoctus, Te non nisi ad necessitatis metas redactum, ad Inducias venisse. Sed ostende MONARCHA POTENTISSIME, in Te esse vires, quibus paucas Insulas, iure hæreditario Tuas, Rebelles compescas. Ostende bello acerrimo, & totis Imperiî Tui nervis, quantum TVÆ INVICTISSIMÆ MAIESTATIS possit. Tot opprobria fidei Catholicæ, tuoque Nomini illata, *Unitate forti*, per Marchionem de Leganes prudentissimè dispositâ, & io Belgio cum magno applausu admittâ, ulciscere: ut in Belgium nostrum, auream Patre brevi redire videamus. Habes Belgas, qui pro Fide, & pro Te, suas fortunas exponere, omnem belli aleam experiri, mortemque ultimam subire non recusent. Igitur vires omnes advoca: sic longa diuturni belli impendia, parvotemporis spatio redimes. Consilia hic plurima sparsa sunt, ex multis excerpta: quæ utinâ in tuum Sacrarium perveniant, & animum tuum adversus hostes exsuscitent! Sic optamus omnes, Ego verò Anonymus, sed fidelissimus TVÆ MAIESTATIS Cultor, me Tibi totum consacro, voveoque. Vale MONARCHA POTENTISSIME. Deum precor, ut victoriarum laureis Te verè, & semper HÆRETICORVM VICTOREM ET LIBERATOREM ORBIS CHRISTIANI ostendat.

POLITICO-CATHOLICI Præfatio  
*Ad Lectorem.*

LIBELLVM hunc non torvo oculo leges; quisquis Deum, Regem, & Patriam amas. Politico-Catholicus est: hoc enim nomine eius Auctor gloriatur; quia vel non Politicus; vel Politico-Catholicus videri cupit. Vidisti puperrimè Erycii Puteani scriptum, nec Politicum, nec Catholicum. Non Politicum, quia Regi & Patriæ malè consulit: non Catholicum, quia ne verbum Religionis facit, & ejus consilium Fidei nostræ puritatem & libertatem labefaciat. O Stateram, quam mox omnes non nisi risu & statim secuta indignatione improbarunt! Hanc igitur Stateram adhuc expendimus. Autoris nomen ne quæres. Vnâ manu balancem gerit, ut judicium hoc Puteani examinet: alterâ gladium, quo Regis arma defendat. Eloquentiam desiderabis: sed has phaleras, belli studium, & dicendi flosculos, longa occupationum certamina abire jusserunt. Tu igitur utramque Stateram diligenter examina, & judicium tuum exacue. Nam (ut ait Isidorus Polustiora lib. 3. epist. 9.) *eos qui de rebus judicant, acutissimo ingenio esse oportet, ut & eorum qui loquuntur fecundiam, & eorum quæ dicuntur probabilitatem ac verisimilitudinem missam facientes, sensu ipsa introspicere, atque hinc expiscantes, veritatem haurire queant.* Vale Deum, Regem & Patriam ama.

*Epistolam Dedicatoriam imprimis breviter examinabo, deinde singulis Alphabeticè litteris respondebo.*



*Epistola Dedicatoria PVTEANI.*

Illustrissimo & Excellentissimo Domino FRANCISCO DE MONCADA, Marchioni de Aytona, Comiti de Ossona, in Provinciis Belgicis, terrâ, marique, Belli & pacis summo Præfecto.

Illustrissime & Excellentissime Domine,

BELLI finem pacē esse, amnis Antiquitas, sapientia, rationis, natura ductu docuit; armis verò vel conditionibus, victoriâ vel amicitia haberi. Nuper quidem finem, non finem, Belgæ adepti felices, an infelices fuerint, dubium est. Quo enim gaudio semel abruptum est bellum, dolare credit, tamquam gravior quietem labor sequeretur. Sed universi hac terrarum Orbis arma sunt: Regia, & in Regem. Bellum unum, omnia bella: unum enim involvit omnes. Post breve igitur otium, & imaginem velut pacis, duriora & infestiora omnia. Cumq; jam hostiū crederent vires & animi, tua Auctoritas, id est Regia, Legatione Germanicâ nobilis, & usurum instructa, maturè interveniens, solido consilio, velut sulcro, res labantes sustinuit. Virtus quoque tua bello feliciter finiundo par erat, si tam facile interna vitari mala & pericula potuissent, quàm externa vinci. Ab ultimâ quidem conjuratione Bauciniensis nonne reliqua nutabat securitas Belgii? Quia tu regebas, celerius nescio, an felicius dolosi incendii flamma extincta est; nec una Provincia conservata. Sic verò quia majori jam molimine gerendum erat bellum, in hostem educis exercitum, & ut ampliùs quàm pugnares, passus es victoriâ Pace astimari. Bonum factum: Conditiones tractari cepta, animos omnium utrimque ad spem Induciarum, & novum belli finem erexere. Ego à Perillustri Io. Woverio, Aerarj Assessore (qui ad belli Pacisq; consilia etiam libenter litteras advocat) interpellatus, ut Induciarum negotium expenderem, Viro Magno obsequi, officiosum putavi; suave, Amico placere. Quid? Munere meo titulos, usus sum, & Belli ac Pacis momenta trutinans, quandam velut Stateram delineavi. Delineavi, inquam; sed ut tuam facerem, & Excellentissimo nomini tuo consecrarem. Facio, consecro, tua est: magis etiam, si examine

7  
examine tuo dignam existimabis. Quia studia mea Pacis sunt, etiam  
consilia: sed argumentum amplissimum, quò eloquio non potui, voto  
complexus sum. Volui enim, quantum Regi meo debeam, brevi hoc  
scripto profiteri. Vale, Illustrissime & Excellentissime Domi-  
ne, & quo loquentem me affectu audire soles, nunc scribentem ama-  
Tua audens virtute aut sperare Pacem, aut bellum non timere, felix  
ero, meamq; felicitatem tuæ incremento gloria metiar. Felices autem  
ipsa sic esse Littera incipient. Lovanii, in Arce, 6. Kal. Junii 1633.

Epistola PVTEANI Dedicatoria examinatur à  
POLITICO-CATHOLICO.

PVTEANVS.

Illustrissimo & Excellentissimo D. Francisco de Moncada, Mar-  
chioni de Aytona, Comiti de Ossona, in Provinciis Belgicis, terrâ ma-  
risq; Belli & Pacis summo Præfecto.

POLITICO-CATHOLICVS.

Imprudentiâ non mirer, an malignitatem? utramque.  
Adeone parum prudentem Marchionem putasti, ut Stateram  
tuam ad exacti iudicii sui æquilibrium non pondera-  
ret? Movebat castra: & subito suadebas pacem. Ejus pru-  
dentia jam satis toti Belgio perspecta ac probata. necessa-  
rium judicabat bellum: tu verò ejus imprudentiâ emendare  
voluisti; & hoc scripto eum à bello velut fatidicus vates in-  
faustis auguriis abstertere conatus es. Nimirum, ut Auriac-  
us, qui Rhinsbergam obsidebat, facilius & liberius ad reli-  
qua uno velut hauritu absorbenda pergeret. Nam cur potius  
Auriacum ad pacem non excoitasti, qui bellum jam gererat,  
cùm se tantum quasi pararet. Marchio? An & huic inuidebas  
non mediocrem apparatus & audax consilium, quo, si  
Rhinsbergam obsidione non liberavit, saltem Batavicorum  
armorum torrentem sistere potuit? Sed cur non alium dele-  
gisti, cui hanc Stateram dedicares? Marchionem, quia Belli  
& Pacis summum Præfectum aggressus es? Sicut se capita-  
lem

lem Civitatis hostem præstat, qui communem fontem, ex quo omnes aquæ per fistulas in civitatem detivantur, venenis imbuir: sic tu talem te Reipublicæ præstas, qui illum tuis pravis consilijs tentas inficere, ex quo in illam salutaria profluunt consilia. An hominem fatuum te reperisse credideras, quem tuis sinistra vaticiniis deterrere; cui pacem, permittens navigatione Indicâ, & quibuscumque conditionibus, esse meliorem & acceptandam. quinimò Bataviam (sic enim loqueris) à Rege deserendam esse, te persuadere posse & velut fascinate existimares? Alium quæcere debebas Pattonum: vel Partiz proditorem, vel ipsum Autiacum, cujus encomia hic tecitas. Et ipse fortassis tuâ facundiâ usus est: ut quos armis superate facile non potest, unâ seditione, ad quam excitandam videtur hoc scriptum pertulisse, superaret. Igitur insidias eloquentiæ, non minus quàm belli, timere debes, Excellentissime Domine. Nam sub melle sæpè venenum latet, atque incredibile est (ait Seneca epist. 90.) quàm facile etiam magnos viros dulcedo orationis abducit à vero. Interea perge, & fidem huic diserto negandam esse ostendas: & doceas armis tuis necessitatem, quam fugit, vinci posse.

### PRUTEANVS.

*Ego à Perilluſſri Ioanne Voverio, A Erarii Aſſeſſore interpellatus, ut Induciarum negotium expenderem: viro Magno obſequi, officioſum putavi, ſua vè, amico placere.*

### POLITICO-CATHOLICVS.

Ut privato amico studeas, Patriam contemnis? Amicitia leges tunc violanda, ubi publica Patriæ necessitas & utilitas aliud exigit. Aiunt Patriam amicitia præponendam esse, ait Martius epist. ad Cicero-nem lib. 11. epistolar. Cicero-nis epist. 28. Pulcherrima etiam est sententia Sophoclis in Antigona.

καὶ μῆζον ὅς τις ἀντὶ τῆς αἰσῆς πάσας  
φίλων νομίζει, τῶτον ἡδυνάμει λόγῳ.

Id est,

*Qui pluri quam suam Patriam amicum ducit, hunc nequaquam amicum duco, siue (ut vertit Turnebus lib. 20. Adverf. cap. 31.) hunc nullo loco habeo & improbum judico. Tuum silentium postulabat Patria, vel meliorem orationem: tu amicum, fortasse iniqua postulantem, Patriæ prætulisti. Præterea Viro Magno (& quàm Magno, ut cum Regi Maximo anteponas?) obsequi, officiosum non erat: utpote cum & ipsi, & tibi, & Regi Maximo tuum noceret officium. Te Ioanni Woverio sic obsequi: ut alii suo Regi non obsequantur, nec ejus voluntati permittant omnia? Tu aliter amico placere non poteras, nisi Patriæ displiceret, nisi ipsi suave solatium adimeres; & in eam stylo tum aperto, tum quasi per cuniculos pugnates? Patria pro Rege suo pugnat; & cum rerum suarum detrimento, Regi obsequi gloriosum putat: tu omnium animos scripto tuo ab obsequio Regis suas Provincias bello iustissimo reposcentis avertere moliris sub blandâ Pacis imagine.*

PUTEANVS.

*Quid? Munere meo titulos usus sum.*

POLITICO-CATHOLICVS.

Munus tuum, historiam docere & scribere est, communia Politices semina in explicando aut scribendo spargere; quæ Patriæ vulnera lenire, non exulcerare possint. Si quo Consiliarii titulo ornaris, & hunc Regi debes. Considerare igitur Regi & Patriæ decebat: non mendicitatem militum nostrorum exprobrare; planè exhaustum ærarium, aliaque Patriæ damna hostibus aperire & prodere, non dignitatem Regis minuere, eumque intra necessitatis angustias includere, non Indicæ navigationis libertatem, Hollandis permittendam suadere, non eorum vires amplificare, eorum animos satis insectos augere & inflare, nostrorum læangere. Et Consiliarii officium puras, quietas facere, suadere finiendum bellum, & nullum rectum finiendi modum dare? Audi Isidorum Pelsioram lib. 4. epist. 70. *Quæstio non facili & cuius finis fuerit? et*

B

dicere

*dicere quo pacto desinere possimus invicem belligerare, hoc demum est Consiliarii. Hæc ille.*

P V T E A N V S.

*Belli ac Pacis momenta trutinans, quandam velut Stateram delineavi.*

P O L I T I C O - C A T H O L I C V S.

Vtinam in æquilibrio foret posita, neque plus Hollandis faveret quàm Regi t Monebar Minutius Felix in Octavio: *Impreseniarum tamen ita tibi informandus est animus, ut libram teneas æquissimi judicis, nec in alteram partem propensus incumbas.* Dum in aliam partem propendes, dum adversarios laudas; dum nihil ad Regis dignitatem loqueris; non Srateram delineavisti, sed procul de rectâ rationis lineâ iivisti. An nihil fortassis, quod ad Regis dignitatem faceret, sinistra mens tua reperiebat? Sanè multa laudanda erant, quædam excusanda; plurima in hostibus vituperanda, contemnenda.

P V T E A N V S.

*Volui enim, quantum Regi meo debeam, brevi hoc scripto profiteri.*

P O L I T I C O - C A T H O L I C V S.

Non parum Regi debes. Stipendia, Arx, & alia testantur beneficia; sed ingratitudinem profiteris. Regis nomen defendere, ac voluntatem probare debuisses, Pacem Regi suadere, non populo; non Patriam Pacis dulcedine à gerendo bello seducere. Quod sub nostri Marchionis de Aytona ductu gerendum cum majori fructu speramus: quem fortissimum prudentissimumque militiæ Ducem habemus; qui magnitudine animi, moderatione, vigilantia, liberalitate, quâ nec suis bonis parcat, magnum sui apud omnes amorem & admirationem peperit; quiq; in transitu Mosæ, ut Stephani-Werdam occuparet, omnibus penè reluctanribus sui Exercitus Ductoribus, in conspectu hostium se generosum & audacem ostendit, neque taciturnum ac prudens suæ fortitudini deesse consilium. Vno verbo, potius tacere debuisses, quàm sic loqui, ut Regem odisse, Marchionem contemnere, & Hollandos amare non videreris.

PUTEANI Argumentum Dissertationis in Capita sua  
litterarum numero distinctum.

A. **E**xordium à consilii ratione. Io. Woverii, *Ærarit Regii Assessoris* laus, belli consilia ad Pacem vertentis. Staterâ belli & Pacis opus esse, ut Inducia expendantur.

B. Belgii varia Marte deformati facies. Miserum fuisse, ut quiesceret, rediisse ad arma, ut miseria auferentur. Dictionis lineamenta.

C. Bona Pacis, Inducii, tanquam indiciis, manifesta esse: belli etiam mala hinc magis nunc deprehendi.

D. Quid Inducia, & quani facienda.

E. Pacis & belli comparatione suadentur. Arma nonnisi quietis causa esse: in longum durare non posse, nisi ut mala fiant.

F. Quid potissimum Belgæ bello passi: bello, viitiis tandem suis in senium provento.

G. Damna privata & publica.

H. Majora etiam pericula imminere, nisi à quiete remedia sint.

I. Inclinator in Pacem hostes esse: esse ipsum belli Ducem Auria-cum: sed Regē nostris imprimis malis invitari. Hostes, non jâ auctores belli, sed heredes, aliorum pugnare viribus: prodesse posse, si amici fiant.

K. His ipsis nisi parcat, Ladi maximè subditos, proniores in obsequium, quod à servitute remotiores sunt.

L. Ladi ipsum Regem: quem unum in unâ Provinciâ omnes oppugnant: bellum sic quidem subsidii suis æternum facturum.

M. Incertam hic victoriam esse, fortunam cæcam: Fœderatos sapere, qui ne in victoriâ quidem fortuna credunt.

N. Sapere Corinthiorum, Atheniensium, Romanorum exemplo. His enim spreta aliquando pax, calamitas fuit.

O. Nos moneri maximè, ut eodem exemplo utamur, tardâ jam & enervi mole bellum trahentes: moneri ab ipso hoste. Tuta dubiis, quies turbidis preferenda esse.

P. Regem nostrum, Maximum esse, & unum timeri: uni quoque multos sinuendos esse.

Q. Tranquillum Orbem non fore, nisi pugnare pauci desinant.

R. Paucos illos, Batavos esse, ausos olim vires Romanas provocare : sed à bello in gratiam & amicitiam receptos.

S. Nunc etiam ab armis ad conditiones, sed æquas & benignas, veniendum esse.

T. Laudari, qui auctoritate id Regiæ agunt, ut æque & benigna sint, justæ & salutare.

V. Epilogus, spei metusq; æquilibrio ostendit, quietem periculo, Pacem bello potiore esse: benevolentiam magis, quam violentiam haberi.

X. Indueiarum pacta bonâ fide stabilienda esse: non aliter felicitatem populorum, non Regis stare.

T. Hanc Stateram esse, & Sapientissimi Viri Io. Woveri iudicio submitti.

Z. Voto publico Pax expetita.

#### POLITICO-CATHOLICVS.

Qui litteras invenit, magno generis humani bono invenit. Sed omnia bona, pravo usu mala fiunt. Non sufficebat ex litteris malas & iniquas dictiones ac orationes formare, nisi etiam & ipsæ litteræ, solæ, turpissimum argumentum distinguerent, & quasi viginti tria vexilla totidem inimicas verborum legiones significarent. Sed in ordinem componere, recteque distinguere, prudentis est. An id assecutus sit Putecanus, judicabis Lector; ubi videbis ne quidem unam Alphabeti litteram à me relinqui, quin ostendam sub eâ contineri quæ longè aliud quàm prudentiam spirant. Singulæ litteræ, ut infesta labara, non ostentant Regis insignia, sed Batavorum; & S. P. Q. B. Senatûs, inquam, Populiq; Batavici cõsilia, utilitatem, dignitatem videntur præferre. O infestæ litteræ, quæ tam infelix & perniciosum argumentum, distinxistis! O ATTICA SYDRA, tam malefuada! O DISTINCTIONIS FACULA, potiùs flammâ quàm serenum Patriæ splendorem illaturâ! O florida & disertâ verba, quæ colubros tegunt veneno armatos! Sed ecce vos cum Virgilio Eclog. 3. monitos volo.

*Qui legitis flores & humi nascentia fraga;  
Frigidus, ô Belgæ, pulchrâ lætes anguis in herbâ.*

Sed

Sed quid te, Lector, præforibus tam diu teneo, nec te introduco? Quæso, bone hospes, ut non iniquo animo feras: præambula sunt, & hostiæ responsionis PRÆLUDIA. Mox ad LVPM ibis, ibique Alphabetum meum disces: cui non solum præfixa + est, Christi Symbolum; sed ubique intertexta est Christi gloria: ita ut vocales vocem non edant nisi cum Catholicæ Religionis bono, nec aliter consonent consonantes. At, tantisper in atrio hîc subsiste, donec prius Sallustii sententiam, quam suæ Stateræ præfixit Puteanus, paucis examinaverimus.

*Sallustii Sententia à PUTEANO Stateræ præfixa.*

SALLUSTIVS.

*Scio ego, quàm difficile atque asperum factu sit, consilium dare Regi, aut Imperatori, postremo cuiquam mortali, eius opes in excelsis sunt: quippe cum & illis consultorum copia adsint, neque de futuro quisquam satis callidus, satisq; prudens sit. quin etiam sapè prava magis, quàm bona consilia prosperè eveniunt: quia plerasque res fortuna ex libidine suâ agitat.*

POLITICO-CATHOLICVS.

Imprudentiâ tuam & temeritatē arguunt hæc aurea Sallustii verba. Sciebas esse difficile atque asperum factu, consilium dare Regi: & tamen ausus es periculose plenum opus alex rentare. Qui periculum amat, se in eo peritutum timere debet: Sic prudenter Scripturæ magisterium sequetur. Periculi magnitudinem ex hæc sententiâ hoc modo colligere debuisses. *Scio ego, quàm difficile atque asperum factu sit, consilium dare Regi:* Cur igitur hæc consilia potius Batavorum quàm Regis dignitati & honori faventia proponere audeam? Sed etiam velim scias ita à naturâ factum Regem nostrum, ita elementem ac modestum; ut non difficile atque asperum factu sit, consilium ipsi dare: imò consilia, si honesta sint, si Catholicæ Religionis & Regiæ Majestatis splendori non detrahant, admittet ille æquo animo, idè enim tot Consiliarios & te suâ liberalitate fovet ac sustentat. Magisq; miroi tuos ausus temerarios, cum &



*Consultorum copias in Patriâ esse non ignores: qui si te fortassis eloquio non vincant, certè prudentiâ superant; & majori authoritate alia consilia salubriora Regi subministrare poterant; aut hæc tua consilia, si de eorum soliditate dubitassent (non solum autem dubitassent, sed iniquè procul dubio existimassent, & idcirco Regi non obtulissent) non impressa sed scripta, obtulissent. Sed quàm nemo de futuro satis callidus, satisq; prudens sit, tu ipse es exemplum: quia Inducias credideras futuras, putabas te rem futuram non tam consulere quàm vaticinari, & sic omnium voto locutum esse. Errasti. Denique si sapè prava magis quàm bona consilia prosperè eveniunt; quis non miretur tua prava consilia, id est, Inducias non prosperè evenisse? Non successerunt, quia bonum bellum est; & getetur, non res Belgicas fortunâ ex libidine suâ agitante; sed Dei consilio atq; providentiâ. Quæ ecce duas classes auro graves misit ex Indiâ Occidentali, & tertiam ex Indiâ Orientali, id est, pecunias misit, belli nervos. Ostendet ergo Rex, Dei auspicio, se necessitate (quam fingis) non victum, sed hostes ipsâ necessitate (ad quàm vñ armorum adiget) victurum. Fave Deus: nam tua res agitur, id est, Catholicæ Religionis. Absolvi, Lector; ingredièrè & examina: Puteani Stateram tibi propono & meam, id est, ejus verba & mea, ut sic ex æquo judices.*

## ANTI-PVTEANVS

SIVE

### POLITICO-CATHOLICVS,

*Stateram Puteani, Inducias expendentis, aliâ Staterâ expendens.*  
ERYCI PVTEANI Belli & Pacis Stateta, quâ Induciar, auspicio Regio tractari cœpre, expenduntur.

*A. Quando omnes passim loquuntur ac deliberant, optimum à mutis & mortuis consilium est. Homines quoque sitaceant, vocem invenient libri; & qua nemo dicis, prædentiſſima Antiquitas suggeret. Tunc verò res qua agitur maxima, & qua fortunas salutemq; spectat omnium, silentium ubique abstulit: Suo quisque judicio privatim expendit,*

*pendis, qua tractari audit publicè; promittis opinionem, ut & loqui publicè videatur. Quid agis igitur Prudentissime, & tuo major aro, Voveri? ut & ego in numerum veniam, unusq; è multis sim, si dicam unus, qua multis? Peccare malo, quàm aut affectum mentis non proferre, aut suum non sequi, qui splendidissimum à bellis titulum salutaribus ad Pacem consiliis constanter & ardentè dirigit. Dicam pauca, ne solus tacuisse videar: dicam mea, non tam rerum usu collecta, quàm lectiōne studiisq; litterarum observata. Mea, ut tua fiant, & si fortassu aberrantia, vel castiges liberè, quod iudicii tui erit; vel benignè excuses, quod amoris.*

*Belli & Pacis, ut sic appellem, Stateram formio, tempori aptam, examini commodam; quâ Inducias feliciter tractari captas, necessitatibus præsertim pretio æstimm, cui innexa utilis honestiq; ratio suo promiscuè pondere libramentum directura sit.*

Responsio POLITICO-CATHOLICI ad primam litteram, A. Puteani.

PYTEANVS.

*Res qua agitur maxima, & quæ fortunæ salutemq; spectat omnium; silentium ubique abstulit. Suo quisque iudicio privatim expendis, quæ tractari audit publicè; promittis opinionem, ut & loqui publicè videatur.*

POLITICO-CATHOLICVS.

*Injuriam doctrinæ tuæ facis, qui in primâ Alphaberi litterâ statim erras. Privarim tu quoque expendisses, non publicè. Publicè expendis, cum Stateram tuam perniciosis interpretationibus corruptam facis publicam. Arbitrium rei maximæ & quæ fortunæ salutemque spectat omnium, quo jure sumis? Auctoritate publicâ opus, ut Inducias publicè expendendi jus haberes. Quis suâ potestate arduum & periculosum in Repub. judicandi manus arripiat? Committi debet, non arripi. Quis, nisi temerarius, se publicis rebus immisceat, privato tantum amici consilio fultus? Tacere debuisses, etsi ab amico rogatus; quoniam non ab eo, qui publicâ auctoritate tantæ rei rutinam tibi committere potuisset.*

PYTEANVS.

*Quid agis igitur prudentissime & tuo major aro Voveri?*

Po-

## POLITICO-CATHOLICVS.

Imò imprudentissimum & suo perniciosum ævo non verebor appellare, si hæc tibi argumenta suggererit. Sed quis credat? non inquit. Erumpet veritas aliquando.

## P V T E A N Y S.

*Et ego in numerum veniam, unusq; è multis sum, si dicam unum, quæ multi?*

## POLITICO-CATHOLICVS.

Latent scilicet adhuc serpentes, qui columba candorem præferentes, in occulto sibilare non desinunt & venena effundere. Suam & illi exiguam in Regem benevolentiam, tuo testimonio revelant. Dum eorum ore loqueris, eorum animos tua oratione manifestas. Vnus autem dicis quæ multi, sed non ut ipsi, quia publicè: nemo illorum scripsit. Timere debebas, ne factiosorum caput & lingua haberetis. Et quid multos tibi subseribere revelas? Dicit Seneca lib. 3. de beneficiis, cap. 16. *Non expedit notum omnibus fieri, quam multi ingrati sint.* Nocet enim cognita multitudo peccantium, & facile trahit in sequelam. Velim deinde audias Ambrosium ad virginem lapsam, cap. 9. *Non tibi de multitudine peccantium similium blandiris & dicas: non solus hæc egi, multos habeo socios: sed recogita, quia multitudo factorum impunitatem non facit criminum.*

## P V T E A N Y S.

*Peccare malo, quam aut affectum meum non proferre, aut iuramentum non sequi.*

## POLITICO-CATHOLICVS.

Igitur non inscius peccasti. Auget facinoris magnitudinem voluntas peccandi. *Romani veteres magis voluntatem peccandi intuebantur, quam modum, ait Velleius Patereculus lib. 2. cap. 8.* Exaggerat, & illud Demosthenes orat. pro Ctesiphonte his verbis: *Facit aliquis injuriam prudens? irata Leges, infestis Iudices, pena in eum constituta. Peccavit aliquis imprudens & inuitus? huic venia datur, non supplicium queritur.* Sed quam cæcus ille amor tuus, quandoquidem Regem

gem Patriamque contempseris, ut affectum tuum proferres, at imprudens & perniciosum amici consilium sequereris. Non mirum, si in iudicando erraveris, cum dicat ille: *Omnis amor cæcus, non est amor arbitri æquus.* Et Cæsar apud Sallustium in bello Catilinario sic exordiarut: *Omnes homines, qui de rebus dubiis consultant, ab odio, amicitia, ira, atque misericordia vacuos esse decet. Haud facile animus verum providet, ubi illa efficiunt.* Quinimò fortasse defensionem tui, quam amicitiam Woverii pluris æstimasti: nam imitatus videris eos, de quibus loquitur Maximus Tyrius Dissert. 8. *Qui occultè in alios, quorum major est autoritas, culpam derivant, ut facinus à se commissum ita elevent, si tales in societatem ejus venire ostendant.* Plus igitur amicum laxisti, quam æstimasti.

PVTEANVS.

*Dicam pauca, ne solus tacuisse videar.*

POLITICO-CATHOLICVS.

Vtinam pauciora hic niger calamus! Isocrates, referente Maximo ferm. 2. *Duo dicendi genera statuenda dicebas, vel de iis quæ certò novimus, vel de quibus dicere est necessarium.* In huius enim solis oratio silentio præstat, in aliis melius est filere quam loqui. Ita Lycosthenes de silentio agens. At nec certò novisti quæ scribis, & imperitum te ostendis eorum quæ Starum spectant: præter eà de iis dicere non erat necessarium. Plus enim tuo silentio, quam simili eloquio Rempublicam promovisses.

PVTEANVS.

*Belli & Pacis, ut sic appellem, Stateram formo, temporis aptam, examini commodam: quæ Inducias feliciter tractari capias, necessitatis præsertim pretio æstimem, cui innexa utilis honestiq; ratio suo præmissæ pondere libramentum directura sit.*

POLITICO-CATHOLICVS.

Stateram in hoc rerum turbine ineptissimam & perniciosissimam formas. In eo laborat, ut omnium animos enervet. ne bellum, quod Regis iussu & autoritate adhuc geritur, promptè prosequantur, sed detrectent seditiosè. Statera hæc per populi manus volitat, qui malis mederi non potest, sed

potius propositis Patriæ vulneribus, hastam abicere. Malè autem Inducias necessitatis pretio æstimas, ciquè non rectè utilis honestique rationem innectis. Honestæ Regni nostro esse non possunt, sed turpes: quia Regem necessitate ad Inducias coactum ostendere conaris. Non utiles, quia Regius animus nullam agnoscit utilitatem, nisi cum honestate & Religione conjunctam. Sed hæc infrà.

### Littera B. PYTEANI.

Inter plerasq; Europæ & Orbis Christiani Provincias, genio, ac sibi, omniq; laude Belgica naturam suam extollunt: sed longo bello, velut morbo tam graviter affecta: ut aliarum undique ad se mala traxerint & calamitate quoque nobiles sint. Semina miseria, interna dissidia, quæ in fœdera deinde & arma eruperunt. Vario Marie certatum est, in Regem, & pro Rege. Pars libertatem, nescio quo fervore, sibi asserere; pars obsequium constanti fide proficere. In ipsis, ut sic dicam, aquio excitato incendio, hauserunt flamma quicquid remediis esset: cumq; majori fiducia, quam curâ ageretur, non alium finem bellum habuit, quam ut tractum sit. Lassa tandem utrumque arma, Induciis, sed brevibus interquieverunt. Rediit furor, adeoq; resumpto velut spiritu, in novam calamitatem recruduit, ut fœderata vires, quia parva, plus ad victoriam cura attulerint: Regia, quia longinqua, & sic tarda, imò ut plurimum inutiles, non potuerint nisi in alimentum belli erogari. Ergò tantum in unâ propemodum Provinciâ auri consumptum, quantum Europa vix tota deglaciaret. Militia ipsa, quia sexaginta & amplius annorum morâ consenuit sine fructu victoria, florem quoque disciplina amisit. Hostes sua vitia habent, & nos nostra: majora etiam, quia majore sumptu & mole pugnamus. Prorsus tanquam utrimque vidiamur ad quietem trahi: utilitate dicam, an necessitate consilio, an periculo? Expendam singula, argumento magis quam ordini inhaerens: nec ut Orator, sed potius ut consultor: nunc bona, nunc mala, suum momentum: nunc mala, nunc bona. Pacis bona, belli mala, eadem quasi trutinâ, ut si intelligere mala belli incipimus, bona pacis, & bene Induciarum æstimemus.

Responsio

Responsio POLITICO-CATHOLICI ad Litteram  
B. PUTEANI.

PUTEANVS.

*Vario Marte certatum est, in Regem, & pro Rege. Pars libertatem, nescio quo fervore, sibi asserere; pars obsequium constanti fide profiteri.*

POLITICO-CATHOLICVS.

Nescibas quo fervore? Non ignorabas impium esse, qui non ex Regis virio, sed ex Religionis & unius Ducis odio frustra & malè suscepto, ex perfidorum & improbotum Principum quorundam conjuratione flammam sumpsit. Et nonne impius, qui fidem antiquam extinguit, Regiam hæreditatem rapit? Religionem primam nomino: quia quidam sunt malè Politici, qui hanc ultimam statuunt. Atheos dixerim, qui sic Deum negligunt; quasi sine Deo verâque Religione, Status stare posset. Sub Guilielmo Auriaco sacra omnia prophanata, in exilium acti Sacerdotes & Religiosi, quin etiam variis excruciatii suppliciis, Catholici omnibus dignitatibus spoliari, officia omnia in sordidam hæreticorum colluviem reciderunt. Et quo fervore Regiam hæreditatem rapuerunt? injustissimo & flagitiosissimo. Patrimonium Regis est. Primò Maximilianus cum Mariâ uxore suâ sine bello Belgium accepit. Philippus I. deinde ejus filius cum Ioannâ Ferdinandi & Isabellæ filiâ, Hispaniam ac tot illi adjuncta Regna, dotis nomine possedit: in quæ omnia Carolus V. Imperator successit. Tandem Alberro cum Isabellâ Clarâ Eugeniâ felices nuptias contrahenti, Philippus II. Belgium dedit; quod, cum prole caruerint, ad Philippum III. rediit, cujus hæres Philippus IV. Quo jure igitur invaserunt, & jam occupant? fervore libertatis scilicet. Sub hujus colore servitutem induxerunt. Statim ac imperium obtinuerunt, libertatem conscientiarum Catholicis non solum denegarunt, sed illos Senatu moverunt, ab officiis rejecerunt, severis legibus constrinxerunt. Quid aliud libertas conscientiarum, quàm

indifferentia fidei? Persuadebant Catholicis, ut securè cum illis habitarent, tanquam ad bonorum Ecclesiæ communio- nem admittendi, sed tandem incauti & infelices in servitu- tem redacti fuerunt, tormentis excarnificari, ex suis digni- tatibus deturbati, & miseram ætatem coacti transigere. Am- sterodamensibus promiserant anno 1578. 8. Februarii die, ar- ticulo 1. *In Amsterodamensi civitate & omnibus ejus Territoriis sermone ac domino, nulla præterquam antiqua Romana predicabitur, docebitur, exercebitur Religio.* In conventionem Graviensium anno 1602. polliciti erant art. 1. *Omnes Religiosi, tam viri quam femi- na, nullo excepto; item omnes Catholici, erres & iniqui, in Catho- lica Religione exercitio pacificè agere & manere permittentur.* Sed promissis suis, quæ jurejurando confirmaverant, non stete- runt. An qui postea Ruremundanis & Trajectensibus permi- serunt, eandem, quam aliis, fidem servabunt? Catholicos in Sacris turbari, rideri, ac vexari, querelæ etiamnum audiun- tur. Nectantùm Catholicos hæc premunt servitute, sed et- jam Arminianos concives suos coegerunt in Dortracenam Synodum jurare eamque propugnare. De Arminianorum oppressione. Ferdinandus ab Efferen in Manuali Politico lib. 2. punct. 9. sic ait: *Pugnaverunt Hollandi quinquaginta annis pro libertate conscientia, ut præferat causa belli. Quid obtinuerint, loquun- tur Arminiani ipsorum concives, quibus non tantùm gravi penâ inhi- bita est professio suæ fidei, & adempta libertas conscientia, sed etiam jus naturale, defensio denegata manet.* Malè igitur dicis Hollan- dos asserere libertatem sine addito. Hanc falsam, insanam, & imaginariam cognominare debuisses. Si à Religione ad ci- vilem statum transeamus, majorem apud nos libertatem, & minorem servitutem, quàm apud Batavos reperiemus. Nulla minor servitus, quàm sub uno & bono Rege. Nulla major servitus, quàm apud Batavos, apud quos solum libertatis no- men, umbra, & nihil. Apud illos pro unico Rege tot sunt Domini, quot viri, qui Senatum constituunt. Liquet autem multiplicato numero Dominorum augeri serviendi vilita- tem. Quinimò apud nos tantùm libertas est: apud illos ser-  
vitu

virtus & captivitas. Ex sententiâ D. Chrysologi loquor, serm. 62. *Servire, inquit, uni libertas est: captivitas, multis.* Rectè igitur Homerus Philosophiæ parens Iliad. β. statuit.

Οὐκ ἀγαθὸν πολυκρατεῖν, ὅς τις ἴστω,

Εἰς θανάτῳ. *Non bonum est multorum dominatus,*

*Unus Dominus esto, unus esto Rex.*

Quid de tributis & vestigalibus dicam? Tanta sunt apud Batavos, tamque intolerabilia, ut potius maximâ tyrannide opprimantur. De quibus si paulò fusiùs dicam, operæ pretiū facturus videbor. Duplicia sunt apud eos tributa, generalia & particularia. Generalia, à quibus nemo eximitur, media vocantur ad belli sustentationem deputata: & in tribus consistunt, nempe in tributis & vestigalibus publicis, licentiis sive portoriis, & com meatu sive salvo conductu. Vestigalia publica excedunt nummum decimum, quem Dux Albanus ex omnibus rebus quæ vendebantur, exigebat. Non tamen apud eos nummus decimus appellatur, sed alio specioso nomine apud rudem populum palliavit iniquitas. Nec solùm ex rebus quæ venduntur (sicut petebat Albanus) apud Rebelles sit exactio, sed ex omnibus bonis, mobilibus, & immobilibus, etiam si non vendantur. Dant igitur ex bonis mobilibus & immobilibus pretium decimi nummi (licet apud ipsos nummi decimi non sit appellatio) ita ut ex decem vaccis dent unam, ex decem domibus unam, ex decem poculis lactis unum, ex decem caseis unum, ex decem pondo butyri unum: Secundò, licentiæ sunt portoria omnium mercium, quæ vel evehuntur ex Hollandiâ, vel in illam invehuntur, vel quæ exiguntur pro transitu fluminum, sicut pro Scaldi apud Lilloam & alibi; pro Rheno apud Orsoyam & Rhinsbergam & alibi; pro Mosâ, Trajecti. Tertiò, media quæ in com meatu & salvo navium conductu consistunt, ad ex fugendum populi sanguinem sunt excogitata. Pro navi dives mercator, pro scaphâ pauper rusticus caseos & fructus ad forum vehens, pro quolibet vase & pro qualibet re quæ navi imponitur, juxta cujusque magnitudi-



nem dant. Vectigal fanè intolerandum ; & fit aliquando ut una navis duo vel tria millia florenorum pendat, eo solo nomine quòd conducatur; cùm tamen nulla navis prædiaria commect. Vectigalia particularia sunt infinita, utpote omnibus rebus imposita. Pro quolibet vase vini, dantur decem aut duodecim floreni. Pro quolibet vase cerevisiæ, sex floreni. Ex quolibet modio tritici, hordei, siliginis, avenæ, aliorumque granorum, sesquimodius demitur. Pro quolibet scripto & instrumento solvi debent quinque asses, ut Statutum sigillo minori muniarur ; sine quo nullum scriptum est reatum ac legitimum, siue sit testamentum, obligatio, petitio, testimonium, memoriale etiam duabus tantum lineis expressum. Denique vectigalia omnibus rebus sunt affixa, panno, omni que materiz vestibus conficiendis idoneæ, cunctis rebus commestibilibus & potabilibus, etiam lucro diurno famuli & famulæ, calceis & pileis, carnibus, piscibus, saccharo, sali, tabaco, ceræ, caseo, butyro, ligno, chiorrhæcis, & omnibus relarum generibus, domibus, caminis, aëro, lacti, melli, panibus, farinæ, tritico, pratis, hortis, singulis capitibus gregis alicujus, fructibus, etiam candelis sebaceis. Et quis non rideat, nec ipsos partus à tributis liberos esse? Vix lucem haurire cœperunt, & statim triburo obnoxii sunt. Vbi peperit mulier, si sit proles mascula, duo floreni eum medio exiguntur; si feminini sexus sit, duo floreni; quasi captivæ proles, cùm tamen, ut aiunt, sint ad libertatem natæ, non aliter suam libertatem, nisi mox à servitute debeant incipere. Fit ergo ut tantum videre, audire, & respirare sine tributo possint: & jam non decimum nummum, sed quintum extorqueant. Denique ipsum mori à triburo liberum non est; nam corpora sepelienda, in arcâ lignea recondi non possunt, nisi prius secundum cujusque qualitatē, quatuor, quinque, imò etiam octo floreni conferantur. Nec spes esse debet brevi minuendæ tributa. Enimverò altius ascendent, quâdo quidem Rebellium Provinciarum debita exurgant ad centum quinquaginta & plusquam milliones florenorum.

norum. Quis non hęc tyrānidem animadvertat? Quis hos populos liberos dicat, quos tam graviter oppressos videat? Syl-  
væduces & Trajectenses interrogemus. Libertatem, quā  
sub Rege nostro fruebantur, amissam dolent, execrantur ty-  
rannidem Batavorum, qui cū jurassent, cives non solutu-  
ros majora tributa, quā cū sub Dominio Regis essent, pa-  
ctum fregerunt: & jam ab ipsis sex florenos pro quolibet va-  
se cetevilæ exigunt, cū sub Rege non nisi idē sex asses  
solverentur. Quinimō Braxatorijm, ut vocamus, ibi nomine  
Statuum erigere meditatur: unde omnis quæretur ccevi-  
sia, & pro unoquoque vase septem floreni pro vestigali pe-  
tentur. Interrogemus & rusticos, qui in munimentis Ruræ-  
mundanis per septimanas operari cogebantur sine præmio  
ac mercede, & victum sibi ac potum ex suis tuguriis secum  
debant conferre. Quæ crudelitas, aut tyrannis major? Ec-  
tamen libertatem jactant. Hanc igitur, Puteane, fictitiā  
Batavorum libertatem, eorūque servitū, eam asserendi  
aliquō reprehensionis epitheto, velut atro carbone notare  
debuisses: multo min⁹ laudare in Belgis amorem liberratis,  
aliis nationibus exprobrare serviendi vilitatem, tanquam si  
alicubi servitus sub Rege nostro esset, sicut facis in litterā, K.  
circa finem.

#### P V T E A N V S.

*Federata vires, quia parva, plus ad victoriam cura attulerunt. Re-  
gia, quia longinqua, & sic tarda, non potuerunt nisi in alimentum bel-  
licrogari. Ergo tantum in unā propemodum Provinciā auri con-  
sumptum, quantum Europa vix tota deglutiret.*

#### P O L I T I C O - C A T H O L I C V S.

Sæpē nocuit hoc loquendi libertas. Si longinquæ fuerunt,  
idēque tardæ. Rex jure potuit tibi omnium rerum examen  
deposcere: quia non min⁹ ad suam quā ad Patriæ salutem  
aut utilitatem faciebant. Deinde Regem publico scripto  
tarditatis arguere, non Consiliarium, qui secretō monere  
debet, sed malē affectum buccinatorem sapit. Regios  
non

non minus ad victoriam curæ attulisse quàm fœderatos; testatur nostra perseverantia, Regii sumptus & totum illud aurum, quod vix Europa tota degluriret, ut ais. Iucundum Regi puras iam profusos sumptus facere. Hi certè summam ejus curam atque desiderium urbes hæreditarias recuperandi demonstrant. Regios non tantum curæ ad victoriam attulisse, & Regias vires non nisi in alimentum belli erogatas: hoc recum dicunt, qui malè de Hispanis sentiunt, qui eos non bellum gerere, sed alere clamant; tanquam si ad victoriam curæ parum adferrent, ut belli æternitatem in Belgio faciant. Sed nōne Hispani iucundiùs pace partâ, & cum honore in Patriam reversi, Patriæ restauratæ præmio fruerentur? Eos ad victoriam non toto conatu anhelare: quandoquidem in Palariarum cum suo damno, in Africam, Indiamque universam pro Fidei & Imperii majori propagatione, in Germaniam sine gravissimâ nominis Austriaci jacturâ arma sua transferre non possint. Hispanos belli semina sovere, cum Hispania auro & argenro seipsam exhautiat, & in utriusque locum ærei & cuprei nummi successerint, & Iberici mercatores Indicarum opum securâ felicitate non fruantur? Non igitur hæc armorum diurnitas tam eorum vitio accidit, quàm iniquitate temporum aliis: quæ causis, quas aperiâ.

#### P. V T E A N V S.

*Utilitas ipsa, quia sexaginta & amplius annorum morâ consenuit, sine fructu victoria, florem quoque discipline amisit.*

#### P O L I T I C O - C A T H O L I C V S.

Per sexaginta annos sub Ducibus præstantissimis, Duce Albano viro militiâ claro, licet severitate tunc temporis multum necessariâ, in odium inciderit. Sub Serenissimo Ioanne Austriaco, cui nihil ad belli fortunam defuit. Sub Comite Fontano. Sub Alberto nostro, non minus belli quàm pacis gloriâ Maximo. Sub Marchione Spinola, quem sua illustria facta commēdant immortalitati. Non in otio milites  
nostros

nostros fuisse enutritos testantur eorum præelara facinora; recuperatæ urbes quamplurimæ, frequentes & raræ victoriæ; quas mirum esset te ignorare, qui re Historiographum Regium profiteris. Non ergo militia fuit nisi cum fructu victoriæ, nisi perfectam intelligas victoriâ; quæ cum perfici non potuerit, infra explicabo. Sed quomodo militia vires amisit, & consenuit longâ temporis morâ? Nonne potius usu & exercitatione roborari solet? Quomodo denique florem disciplinæ amisit, sub tam acribus & vigilanribus disciplinæ custodibus? Nisi fortè dicas illam à Marehionis Spinolæ (sub ejus ductu sterit optima disciplina) discessu, statim defecisse. Tribuendum Henrico Bergio, qui ex Velaviâ eduxit exercitum fame attritum, inopem, quem fortunatissimum educere potuisset, & quidem cum fructu victoriæ, si fortunâ uti malevolus & dolosus proditor non renuisset. Cui & reliqua, tanquam omnium malorum fonti, hæcenus tribuenda ostendam. Sed quid nostram militarem disciplinam improbare audes? In castris nostris nulla seditio, quieta sunt omnia, parati sunt ad prælium milites, si hostes generosos, non fugaces & timidos lepores haberent.

PVTEANVS.

*Prorsus tanquam utrimque videamur ad quietem trahi: utilitate an necessitate? consilio an periculo? Expendam singula, argumento magis quàm ordini inhasurus; nec ut Orator, sed potius ut Consultor.*

POLITICO-CATHOLICVS,

Nondum nos periculo aut necessitate cogimur. Cùm singula expendes, iis respondebimus, & ostendemus te, nec Orátore, nec Consultore, ne dicam Consiliario, digna consilia dedisse.

Littera C. PVTEANI.

*Hactenus quidem, quia ardua ac dubia fuerunt omnia, sub ipso armorum onere intelleximus respirandum esse: & semel Inducia placuerunt, ut redire possent, usu testes, Minervam Marte meliorem esse, togam sago, amorè odio, sudum tempestate. Nullo, ut puto, elogio opus,*

D

ut

ut res à Deo, à naturâ, ab ipsâ nobis ratione commendata, in pretio sit :  
Pax est,

————— Pax optima rerum,  
Quas homini novisse datum est : pax una triumphis  
Innumeris potior : pax custodire salutem,  
Et cives æquare potens.

*Quid illâ Musâ suavius ? Auro saluberrimi hi versus, non atramento ;  
sceptro, non calamo scribendi sunt ; ut à Regibus populisq. publicè legantur.  
Omni quippe Regno (Theoderici Regis apud Cassiodorum  
monitio est) desiderabilis debet esse tranquillitas : in quâ &  
populi proficiunt, & utilitas gentium custoditur. Hæc est  
enim bonarum artium decora mater ; hæc mortalium ge-  
nus reparabili successione multiplicans, facultates proten-  
dit, mores excolit : & tantarum rerum ignarus agnoscitur,  
qui eam minimè quæsisse sentitur. Sed si nihil melius Pace, pessim-  
um sanè bellum est, omnis & fundamentum & munimentum mali.  
Bellum, inquam, est : semper malum ; pessimum, cum extenditur.  
Semeligitur nuper Induciis interruptum, ut brevè pacis usurâ arumna-  
rum intervallum esses, scirentq. populi, quo bono, ab Optimis, & quiete  
dignissimis Principibus, ALBERTO ET ISABELLA CLARA  
EUGENIA regerentur : quo jure Optimi regerent. Bello gloriosi  
erant, sed maluerunt Pace, tanquam benigna quadam Numina, sa-  
lutares esse, magnitudinem suam felicitate subditorum aestimare.  
Grave igitur comparatione quietis belli visum est ; gravius etiam,  
postquam, rebus intempestivâ legatione turbatis, quasi postliminio  
reductum.*

Responsio POLITICO-CATHOLICI ad Litteram  
C. Putcani.

PUTEANVS.

*Senæ Inducia placuerunt, ut redire possent, usu testes, Atinervam  
Atarte meliorem esse, togam sago, amorem odio, sudum tempestate.  
Et infrâ.*

————— Pax optima rerum,  
Quas homini novisse datum est, pax una triumphis  
Innumeris potior. &c.

Et

*Et iterum infra. Omni quippe regno (Theoderici apud Cassiodorum monitio est) desiderabilis debet esse tranquillitas: in quâ & populi proficiunt, & utilitas gentium custoditur. Hæc est enim bonarum artium decora mater; hæc mortaliū genus repatabili successione multiplicans, facultates protendit, mores excolit: & tantarum rerum ignarus agnoscitur, qui eam minimè quæsisso sentitur. Sed si nihil melius Pace, pessimum sanè bellum est, omnis & fundamentum & munimentum nial. Bellum, inquam, semper est malum; pessimum cum extenditur.*

#### POLITICO-CATHOLICVS.

Indueas bello meliores, Pacem optimam esse, si for-  
tunarum spectetur utilitas & quieris iucunditas, nemini  
dubium est. Sed causæ faciunt, ut honesto utile posthabe-  
ri debeat. Fit etiam, ut bellum sæpè melius sit Indueiis,  
quinimò bellum sit optimum, non minùs quàm Pax, non  
semper malum, ut ais. Quis Castellæ Reges non laudet,  
qui perpetua cum Mauris bella gesserunt, & tor prodigio-  
sas victorias, Deo ac Divo Iacobo non probantibus solum,  
sed etiam auxiliantibus atque certantibus, reportarunt?  
Quis non S. Ludovicum Francorum Regem, multis sumpti-  
bus bellum pro Terrâ Sanctâ recuperandâ gerenrem, pluris  
æstimaverit; quàm si domi pacem aluisset, si tantis impen-  
diis bello præfertim in remotissimis regionibus ducendo  
necessariis populum gravare timuisset? Quis Emmanuelem  
Lusitanæ Regem non laudet: qui ut Christianæ Reipublicæ  
utilis esset, & bello gloriolus, multis sumptibus classes in-  
struxit, & in Indias misit? Satis potens & patens erat Lusi-  
tania: quin quievit? Elegit bellum, quod Pontifices bonum  
diplomatibus approbarunt. Reliqui Reges bellum sunt pro-  
secuti & extenderunt: nullus, cui mens sana, malum, mul-  
tò minùs pessimum existimavit. Quis deinde Regē inertem  
& degenerē non arguat, qui solo amore Pacis pugnam de-  
trectaret, Rebelles non compesceeret, purpuram & sceptrum  
abjiceret, se Regno aut aliquâ Regni parte exni pateretur?

Inde Regno accederetur utilitas, quòd belli incommoda non sentiret: sed Rex per ignaviam atque socordiam sibi adferret dedecus nullo Oceano eluendum. *Ut pace iustâ & honestâ nihil pulchrius, nihil utilius: sic eâ, quam vel ignavia, vel servitus infamant, nihil neque turpius, neque magis noxium.* Ita Polybius lib. 4. hist. cap. 31. Et Demosthenes apud Stobzum. sectm. 49. verè & generosè dixit: *Bellum honestum, turpi Paci preferendum est.* Prætereâ Batavi Hollandiam, Frisiam, Zelandiam, Limburgum occuparunt; Brabantiam, Flandriamque murilarunt: & Rex se ad pacem confeceret? eamque innumeris triumphis potiorè duceret? Catholicos videbit opprimi, hæreses dominari, luem suam teterrimam. his Provinciis affricare; & tolerate poterit? Videbit eos Germaniam universam ad turbas concitasse, Domui Austriacæ perniciem fuisse machinatos, omnes ad Cæsaris jugum excutiendū instigasse, Gaborem & Turcam ad bellum Cæsari movendum missis legationibus impulsisse, Palatino coronam Bohemæ imposuisse, Regem Daniæ & Suecum in Germaniam evocasse, & Protestantibus Principibus auxilia mittere: & improbos tantorumque malorum auctores ferre poterit? non hæreticorum sentinam exhauriet? Hollandiam, suam ditionem, ab hoc sceleratorum hominum cœno non expurgabit? Gravia quidem sunt belli damna, & metuendum equidem est bellum (ait Polybius ibidem) *sed non usque adeò metuendum, ut ejus vitandi gratiâ omnia velis sufferre.* Neque enim laudamus Pindarum, qui in suis Pœmatis sic ait: Pro se quisque civium publicæ tranquillitati consulens, quieris magnanimæ lætæ jubar requirito. *Pindarus enim cum repente visus esset dixisse aliquid, quod merito omnes probarent, non multò post & turpissima & damnosissima sententia auctor fuisse est compertus.* Ita tu, licet repente visus sis dixisse aliquid, quod merito omnes probarent, non multò post & turpissimæ & damnosissimæ sententiæ auctor fuisse compertus es. Denique bellum non semper esse malum, testetur Augustinus: *Apud veros Dei cultores* (inquit ille lib. de verb.

verb. Domini ) etiam illa bella peccata non sunt, quæ non cupiditate aut crudelitate, sed pacis studio geruntur, ut mali coërceantur, & boni subleventur. Et ille idem epist. 5. sic ait: Cui licentia iniquitatis eripitur, utiliter vincitur. Consule verò Aristotelem Rhetor. ad Alexandr. cap. 3. videbis eum plurima bella approbare, quæ ex his causis oriuntur. Par est, ait, ut injuriâ provocati pro nobis ipsis, aut pro cognatis, aut pro iis qui benefici erga nos fuerint, aut quò auxilio sumus in iuste affectis sociis, aut publicâ pro utilitate bellum suscipiamus.

### PVTEANVS.

Bello gloriosi (scilicet Albertus & Isabella Clara Eugenia) erant: sed maluerunt Pace tanquam benigna quadam Numina salutare esse, magnitudinem suam felicitate subditorum æstimare.

### POLITICO-CATHOLICVS.

Benignitatem arque clementiam horum piorum Principum mirabuntur omnes, nemo satis prædicabit. Inducias tamen admiserunt, non quia bello meliores existimabant, sed ut Belgæ se legitimos Principes habere tandem scirent, non tantum belli Duces, ut antea. Secundò, magna pars Flandriæ & Brabantiæ ubique vastata, incendiis deformata, bonis spoliata, non ab Hollandis solum, sed etiam à Francis sub Duce Alençonio, vix emergere poterat & respirare: ideòque rectè aliquod intervallum datum fuit. Tertiò, multa nec contemnenda consilia, tunc se per-opportunè offerebant, quæ in vulgus exire non debent. Sunt tamen, qui Inducias illas non fuisse necessarias contendant, imò utilius fuisse, si cum Hollandis Inducias non quaesivissemus. Ratio est, quia ad extremum redacta erat Hollandorum potentia, & annuuntænis ita grave, ut omnes eorum proventus ei ferendo nimis quàm impares essent. Testatur Scribanius in Politico-Christiano lib. 2. cap. 42. Eorum debita nono ante Inducias anno, sex & viginti argenti miliones superasse. Quantum putamus accrevisse spatio novem annorum, qui Inducias præcesserunt? Non errabo, si ad centum miliones debita pertigisse dixerò.



Exhaustum igitur erat eorum ærarium, magnum æs alienum. Nos autem ferendo bello plusquam pares eramus. Nam numquid pecuniæ suffecerunt, ut Comes Buequoyus cum exercitu ad suppetias Imperatori ferendas in Bohemiam mitteretur? Vt Spinola, Dux circumspiciatissimus, Aquisgranum Regi adjiceret, Wesaliam invaderet? Vt Palarini ditiones, petente Imperatore, occuparet, & de quinquaginta septem urbibus, ac cibisque triumphare posset? Ego has Inducias Divinæ providentiæ tribuo. Voluit hoc Deus, ut sic securius Ferdinando Imperatori tot hostilibus copiis circumcincto auxilium dari posset: qui præter unam ferè Vienne omnia amiserat, Hungariam, Bohemiam, Silesiam, Lusatiam, Moraviam, Austriam quoque suam. Sed si tantus Induciarum amor in Alberti Principis nostri pectore, cur, cum finis earum appeteret, legationem non misit, ut durarent? cur, postquam desicere, bellum non recusavit? cur tunc desit pace salutatis esse, & magnitudinem suam felicitare subditorum æstimare? Suscipiendum duxit, & ad posteros, cum se deficere videter, transmisit, tamquam necessarium. Nisi autem mors, rerum omnium terminus, nobis longiorem ejus vitam invidisset: belli finem, fractis Rebellium viribus, jam fortasse videremus.

---

Litteræ D. PUTEANI.

*Sed ego, ut omni sermone bellum excludam, Pacem Inducias vocare amo, Inducias Pacem: si quid discriminis est, spatio desinitur. Pax brevis & sequestra, alio nomine Inducia sunt, Inducia longa nihil à Pace differunt. An expetenda, hinc vel maxime jam licet statuere: Dolent omnes, & uno affectu dolent, intercisas esse. Audiantur voces, suspiria, gemitus. Etiam lacryma fluunt, tanquam sanguinem denuò effusum abluant. Ergo quæ tandem consilia capienda sint, ipsa populorum vota indicant, aliquem saltem postulantium belli finem, Pacis nomine; aut arduarum intervallum, si facilius Induciarum ratio est.*

Responsio

Responsio POLITICO-CATHOLICI ad Litteram  
D. Putciani.

PVTEANVS.

*An expetende, (scilicet Induciæ) hinc vel maximè jam licet statuere: Dolent omnes, & uno affectu dolent, intercessas esse. Audiantur voces, suspiria, gemitus. Etiam lacryma flunnt, tanquam sanguinem denuò effusum abluant. Ergo qua tandem consilia capienda sint, ipsa populorum vota indicant, aliquem saltem postulantium belli finè, pacis nomine; aut arumnarum intervallum, si facilius Induciarum ratio est.*

POLITICO-CATHOLICVS.

Vilium hominum sunt ista suspiria. Clarorum & genitorum voces hæ: iterum Deo Regi; uniatur Hollandia; aut infesto petatur bello, etiam cum omnium bonorum nostrorum iacturâ nunquam terminando. Et ullumne bellum, ubi non suspiria, gemitus, lacrymæ? Pulchrum sanè, si Cæsar statim suum Imperium Sueco, & reliquis hætericis cecidisset: ne suspiria & gemitus Germanorum audire cogeretur. Debent Reges subditis lætam pacem adferre, nisi adhuc injuria bello vindicanda. Sicut Reges populum ab injuriâ arcete debent; etiam cum capitis sui & Coronæ periculo, atque ipsam belli diuturnitatem non perhorrescere; eodem animo populus esse debet erga Regem. Amor in Regem & fides officiosa postulat; ut lacrymas & suspiria cohibeamus; ut cum alacritate belli calamitates feramus; ut per ensium fulmina Regem tueamur. Aderit Deus aliquando, ut omnes boni sperare debent, & omnes hostes læto fortunæ successu florentes prosterneret: facile & uno quidem ictu prosternendos, si vel minimum fortuna reflaverit. Sæpè hætenus aduersa sensimus? *Patrium* (ait Seneca lib. de Provid. cap. 2.) *habet Deum aduersus bonos viros animum, & illos fortiter amat: & operibus, inquit, doloribus, ac damnis exagitantur, ut verum colligant robur.* Feramus igitur; quætelis, gemitibus, suspiriis, & lacrymis frænos ponamus. *Nam optimum est* (ait idem, sed alio loco, nempe epist. 107.) *pati, quod emendare non possis:*  
& Deum,

& Deum, quo auctore cuncta proveniunt, sine murmuratione comitari. MALVS MILES EST, QVI IMPERATOREM GEMENS SEQVITVR. Quare impigri atque alacres excipiamus imperia, nec deseramus hunc operis pulcherrimi cursum, cui quidquid patimur intertextum est. Hæc ille.

### LITTETI E. PVTEANI.

Homines sumus, non fera, ad humanitatem & mansuetudinem nostri, quæ Pacis siue mater, siue alumna est; infesta bello, quia cum violentiâ, savitiâ, rapinâ conjungi nequit. Pax, ut sic dicam, virtus est; bellum scelus: Pax sanitas, bellum morbus. Pace enim vigent bona omnia, ut felices & florentes simus; bello mala, ut miseri & infelices. Pace homines sumus, bello barbari: non homines, si belli causâ bellum gerimus, & brevem vitam, in longam pugnam commutamus. Non ego damno penitus ac rejicio arma, cum sciam, pacis causâ necessaria interdum esse, & tanquam instrumenta usurpari; sed examino, an bona & utilia sint, & ad Pacem tendant. Sumi facilius possunt, quàm poni: sumi jure possunt, injuriâ exerceri. Sed quorsum luctari semper, si non aliquando vincimus? navigare semper, si nullus portus est? ire semper, ut à quiete longius recedas? Per bellum ad Pacem via est; & Sapientes, ut Sallustius ait, pacis causâ bellum gerunt, laborem spe otii sustentant. Quæ nostra verò conditio? Bellum belli finis est, labor laboris. Per calamitates ad calamitates pergimus, & non vincere melius aliqui putant, quàm non pugnare. Tragici voce queri lubet.

Si æterna semper odia mortales agant,  
Nec ceptus unquam cedar ex animis furor,  
Sed arma felix teneat, infelix pareat;  
Nihil relinquent bella: cum vastis ager  
Squallebit arvis, subditâ rectis face  
Altus sepulcras obruet genres cinis.  
Pacem reduci velle, victori expedit,  
Victo necesse est.

Responso

Responsio POLITICO-CATHOLICI ad  
litteram E. Puteani.

P U T E A N V S.

*Homines sumus, non fera, ad humanitatem & mansuetudinem nati, qua pacis sive mater, sive alumna est, infesta bello: quia tum violentia, servitia, rapina conjungi nequit. Et infra. Pace homines sumus, bello barbari: non homines, si belli causa bellum gerimus, & brevem vitam in longam pugnam commutamus.*

P O L I T I C O - C A T H O L I C V S.

Gratias Puteano Rex agat: agamus & nos, seu Hispani, seu Belgæ sumus. Nobis hodie nomen, vel hominum acervus imponitur. Non homines, sed fera, sed barbari appellamur. Enimvero quanam alii? quippe Batavos & Auracum Inducias expetere dicis infra. Nos ergo fera, barbari, non homines, qui pacem non optamus, & belli causa bellum gerimus. Sed quæ dementia, si belli causa bellum gereremus? Non adeo faxei sumus, qui Pacis dulcedinem non amemus. Sed ostendit illam bono modo fieri posse, & cum Regis dignitate. Hostibus iniquas pacis leges ferentibus, Rex serviet? Optant Status nostri pacem, si cum ratione firmari possent: & ut Regem, Hispanos & Belgas ad humanitatem & mansuetudinem natos, non infestos paci, verè homines, non barbaros, & feras ostenderent: ultro in Hollandiam profecti sunt, ne opaus ibi mensibus hæserant: Ipsi autem non homines, sed feras, ad perfidiam & rebellionem natos, infestos paci, bello barbaros reppererunt: qui adversus Deum & Regem præliari desiderant, & brevem vitam malunt in longam pugnam commutare. Nec est cur Hispani belli causa bellum gerant, & belli in Belgio dignitatem optare debeant; sicut supra (ad litteram B.) memoravi.

P U T E A N V S.

*Non ego damno penitus aut rejicio arma, cum sciam pacis causa necessaria interdum esse, & tanquam instrumenta usurpari: sed examina an bona & utilia sint, & ad pacem tendant.*

E

P o.

nonii, Namurcenses, & alii Wallones, Duce Montignio aliisque generosis Ducibus, pro solâ verâ Religione armâ ceperunt. Hæc est una ratio: cui adde Regiam potestatem, quam sumere potest, ut suum Patrimonium repetat, quod hostes occupant sine jurè, solo nomine fugatæ libertatis. Quando igitur hos impiæ libertatis amatores & Rebelles subjecerit, tunc bellum deponet atque in pace conquiescet. Quis enim Regi inesse credat tantam belli cupiditatem, Regis mentem esse tam profligatæ crudelitatis, ut nunquam pacem habere, sed belli causâ bellum gerere velit? Absit hæc opinari: arma Regis ad pacem rendere credamus. *Nemo enim est* (ait Aristoteles 10. Ethicor. cap. 7.) *qui vel bellum expetat, vel apparatus bellum faciat bellandæ causâ. Sanguinarius enim prorsus quidam esse videretur, si amicos eâ causâ sibi hostes redderet, ut pugna & cades orrentur.* Et optimè ad propositum nostrum faciet Augustinus lib. 9. de Civit. cap. 12. *Sicut, inquit, nemo est, qui gaudere nolit: ita nemo est, qui pacem habere nolit. Quandoquidem & ipsi, qui bella volunt, nihil aliud quam vincere volunt. Ad gloriosam ergo pacem bellando cupiunt pervenire: nam quid est aliud victoria nisi subiectio repugnantium? quod cum factam fuerit, pax erit.* Et infra. **OMNIS HOMO ETIAM BEL-  
LIGERANDO PACEM REQUIRIT; NEMO AV-  
TEM BELLUM PACIFICANDO.** Nam & illi, qui pacem, in quâ sunt, perturbare volunt, non pacem oderunt; sed eam præ arbitrio suo cupiunt commutari. Non ergo ut sit pax nolunt, sed ut ea sit quam volunt. Et iterum paulò infra. *Pacem cum suis omnes habere cupiunt, quos ad suum arbitrium volunt vivere.* Nam & cum quibus bellum gerunt, suos facere, si possunt, volunt, eisq; subiectis leges sue pacis imponere. Hucusque Augustinus: ex quo evidentet confici potest, fieri non posse, ut Rex belli causâ bellum gerat, sed patris: ut Regis arma ad pacem non tendant: quandoquidem bella omnia ad pacem tendant. Quando ergo Rex videbit eos ita dispositos, ut velint ad arbitrium suum vivere, id est, secundum Catholicæ Religionis instituta; quando eos fecerit suos,

eisque subiectis bonas & sanctas leges suæ pacis imposuerit:  
tunc pax erit.

PVTEANVS.

*Quorsum luctari semper, si non aliquando vincimus? Navigare semper, si nullus portus est? ire semper, ut à quiete longius recedas? Per bellum ad Pacem via est, & Sapientes, ut Sallustius ait, pacis causâ bellum gerunt, laborem spe otii sustinent. Quæ nostra verâ conditio? bellum belli finis est, labor laboris. Per calamitates ad calamitates pergitur, & non vincere melius aliquiputant, quàm non pugnare.*

POLITICO-CATHOLICVS.

Luctamur, ut vincamus. Navigamus, ut portum teneamus. Imus, ut ad quietem accedamus. Ferræ, aut homines sanguinarij sumus, ut jam statim ostendi, si belli non pæcis causâ bellum geramus. Et quis tam improbè bellum amet, ut melius putet non vincere, quàm pugnare? Belluarum est, inutiles pugnas optare. Stultorum & planè amentium viâ victoriam non desiderare. Quod autem bellum non sit belli finis, nec labor laboris, sed semper novus quidam belli & laboris gradus: primò inde fit; quod non tantum contra Batavos, sed Reges & Respublicas nobis solis pugnandum sit: addè ut nullus diuturnitatem belli mirari debeat. Secundò, si bellum nondum finem invenerit, non per eos stat, qui patriæ salutem invigilant. Domestici quidam hostes malorum nostrorum fuerunt authores: quorum aliqui ad Hollandos transfugerunt; alii, dum Patriæ videntur studere, manu, consilio, conjurationibus, subdolis, machinantibus non minus quàm armis, & etiam armis quasi pro salute Patriæ sumptis, infesti, nos in has calamitates conjecerunt. Quæ tamen nondum tantæ sunt, ut victoriam debeamus desperare.

PVTEANVS.

*Tragici vocem queri libet:*

Si æternâ semper odia mortales agant,  
Nec exptus unquam cedat ex animis furor,  
Sed arma felix teneat, infelix parcat;

Nihil

Nihil relinquent bella: tum vastis ager  
 Squallebit arvis, subditâ teâis face  
 Altus sepultas obruet gentes cinis.  
 Pacem reduci velle, victori expedit,  
 Videri necesse est.

POLITICO-CATHOLICVS.

Abiit a nobis bellorum & odiorum æternitas: hanc execramur. Brevi deponentur odia, & statim cedit ex animis furor, si hostes Deum Regemque velint agnoscere. Et intueſſe Brabantiam, Flandriam, Arthesiam, Hannoniâ: nondum ibi vastis ager squalleſcit arvis; nondum illas gentes incendia & cineres obruerunt. Denique nobis non est necesse pacem reduci velle, quia nondum victi sumus.

Littera F. PUTEANI.

*An fallas: sed nec fallor. Nostra nobis seditiones bella sunt, plura hæcenus & timenda semper, nisi semel tandem desinamus hostes habere. Caterum communia mala peculiari morbo nostra sunt: quot obsidia, tot urbium funera, quot pugna, tot hominum laniæ, quot agmina, tot ruris supplicia, quot lxxma, & caterva, cohortes, & acies, tot furia ad exitium agrorum & hominum armata. Hoc bellum, sed magis Belgicum, non potest sine rapinâ, cade, incendio, vastitate geri. Hæ Regum Principumq; lites sunt, sed sanguineæ; nulla tam iusta, quin iniusta, si æterna sunt. Pertinacia facis, ut aliquid semper in armis iniqui sit, etiam cum iniqua ipsa non sunt: magis autem incipiunt armasse, cum instrumenta crudelitatis fiunt. Malis si moram addis, his mala sunt. Bona ipsa, quando corrumpi incipiunt, mala fiunt. Causam belli cum calamitas vincit, & plus damni quàm aequi est; plus etiam seuitia, quàm belli erit. Si nec post sexaginta annos armorum feria sunt, quando erunt? Rejon:nes, cum modum excedunt, vitium induunt. Bellum cum diutius durat, exitium est, & in vulnus gangrenâ fœdum abiit: tempestivè compositum, noxam aufert, enimq; simul cicatricis deformitatem delet. Sed nostrum hoc, quia longum, sævum, indomitum, non possum nisi incendium, ac diluvium appellare. Crescunt damna, nisi quamprimum remedia sint, & serpentis us adhuc*

*flammis aquisq; impedimenta & repagula obijciantur. Imò nostrum hoc, quia civile, plus quàm bellum est; quod quemadmodum majoribus odiis geritur: ita præter arma severitiam assumis: verè cruentum, quia sanguinem asfirmare desit.*

Quem das finem Rex Magnæ laborum?

Responsio POLITICO-CATHOLICI ad Litteram  
F. Puteani.

P U T E A N U S.

*Communia mala peculiari morbo nostra sunt: quot obsidia, tot urbium funera; quot pugnae, tot hominum laniæna; quot agmina; tot ruris supplicia; quot turmae, & catervæ, cohortes, & acies, tot furia ad exitium agrorum & hominum armata.*

POLITICO-CATHOLICVS.

Quomodo communia bellorum damna peculiari morbo nostra sunt, non video. Obsidia urbium nullibi eum minori damno. Alibi eum civitates oppugnantur, non ferro sed igne nitrato agitur, franguntur omnia, plurima mortis imago: hic autem cinguntur irbes, & ferè jam tantum cinguntur, non solo æquantur, non delètur in incendiis, nulla sit auri & argenti præda. Quomodo igitur obsidia, sunt urbium funera? Multas deinde pugnas non vidimus; quia Batavi nostrorum fortitudinè veriti, semper pugnam declinant; nullæ abruptis Induciis laniæna hominum. Majus est quod sequitur, nempe quot turmas, & catervas, cohortes, & acies, esse tot furias ad exitium agrorum & hominum armatas. Vides quomodo nec unam turmam & cohortem ab hac labe immupem facias? Ob aliquorum militum insolentiam, quæ in tantâ multitudine omnino vitari non potest, quia inter bonos semper mali; integras turmas, & catervas, cohortes, & acies dicis esse furias ad exitium agrorum & hominum armatas. Sed quod unquam tam sanctum bellum, in quo agricolæ injuriæ non sunt passi? Nonne Suecüs, tanti apud Politicos hominis, vastavit, & evertit omnia, sacra & profana, agros in avias solitudines redegit? Si Germaniam squallentem mecum vidisses: fluxissent lacrymæ; & uberes.

At



At quomodò milites nostri furia sunt, ad exitium agrorum & hominum armata? Vix crediderim ullum exercitum nobiliorem nostro, mitiorem nostro. Non mitiores Hollandi, quorum copiae ex Gallorum Calvinistarum (id est furiarum humani generis, ut eorum crudelitas in Galliâ testis fuit) Scotorum & Anglorum, id est, improborum hæreticorum, colluvie & fæce constant. Scio quidem inter nostros non deesse, qui suâ rapinâ & insolentiâ, aliorum gloriæ turpem notam inspergant: sed quæ societas, etsi optima, malos non habet? Tibi ex castris significo, non parvam Capitaneorum, & lectissimorum militum partem ægro animo hæc tua tulisse convitia: quorum agnosce mansuetudinem, dum dedecus tibi tuo stylo illatum, ferro ultum non eunt.

P Y T H A N V S.

*Hoc bellum, sed magis Belgicum, non potest sine rapinâ, cæde, incendio, vastitate geri.*

P O L I T I C O - C A T H O L I C V S.

Imò nulla apud exteras nationes bella tam parca cædis, & sanguinis, incendii, rapinæ, & vastitatis, quàm Belgica. Vincuntur, amittuntur urbes sine ullâ cæde: occupantur sine rapinâ, incendio, vastitate. Florentes videas agros etiam inter ipsum belli pulverem. Per tot annos Mars nostris arvis incubuit, & nondum fames. Gallica inspicere omnem secum insolentiam, rapinam, & vastitatem trahunt: satis Gallorum furias olim probatur, Belgæ. Quid Germanica? vix lolia & tristes avenæ stantes relinquuntur, urbes cædibus exhaustiuntur, incendiis absumuntur omnia, ubique vastitas & solitudo. Inter has tamen calamitates, pars maxima bonorum & fidelium Cæsarem tuetur. Quidni inter aliquot malorum procellas & longè minores, nos etiam Regis nostri jura fortiter tueamur?

P Y T H A N V S.

*Ha Regum, Principumq. lites sunt, sed sanguinea; nulla tam justa, quin injuste, si aterna sunt. Pertinacia facit, ut aliquid semper in armis iniqui sit, etiam cum iniqua ipsa non sunt: magis autem incipiunt*

*incipiunt arma esse, cum instrumenta crudelitatis sunt. Malis si  
moram addis, bis mala sunt.*

POLITICO-CATHOLICVS.

Rex suâ lite sanguinem non petit, sed Patrimonium, quod sine sanguine ac controversiâ, secundum jura omnia, restituendum est. Quid ? adversarios sine jure actionem instituentes, & per nefas æternâ cum pertinaciâ litem prosequentes, ego æternâ constantiâ justam mei defensionem non prosequar ? Bene profectò nobiscum ageretur, si semper impiis accusatoribus hæreditates fortunaque nostras à majoribus relictas, vel anhelis sudoribus partas cederemus ; veriti eorum in litigando pertinaciam. Sæpè bonitatem causæ superar, cui major potentia, & cedere cogitur : cum minores ad litigandum opes : cur cedat Rex, cui melior causa, majores etiam ad pugnandum vires ? Pta igitur, laudabilis, & rationi consentanea est Regis nostri constantia : nihil iniqui habet, nec habere potest, quamdiu sua repetit jure, quod nunquam justum non erit. Denique Regis arma ob moram bis mala esse non possunt, cum nec semel sint mala : quia semper justa : non instrumenta crudelitatis : quia nemo crudelis, qui debitum exigit, aut rem suam justè repetit : cum præsertim nostri nullam crudelitatem exerceant.

P. V. T. E. A. N. Y. S.

*Causam belli cum calamitate vincis, & plus damni quam auri est : plus etiam sævitia quam belli erit.*

POLITICO-CATHOLICVS.

Calamitas causam belli vincere non potest : cum causa belli primatia sit Catholica Religio, quæ Deum spectat, utpote infinitum. Denique ut Regi sua recuperare cupienti pareamus, nulla calamitatum genera detrectare, sed fidem nostram sanguine debemus consignare. Plus sævitie quam belli non est : aut si fingis aliquam, tribue adversariis, qui hujus sævitie sunt auctores, dum pertinaciter errores tuentur, & aliena usurpant.

*Si nec post sexaginta annos armorum feræ sunt, quando erunt?*  
POLITICO-CATHOLICVS.

O strenuum & indefessum bellatorem! tam citò fessus, qui nondum sumpsit arma? At pareris communes belli calamitates. Si has patiaris, facis quod omnes.

*Ferre, quam sortem patiuntur omnes,*

*Nemo recusat.* ait Seneca in Troadibus.

Adversa fidelitatem, quam Regi præstare convenit, ut ignis aurum probant: longâ temporis infesti diuturnitate splendet. Monebat Ovidius:

*Scilicet ut fulvum spectatur in ignibus aurum,*

*Tempore sic duro est inspicenda fides.*

Ejusdem sententiæ fuit Tullius lib. 9. epist. 16. *Non facile, inquit, dijudicatur amor verus, & filius, nisi aliquid incidat ejusmodi tempus, ut quasi aurum igne, sic benevolentia fidelis periculo aliquo perspicui possit.* At, nonne sexaginta anni sufficiunt? Quamdiu tuâ operâ indiget is, quem verè & fideliter amas, numquam neganda: sed semper cum gaudio præstanda usque ad mortem.

P V T E A N V S.

*Res omnes, cum modum excedunt, vitium induunt: bellum, cum diutius durat, exitium est, & in vulnus gangrænâ factum abis: tempestivè compositum, noxam auferat, omnemq; simul cicatricis deformitatem delet.*

POLITICO-CATHOLICVS.

Nihil aliud optarunt Reges Hispaniæ, quàm ut citò bellum componeretur, sed salvâ Religione & suo jure. Cum Albertus Princeps omni memoriâ dignus, in Belgicas Provincias appulisset, prima ejus cura fuit, ut ad Status Hollandicos mitteret, an pacem vellent, sæpiusque id egit: sed pacem Rebelles repudiarent. Quomodo ergo tempestivè componi poterat, cum primo illo fervore incalcescerent Rebellium animi? Vires deinde à Regibus, & Rebus publicis acceperunt, quæ omnia nobis difficilia reddidère: cum in plures

<sup>E</sup>cce solus Rex Hispaniæ pugnaret. Audi Veridicum Belgicum pag. 123. Notandum, inquit, universam tam numerosorum exercituum, procul Hispaniâ militantium, impensarum molem tot annis, suis Regem nostrum solum humeris sustinere debuisse: Batavorum e contra oneri varios Europæ Reges, Principes, ac Respublicas, militem & aurum eis submitiendo, humeros subjecisse, & in laboribus velut partem venisse. Atque hac diuturni hujusce belli possissima est causa. Scias namque oportet, non adversus solos Batavos, sed omnes panè orbis Christiani Reges, quin & Principes & Protestantés, sub nomine Batavico sexaginta propè annis Regem nostrum bellum gessisse. Quid mirum ergo, si bellum duraverit, si vulnere celerior medicina non potuerit adferri? Regi non adscribendum, qui pacem obtulit, qui nec viris, nec sumptibus perpercit hæcenus.

P V T E A N V S.

Nostrum hoc, quia longum, seivum, indomitum, non possum nisi incendium, ac diluvium appellare: crescent damna, nisi quamprimum remedia sint, & serpentibus adhuc flammis aquisq; impedimenta & repagula obijciantur.

P O L I T I C O - C A T H O L I C V S.

Longè olim majus incendium & diluvium, quando à Fi. de & à Rege Gandavum, Ypræ, Brugæ, Tornacum, Cortracum in Flandriâ; Antuerpia, Bruxella, Mechlinia, Diestum, Arschottum, & plurima alia loca in Brabantia defecerant; & tamen Dei benignitate incendium restinctum est, diluvium intra terminos & aggeres redactum: Non desunt, qui nunc etiam dabunt remedia, qui flammis aquisq; impedimenta & repagula obijcient.

P V T E A N V S.

Quem das finem Rex Magne laborum?

P O L I T I C O - C A T H O L I C V S.

Turpis hæc est apud Regem laborum suorum querela. Pulchrum & decorum est, pro Rege labores ferre, pro Rege & Patriâ non alium finem calamitatum reperire, quam mortem.

## Littera G. PUTEANI.

*Horreat sermo, si ad tabulam & memoriam, clades, funera, & quantum mali inuictum est, revocem. Homines, & ipsi agri gemunt, populi, & urbes, pacemq. à Clementissimo Rege precibus & votis flagitant: otio & quiete digni, quia tam savam tempestatem tam patienter tulere. Pietatis munus est, otii ac quietis causam suscipere; ut si malis modus non sit, sit sumptibus, qui omne jam belli pretium, & quicquid bello petitur, excedunt. Erarium maximum, & quod fundo caret, exhaustum est. Theauri penè innumerabiles profusi: lassa liberalitas, & adhuc miles eget; hosti similis, & urbibus agrisq. infestus Regis, quia arida & sicca stipendiorum vena est. Necessitas legem non habet: nescio tamen scdiori flagitio ad rapinam, an dedecore ad mendicitatem stipendiarii Regii, Martis alumni, veniant. Ut concedam corrigi hæc posse: quid paucis tamen insulis omnium Regnorum vectigalia ac tributa impenduntur? Si rectè calculum ponimus,*

*Vix tanti fuerat Civilia bella moveri:*

*imò si ponimus, vix tanti victoriæ est: & adhuc pugnamus?*

Responsio POLITICO-CATHOLICI ad Litteram  
G. Puteani.

## P U T E A N V S.

*Horreat sermo, si ad tabulam & memoriam, clades, funera, & quantum mali inuictum est, revocem. Homines, & ipsi agri gemunt, populi, & urbes, pacemq. à Clementissimo Rege precibus & votis flagitant: otia & quiete digni, quia tam savam tempestatem tam patienter tulere.*

## P O L I T I C O - C A T H O L I C V S.

Sæpius jam, sed aliis verbis, idem cecidisti; nec semel respondi.

## P U T E A N V S.

*Si malis modus non sit, sit sumptibus, qui omne jam belli pretium, & quicquid bello petitur, excedunt.*

## P O L I T I C O - C A T H O L I C V S.

• Belli pretium non solum est Batavicæ regionis possessio, sed in illam Religionis Orthodoxæ introductio; pro quâ non solum fortunas nostras, sed vitam quoque profundere,

gloriosum. Quot præstantissimi Heroës vitam morti objecerunt, ut Catholicam Religionem suo sanguine defenderent! Divitias vel Cræsi, vel Cræsi tibi propone: nihil carius, & pretiosius vitæ repeties. Cur ergo sumptibus & divitiis parcere, cum nec pro Religione conservandâ nequaquam vitæ parcere debeamus? Nulli sumptus, veram Religionem, quæ belli pretium est, & quod bello petitur, possunt excedere: cur de sumptibus querimus? Reges Galliarum solâ Hispanicæ potentia invidiâ, aut vano metu, nullâ spe propriæ utilitatis, *Hollandiæ adversus Hispanum bello certantibus, supra centum ac duodecim florenorum milliones* (crederet posteritas?) *erogarunt.* Ita loquitur Apocalypsis Batavica; impressa anno 1626. Et ab illo anno supra viginti tres etiam argenti milliones tribuerunt: nec ita diu præterit, cum Bruxellam quinquaginta millia nummorum, quos pistollas vocant, ad excitandam seditionem miserunt. Ut taceam ingentia munera, quibus nostrorum defectionem sollicitarent & foverent. Veneti quoque pecuniis plurimas suppeditarunt, qui nec Bataviâ sperare possunt: & Rex sumptibus parceret, ad quem Batavia pertinet? Tributis gravantur Rebelligum Provinciæ, quæ non solum è domibus, sed etiam supellectile, agris, & universis possessionibus pro taxatione ad rerum valorē factâ pendunt; servi & ancillæ etiam à tributis usque ad vestes & calceos immunes non sunt: & tamen, ob tributa nondum, apud illos orta seditio; promptissimi sunt, & utinam in bonâ causâ! Apud nos erunt querelæ sumptuum, qui non in rem impliam & iniquam, sed piâ & justam conferuntur: hostes, ut falsam fidem & noxiam libertatem stabiliant, non decimum (hoc nomen fugiunt ob tempora Ducis Albani) sed plusquam quintum (ut à viro fide digno comperi) bonorum nummum pendunt, & vectigalia ferè rebus omnibus imposita; quinimò domotum singularum possessorēs septimum nummum, agrorum quintum, quod est intollerabile gravamen. Nos verò ut veram Religionem promoveamus, qui minus gravamur, petemus, ut Rex modum ponat sumptibus?

Vel,

Vel, Rex pro Fide Catholicâ restitueudâ, suâque hæreditate recuperandâ, sumptus facere verebitur?

P V T E A N V S.

*Ærarium maximum, & quod fundo caret, exhaustum est.*

P O L I T I C O - C A T H O L I C V S.

Si fundo careat, quomodò exhaustum? Aliorum Regum exhauriri possunt æraria: exhauriri non potest ærarium Regis Hispaniæ. Semper inveniet quod hauriet ex utràque Indiâ, quæ ferax auri argenti que est; imò, ubi summa necessitas, hauriet ex ipsâ Hispaniâ, ubi sunt metalla auri & argenti, Machab. 1. cap. 8. Et quomodò exhaustum Regis ærarium, cum, ut ait Scribanus lib. 2. Polir. Christ. cap. 42. *Supra sex & viginti aurâ milliones annuè Regio inferantur ærario?* Sed ponamus exhaustum esse, an idèò pecuniarum inopiâ feræ armorum? An idèò Rex ad ultimæ necessitatis terminos, redactus? Imò sine ærarii sui gravamine aut imminutione plusquam centum millia hominum poterit in æsem producere & sustinere, quando lubuerit. Ex Veridico Belgico & aliis quædam mutuari non pigebit breviter perstringam. Hispania, Lusitania, Orientalis & Occidentalis India, Neapolis, Sicilia, Mediolanum, & aliæ Provinciæ, facile complectuntur ducenta & ampliùs locorum & oppidorum millia. Quippe Ferdinandi II. Regis tempore, in solâ Bæticâ ducenta & ampliùs oppida, & centum pagorum millia numerabantur, licet hic numerus sit valde jam imminutus. Si quilibet locus, aut quodlibet oppidum præter ordinaria vectigalia quæ Regi penduntur, det unius militis stipendium: ecce statim ducenta armatorum millia. Quàm aurem hoc, facile! Vel ex quolibet Baptisterio, unius militis stipendium educatur: tunc sine ullo ærarii Regii incommodo repente ingens prodit, & aletur exercitus. Nam in solo Castellæ Regno plusquam octoginta Baptisteriorum millia recensentur, licet Madritum pro uno tantum Baptisterio numeretur: collige quantus Baptisteriorum sit numerus in Lusitaniâ, Aragoniâ, Ca-

ralauniâ, Valentîâ, Navarrâ, Sardyniâ, Corsicâ, Balearibus,  
 Neapoli, Siciliâ, Mediolano, in utrâque Indiâ. Tertio, quid  
 si Rex ab Ecclesiasticis & Nobilibus petat, ut suo sumpru  
 exercitum alant? Archiepiscoporum & Episcoporum opes  
 illius Regni magnæ sunt. Habent Archiepiscopatus annuè  
 700. aureorum millia & 50; Episcopatus ad minimum ha-  
 bent 800. aureorum millia & 70; licet Archiepiscopatus &  
 Episcopatus utriusque Indiæ, Sardinæ, Siciliæ, Neapolitani  
 Regni, Mediolanensis Provinciæ, & aliarum in numerum  
 non veniant. Ordines militares magnos habent proventus,  
 scilicet 950. aureorum millia, 387. aureos. Ecclesiastici igitur  
 (non comprehendo Abbates & Canonicos) habent mil-  
 liones auri duos, 582. millia, & aureos 387. Sæculares Prin-  
 cipes, quos *Grandes* nominamus, quorum aliqui Duces, Mar-  
 chiones, Comites, percipiunt annuè sex auri milliones;  
 in Hispaniâ duos milliones auri, 604. aureorum mil-  
 lia; *Grandes* in Italiâ, 970. aureorum millia; alii Duces,  
 Marchiones, Comites Hispaniæ, qui non sunt Magni, tres  
 auri milliones, 151. aureorum millia. Igitur sæculares Prin-  
 cipes habent sex auri milliones, 725. aureorum millia. Sum-  
 ma bonorum (quæ Archiepiscopi, Episcopi, Ordines milita-  
 res, & sæculares Principes percipiunt) ascendit ad novem  
 auri milliones, 307. aureorum millia, 807. aureos. Alia Regna  
 considera, quæ Regi Hispaniæ parent: quanta illis in Nobi-  
 libus opum affluentia! Si Rex, ad bellum gerendum, à sin-  
 gulis juxta cuiusque conditionem, notabilem summam po-  
 stulet: nonne hæc voluntariæ contributiones magno augmen-  
 to Regium ærarium opulentabunt? Sed hæc relinquo, quia  
 ab aliis susceptrantur, & præsertim à Scribanio lib. 2. Polit.  
 Christ. cap. 42. Breviter attingisse mihi sufficiat. Ex quibus pa-  
 tet non deesse modos Regi Hispaniæ, quibus magnos exerci-  
 tus alat, etiam sine ærario; vel quibus ærarium, si foret ex-  
 haustum, statim locupletare posset. Possent se Baravi his æ-  
 quiparare? Eorum annuus proventus, quæcumque arte &  
 fraude quæsitus, vix ad undecim argenti milliones exurgit:  
 indigent



indigent autem annis singulis, quindecim argenti millionibus, ut vult Scribanius ibidem. Quod verum esse ostendo. Wenceslaus Metoschova Bohemus in epist. ad Ioannem Traut Norimbergensem, de statu belli inter Fredericum Palatinum & Ferdinandum Cæsarem, ex castris Bohemicis missa, à Wallonibus intercepta, & impressa anno 1620, agens de pecuniâ, quæ Frederico decet, dicit nec à Venetis, nec à Turcis, nec à Britannis, nec à Batavis expectandam. De his ultimis sic loquitur: *Batavi verò recordantur nuper se in singulos annos quatuor miliones supra censum exposuisse, ut probarent Barneveldio procuratores.* Er jam fama est certissima, quâ tempore obsidionis Sylvaeducensis, Status Hollandiæ tanto ære alieno obstrictos esse, ut plusquàm centum & quinquaginta florenorum miliones debeant: & cum non nisi undecim argenti miliones annuè habeant, quotannis sex miliones redituum solvere cogantur. Nec mirum est, quandoquidem, non ut ante quindecim, sed octodecim millionibus (nam praesidiarum urbiumque muniendarum numerus crevit, majorique apparatu bellum gerunt). singulis annis indigeant. Ex societatibus Indicis Orientali & Occidentali, nihil in ætarium fuit: quippe sic sunt oppignoratae, quemadmodum vir probus mihi retulit, ut qui pecunias apud has societates habent, planè desperent, sinique contenti, ne totius iacturam faciant, ex societate Orientali (nam Occidentalis magis gravata est, cujus classis jam recenter sine fructu rediit, cum ingentes antea sumptus fecisset, quibus solvendis par non erit) florenos 25. recipere, qui ex jure 100. se percipuros sperabant. Adde Occidentalem hanc jam in summas angustias, & fortasse extremam perniciem venisse, ob magnam suorum stragem apud Pharnambucum. Mille ex arce suâ digressi fuerant ad necessaria sibi conquirenda: Albuquericus in eos impetum fecit, octingentos occidit, alios in fugam compulsit. Neque hæc sunt inania: nam & hujus rei Hollandos jam cerros reddiderunt litteræ, quæ monent relinquendū Pharnambucū, nisi propediç supplicis submiserantur.

Et

Et Rex non bellum prosequatur? si bellū prosequi debeant, fient pumice aridiores, exanguis erit eorum Respublica, auro velut sanguine destituta, & prorsus elanguescer. Nos ergo minime hāc belli diuturnitate frangamur; & Regis auxilio nō, nequāquam ipsi suum ærarium exhaustum, sed potius ipsi met hostibus exprobrems,

PVTEANVS.

*Arida & sicca stipendiorum vena est. Necessitas legem non habet: nescio tamen sadiori flagitio ad rapinam, an dedecore ad mendicitatem stipendiaris Regii, Martis alumni veniant.*

POLITICO-CATHOLICVS.

Militum quorundam improborū fames auro expleri nequit. Infollescunt semper, & quia pecuniæ in eorum manibus tantūm hospitantur, non mirū, si diu nō hereant. Hinc ad rapinam conuertuntur, quia nihil intra diem superest, quod luxu aut aleis prodigant. Sed probis militibus, quorum non exiguus numerus, suus semper ster honor. Non fero audire stipendiarior Regios esse ad mendicitatem redactos. Tu qui linguā re Regis servum profreris, mendicis non es, etsi numerosā prole gravis: quomodō mendici, qui suam sanguinem Regi vovent? Sed fingamus aliquos mendicasse: dic mihi, ubi non sunt aliqui Vulturii & qui piceas habent manus? Regnat ubique hæc lucus. Sed similes paucos esse crediderim, cum vix ullos Regios stipendiarior publicè stipem petere vidēamus; vel fortassis mendicant, ut suis pecuniis parcaht. Nisi dicam fortassis plurimos tuas fores pulsasse, quia, cum Regis ærarium exhaustum paulō antè inter illos mulros (de quibus in initio) forasse dixisses; restabat ut milites tuum ærarium renrarent. Nugæ. Adhuc lubentes castra sequerentur, ut mendici essent? Non parvæ copię sunt, & Marchio nondum solus. Igirur nondum sicca & arida stipendiorum vena, nondum tanta necessitas, ut maxima pars mendicare debeat. An forrē pars aliqua? In magnā multitudinē semper aliquos invenies mileros, quibus nihil sæpè  
præter

præter ferrugineum gladium; sed suo vicio, quia ad miseriam sub infausito iudice nati videntur.

### P V T E A N V S .

*Ut concedam corrigi hæc posse: quid paucū tamen Insulis omnium Regnorū vestigalia ac tributa impenduntur? Si rectè calculū ponimus,*

*Vix tanti fuerat Civilia bella moveri:*

*imò si ponimus, vix tanti victoria est: & adhuc pugnamus*

### 1. POLITICO-CATHOLICVS.

Eandem quæstionē Pelagius apud Veredicum Belgicum proposuit: petens cur Belgicæ Provinciæ Hispano Regi adeo necessariæ & utiles videantur; ut nulla ob impendia, opum, Patriarum eversionem ac labores, easdē sibi ille deserendas ducat? Respondet Bonaventura acutissimè; rationes quasdam (non enim placent omnes) In compendium conferram. Primā est, ob situm: nam Galliar, Angliar, & Germaniar sunt conterminæ, ideòque illarum veluti frænum & terror. Secunda, quia sunt totius Hispaniæ vallum, & adversus omnes Regis adversarios propugnaculum. Tertia, quia faciunt ut Rex nec Gallos, nec Anglos, aut Germanos timere debeat: nam si adversus Regem se moveâr, Belgæ in eorum vicina Regna semper impetum facere possunt. Quarta, quia si Rex totum Belgium liberè possideat, imperium totius maris, ideòque & totius orbis est habiturus. Quinta, quia si Rex has Provincias amitteret; in ipsâ Hispaniâ tutus non esset, ob Batavorum porétiam. Illi jam, licet Regis exercitum sibi imminentem habeant, tamen Hispaniam inimicis classibus sæpius infestant: quid si liberam & securam illarum Provinciarum possessionem obtinerent? Nam, ut credas, pacem, quæ cū iis iniri possit, stabilem fore? Facilius te asinum, cū sic incipias delirare, futurum crederes. Reges, Principes, Respublicæ, & reliqui hostes, Hispanicam Monarchiam verētur, & capitali odio prosequuntur: Baravi sanè odium non deponēt, quamdiu hæretici erunt, quia Religionis odium non deponēt: deinde præteritorum beneficiorum à Gallo & cæteris præsti-

rorum oblivisci non poterunt, si auxilia ab ipsis adversus Hispanos & Austriacos petantur, aut ipsi bellum gerendum sollicitentur. Numquid tunc Belgicis Provinciis Catholicis timendum erit? Numquid eorum Classes, si Anglicis, reliquisque, quas sibi adiungēt, Hispania, & India formidabit. Recte omnium prudentum virorum iudicio Rex faceret, si omnium suorum Regnorum vires colligeret, si totā viatque potemiā has insulas navali terrestriq; bellosimul oppugnaret. O. urinam! Tunc brevi horum bellorum finem læti videremus.

#### Littera H. PUTEANI.

*Vires, quæ supersunt, tempestivè fovenda sunt, ne penitus deficiant: fovenda pace, bello enim imminuta. In extremis consilia etiam necessitate honesta sunt, ac sistenda vels, cum tempestas jubet. Omnia maris mala naufragia minora sunt: & gubernator, ut aureis Curtii verbis utar, ubi naufragium timet, iacturā quicquid servari potest, redimit. Igitur non quid speciosum dictu, sed utile factu, est inveniendum est. Hannibalis apud Lævium verba audiamus: Melior tutiorque est certa pax, quam sperata victoria. Illa in tuā, hæc in Deorum manu est. Ut reliquis sine impedimento regatur Orbis, quies una alterive detur Provincia. Qui omnia quasi possides, sine exiguō est divel. Et quantillum mundi angulum Federati tenent!* PHILIPPVS sine Bataviā PHILIPPI est, id est, Maximus.

Imperium Oceano, famam qui terminat astris.

#### Responsio POLITICO-CATHOLICI ad Litteram H. Puteani.

##### PUTEANVS.

*Vires quæ supersunt tempestivè fovenda sunt, ne penitus deficiant: fovenda pace; bello enim imminuta.*

##### POLITICO-CATHOLICVS.

Quomodo imminuta tantum, & non exhaustæ; quando quidem exhaustum esse ærarium, militiamque nostram penitus corruptam prius dixeris? Sed sæpius in te ipsum pugnas. Supersunt, supersunt vires: quæ nequaquam fovendæ sunt



*sternis, faueraria auri argentiq; redditione.* Et ecce Classem ex Indiis feliciter appulsam, octodecim auri millionibus, & pretiosis mercibus onustam certo scimus. Quinimò asserunt literarum mercatorum, etiā Orientalem Classē valde opulentam in Hispaniam advenisse. Quomodo igitur Rex in extremis, quomodo in necessitate: cui auri argentiq; æterna fecunditas? Hæc necessitate honesta tua consilia non Portē-  
tissimo & Maximo Hispaniæ Regi, sed aliis Regibus sunt reservanda.

#### PVTEANVS.

*Sinnanda vela cū tempestas iubet. Omnia maris mala naufragio minora sunt: & gubernator, ut aureis Curtii verbis utar, ubi naufragium timet, jacturā quicquid seruari potest, redimit.*

#### POLITICO-CATHOLICVS.

Nondum ea tempestas est, ut Regi libeat vela sinuare. Si Regis carbasa secūdo statu non impleat fortuna: ut prudens Navarchus omnem artem, sic omnes vires suas advocabit, ipsamq; fortunam Dei Numine provocabit. Sicut Cæsar, furente tempestate, Nautæ dixit: *Ne time, Cæsarem vehis.* Ita Regem Hispaniæ tempestas quatere potest, non mergere: quamdiu Deum Duce pius sequetur, & haftenus. Necdum igitur naufragium timet. Ideoq; nondum juravit pretiosas illas merces, Hollandiam, Zelandiam, Frisiam, Limburgum, & reliquas ditiones abicere, tantamq; jacturam libenter ferre. Neptuni furores imitentur Batavi, & agros Antuerpiæ vicinos, fractis aggeribus, inaudita crudelitate inundet. Major Neptunus est Rex Hispaniæ, qui Zelandiam, & Hollandiam in fluctibus sepelire posset, si vellet. Suasunt plurimi, ut Rebelles aquis suis faceret innatare; omnes eorum agros, animalia, perfossis aggeribus unmergeret, eisq; omnem internam, & dominatam potentiam eriperet. Nam parvo pretio, plusquā duas tertias Hollandiæ ac Zelandiæ partes aquis se inundaturos non pauci locorum & adituum peritissimi promiserunt. Naufragium Rex immittere noluit, maluitq; magnos sumptus facere, quā hoc vincendi modo

modo, non satis honesto, victoriam celeriter parare. O Regem, & benignum, & gloriâ immortali dignum! Non ad rridum expectarent Hollandi, si pari facilitate Hispaniam, Brabantiam, & Flandriam possent aquis obruere.

PVTEANVS.

*Igitur non quid speciosum dictu, sed utile factu æstimandum est.*

POLITICO-CATHOLICVS.

An hæc nostra fortasse speciosa dicta, & ab Hispanici peccatoris fastu nata? Vtilia factu sunt, quia tuis perniciosissimis consiliis pugnant. A pio & fideli pectore profecta sunt: non in suspectâ & delirantis senectutis officinâ fortasse venalia.

PVTEANVS.

*Hannibalis apud Livium verba audiamus:* Melior tutiorque est cetta pax, quam sperata victoria. Illa in tuâ, hæc in Deorum manu est.

POLITICO-CATHOLICVS.

Non illa melior, quæ cum nostræ Religionis injuriâ, perpetuo Regiæ Majestatis dedecore, & Coronæ Hispanicæ damno, supra quàm dici potest, maximo. Si autem victoriâ in Dei manu est: melius tutiusque victoriâ Catholici sperare possunt, quàm hæretici: docent nos bella Germanica penes Ferdinandum, benignâ Dei faventiâ, sterisse victoriâ, & mansuram speramus. Quidne semper se sperent bellaturos, semper victuros? Ne vehementer errant: Deum vindicem spectâ. Credisne illa pessimorâ Fidei Regisque desertorum receptacula numquàm pœnas & ruinam experturâ? Quidquid ubique in his Provinciis erat crudelissimorum hominum, rata fœx hæreticorû, tota colluvies Iconoclastarum & Theomachorum in Bataviâ tanquam in asylum se recepit. Nisi pia & iustâ severitate malis obviam itum fuisset, nisi Præpotentis Dei benignitas improborum hominum tonatus retardasset, jam vicinum videbatur in Belgio Catholicæ Religionis excidium. Reperant Belgæ memoriâ, quæ vix quindecim dierum spatio, in Augusto, anno 1566. ab impiis

piis adversus Deum, Sanctos, Fidemque Orthodoxam sunt  
peracta. Antuerpiæ 15. Augusti, in festo Assumptionis, in  
templo Beatae Mariæ longè pulcherrimo, Turcicam exer-  
quere iconomachiam, disiectis & comminutis statuis, aris,  
imaginibus omnibus, ipsâ etiam ædiculâ SS. Eucharistiæ,  
inestimabilis præii. In virorum virginumque Monasteria  
& cætera templa, pari crudelitate sævitum est. 22. Augusti  
Sylvæducis templum Divi Ioannis ornatissimum vastarunt;  
in alias ejus oppidi sacras ædes & Monasteria, præsertim  
Franciscanorum, Dominicanorum, & Carthusianorum sunt  
debaechati. 23. Augusti, Gandavi simile bellum indictum est  
imaginibus, & statuis, Venerabili Eucharistiæ, & Sancto-  
rum Reliquiis; gressati sunt in Abbatiam Blandiniensem,  
eamque diripuerunt. Eodem die Mechliniæ quoque tumultu-  
atum est, & jam in Franciscanorum & Carmelitarum  
templis imagines frangebantur: à civibus expulsi, Monaste-  
rium Hanswicense extra oppidum, & alia circumadjacentia  
templa depopulati sunt. Quod idem apud Valencenas &  
Tornacum eodem die accidit. 24. ipso die S. Bartholomæi,  
Aldenardæ, & in pagis vicinis insanierunt, Cœnobium Mag-  
dendalense piissimarum virginum, omninò deformatum.  
25. apud Mosæ-Trajectum in quatuor Parochiarum templa  
Dominicanorumque & Franciscanorum Monasteria irru-  
perunt. Flagitia in Hollandiâ à defectionis tempore perpe-  
trata, supplicia de Religiosis & Catholicis Gorcomii & ali-  
bi sumpta prætereo. Nihil sacrum in totâ Bataviâ, nihil avitæ  
Religionis, vigent cathedræ pestilentrix, peccandi libertas,  
modo nihil adversus Rempublicam agitur. Quid tandem  
sperandum, nisi Bataviâ, quæ istos Belgicæ pietatis vasa-  
tores excepit & fovit, debitas aliquando poenas, Deo vin-  
dice, luituram: nosque victoriam ejus nunc ac favore conse-  
curutos.

P V T E A N V S.

*Et reliquis sine impedimento regatur Orbis. quies uni alterive de-  
tur Provincia.*



55  
POLITICO-CATHOLICVS.

Imò nulla detur Hollandis quies, ut reliquus sine impedimento tegatur Orbis. Hi soli totum turbant Orbem. Orientalis Indiarum Insulas & arces, Brasilijs, Americanos, Peruanos, Mexicanos infestant. Rupellanos & Montabanenses hæreticos in Galliâ, adversus Regem suum insurgentes, juvetunt. Anglorum Regi in suâ adversus Hispanos expeditione naves subministrant; Daniæ Regi subsidia miscent; Brandenburgicum Marchionem pro Iuliacensi, Clivæ, & Montium Domino armis propugnant; Comitum Palatinum ad Bohemicam & Cæsaream Coronam rapiendam suis consiliis inflammant; Venetorum Reipublicæ adversus Pontificem Paulum V. ac deinde Ferdinandum modò Impetorem auxilio fuerunt; Sabaudia etiam Ducis adversus varios Hispano-turcicos exercitus, quibus S. Gorman Marchio, & Ferie Dux præerant; Moscoviarum Duci & etiam Sueciæ Regi adversus Polonos decertantibus opem præbuerunt. Nonne toti Orbi quietem adimunt? Si pace fruerentur, statim Protestantium copis adversus Cæsarem suas omnes vires conjungerent. Igitur ut reliquus sine impedimento tegatur Orbis, nulla quies uni alterive detur Provinciæ.

PUTEANVS.

*Quot omnia quasi possides, sine exiguo, dives es. Et quantillum minus angulum Federati tenent? PHILIPPVS, sine Bataviâ PHILIPPVS est, id est, Maximus.*

Imperium Oceano, famam quæ terminat aëtris.

POLITICO-CATHOLICVS.

Gustavus dives erat Regno Gothico, & Germaniæ Imperium sine jure ambivit; omnes tamen falsi Politici laudabant. Rex exiguum petit, quod natura & sancta jura repetendū jubent; & ecce fremunt omnes. Ludovicus XI. Galliæ Rex sine Burgundiæ Ducatu dives erat; & tamen Catoli Audacis filius abstulit, & nullus hanc iniquam ejus invasionem reprehendit. Rex noster à Rebellibus suos Comitatus & Ducatus repetit; & ecce in eū sæviunt calamitates. Rupella, urbs exi-

gua

guæ erat: non tamen quiescere Rex Franciæ potuit, donec eam occuparet, & rectè Rex Angliæ sine Hiberniâ dives esset: & tamen forti manu eam tenet. Sine Bayâ de los Sanctos in Brasiliâ etiam Status Hollandiæ se arrogant. P R A E P O -  
T E N T E S jactabant: & tamen per nefas Regi (licet inde expulsi sint) eripuerunt. Curetiæ Rex hunc mundi angulum, vel potius in illo mundi angulo, tres quatuorve Provincias jure belli non repetat: Reges alii pro unâ Provinciâ, pro unâ tantum urbe, bellis crudelibus Orbem miscant, & sæpè sine ullo jure: cur has Provincias Rex atque recuperare non tentet? Sine Hollandiâ, licet sit exigua, divitiarum maximam partem amittet: præsertim si, ut suades, liberam navigationem in Indias illis permetteret. Denique Philippus sine Bataviâ desineret esse Maximus: quia semper Maximo Hispaniarum Rege se maiores gloriarentur; quem necessitate, ut ais, victum, ad iniquas, vel qualescunque conditiones pacis accipiendas, adegissent.

#### LITTERA I. PŮTEANT.

Hujus illi ut potentiam viderentur, quamvis, victoria propiores, transigere parati sunt. Princeps Auriacus ipse, quem fortissimum prudentissimūq; militie Ducem habent, quâ magnitudine animi, eâ moderatione, etiam belli gloriam Pacis consonis submittit. Quid obstaculi igitur? Iræ in lenitatem vertenda sunt, ut virtuti & famæ Regia liberum spatium datur: ignoscendum paucis, ut multis parcat. Nos illi multi sumus, qui subditi, & ad ruinam primi, sinorum Martis onus rebus multum jam depressis incumbat. Pauci, hostes à culpâ jam longinquiores, quamvis hostes, & majori impetu agent. Nam auctores belli vel bello extincti sunt, vel suo vivere fato desierunt: reliqui, tanquam in armis & libertate nati, causam ad se derivatam bello iusati sunt: sed ne caderent, omnium ferè Principum & Republicarum viribus pugnarunt, hactenus, & adhuc pugnant. Dixerim, amplius in Regem nostrum, qui dederunt auxilia, quam qui acceperunt, peccasse, qui instigaverunt, quam qui irruerunt: quippe

quippe unde vires, victoria venit: sed qui fortes fuisse, viribus aſi ſunt. Quid igitur? Reſtitis

### Quæritur belli exitus

Quam cauſa.

Non jam quomodo hoſtes facti, ponderandum eſt; ſed quomodo amici poſſint fieri, & in auxilium ſocietatemq; aſſumi. Hoc ſatis: ad Inducias, vel ſi non ſuspendere modo bellum; ſed extinguerre placeat, ad ipſam Pacem accedant; firmiori fide ſe juncturi Regi, quam robore obſiſterunt. An invicti ſint, fortuna diſputet; ſed agnoſcunt ſe vincti poſſe, quia dexteræ etiam armati concordia porrigunt: Rex autem Majestatem ſuam magis benignâ Pace, quam cruenta bello vindicabit. Pyrrhus, ille Epirotarum Rex, generoſius hic fuiſt, qui Ennis ore regalem ſanctæ, & dignam Acidarum genere ſententiam proſuliſt:

Quorum virtuti belli fortuna pepercit,

Forundem me libertati parcere certum eſt.

Dono ducere, doq; volentibus cum magnis Diſ.

Tantum uni conſeſſum populo, quem fortem ac timendum, rebus etiam adverſis, totius militaris fecerat. Conſeſſum à Pyrrho, bellatorum maximo, & Epiri, Theſſalia, Macedoniæ viribus, Campania, Apalin, Lucania ſubſidiis pugnante. Illius quaque invictos Romanorum animos mirati, Floro referente, vox fuit: O quam facile erat, Orbis Imperium occupare, aut mihi Romaniſ militibus, aut me Rege Romaniſ! Sed proſceto ſoſo quamvis Marſe ſubnixus, & novus Alexander habitus, imò Aquila nominatus; non potuit tamen, quia Pace caſuiſt, Magnus eſſe: victus & fugatus ab iſ, quos vicerat, excedere Italia cum reliquis copiarum conſectum eſt.

### Reſponſio POLITICO-CATHOLICI ad Litteram

I. Putcani.

PYTEANVS.

Hujus illi ſus poſentiant venerentur, quamvis victoria propiores, tranſigere paraſi ſunt. Princeps Auriacus ipſe, quem forſiſimum prudentiſſimumq; militum Ducem habent, quâ magnitudine animi, eâ moderatione, etiam belli gloriam Pacis conditionibus ſubmiſſiſt.

Qui verè & ex affectu Regem amat, Regis hostem iuratis-  
simum parè laudare debet, ne cum amare videatur. Quis  
vel Oratorum, vel Historicorum apud Batavos, (nam pluri-  
mos eorum novisti, & legisti) Albertum Ducem nostrum, in  
quo erat omnium virtutum consummatio, ita laudavit, ut tu  
modò Auriacum? Nemo illorum mentionem Principis no-  
stræ fecit cum honoris titulo: sufficit illis sine titulo. Alber-  
tum nominare. Sanò has laudes ab amore, quo in Auriacum  
ferris, natas existimo, idèq; vanas, & fide indignas iudico.  
Scimus in suspensionem gratia venire amantium iudicia. Nam ubi cer-  
ta est amicitia, ibi fides laudis incertior, ait Symmachus lib. I. epist.  
52. Quid? ut eum fortissimum prudentissimumque prædi-  
ces? Ego nec fortem, nec prudentem iudico. Absit, vel  
odii, vel invidiæ suspicio. Memini me legere Aristidem orat.  
de concordia tom. 2. dicenrem: *Ne hostes quidem, si quid rectè  
egerint, eâ (laude) privandos esse, Deorum quidam apud Pindarum,  
infallor, Herculem monet. Adco sua naturâ divina quadam res est be-  
nedictum.* Hostes, suâ laude privare nolo: non tamen in  
Auriaco veram fortitudinem & prudentiam reperiri. Sicut  
Augustinus nullas in Gentibus veras virtutes agnoscit: ita  
nec ego in hæreticis, qui extra Ecclesiam Catholicam. In  
hâc solâ vera fortitudo ac prudentia est. Hæc enim solâ lu-  
mine fidei Deum cognoscit, ad quem tanquam ad ultimum  
finem & summum bonum vera fortitudo, & omnis virtus  
dirigi debet. Quippe virtus, quæ pro suo objectum summum  
bonum non habet, veræ virtutis rationem non obtinet: &  
idèq; æternâ felicitate (quâ sperare non debent hæretici)  
præmio veræ fortitudinis & prudentiæ privatur. Quænam  
in Auriaco fortitudo? Non propria fortitudo, sed nostrorum:  
proditio aut incuria hæcenus illum victorem fecit. Si Co-  
mes Bergius Geldriam; Wachtendoncam, & alia loca dili-  
genter conservare studuisset, neque inde sine Regis autori-  
tate discessisset, non rã maguos progressus fecisset hostis, nò  
Venlonam, non Rutemundam, non Trajectum amissemus.

Si, cum exercitui nostro præerat, Sylvamducis ab hostibus obsessam liberare conatus fuisset: non eam nobis ereptam doleremus. Wesalia inrecepta est? ejusdem Comitris, qui 29. cohortes inde extraxerat, nullumque equitem ibi reliquerat, culpa est. Denique ejus perfidia fecit, ut nullum in Velaviâ successum haberemus, ut sciunt omnes. Fortalitium S: Crucis dedit unus etiam proditor. Sed forrem eum in Trajectensi obsidione dices, utpote qui Papenheimio fortiter resistit. Crepundiâ. Iam tempus habuerat, ut urbem undiq; munitionibus circumvallaret. Marchio Sanctæ Crucis (quæ plurimi perperam vituperarunt) vix se movere audebat, cum se hostem ita munitum è suis Castris pellere non posse à suis Consiliariis perciperet; præterea Gallos in Picardiâ, usque ad 25. hominum millia Belgio immînere ob conjuratione Bouchiniensem audirer. Ne hæc tam facili præteruisse videar, quasi ignarus; in Picardiâ Comes Sueffionensis regebat exercitum; & Dominus de Haulterive, Batavicarum copiarum ductor, ideò in Franciam vocatus erat, & à Rege S. Quintini Gubernator constitutus, ut sub nomine Batavico (ô sincera Gallorum pax & amicitia!) bellum Hispaniæ Regi moveret. Non, inquam, alio fine; nam postea, ubi nulla spes rei gerendæ apparuit, statim in Hollandiam rediit. Accedebat pactum inter Auriacum & Bergium, ut si noster exercitus, vel ad Trajectensem obsidionem solvendam, vel Ruræmundam & Venlonam versus transisset, ipse Bergius cum exercitu, quem pararum habebat, aut subito comparasset, ad Bruxellam occupandâ maturaret. Afferunt hoc testes oculati, qui viderunt salvos conductus & litteras Bruxellam missas, quibus Bergius amicos suos monebat, se cum copiis brevi adfuturum, nisi; securitatē promittebat. Quid inter hæc egisset Marchio? Hærebatur dubius, maluitq; exercitum salvum conservare, quàm delero fortassis exercitu nostro, Hollâdis, Gallis, & proditoribus liberum in Patriam aditum dare. Vicin ergo Trajectum Auriacus: sed ira ut urbis propugnator acerrimus Marchio Ledësis & civium turba, majorē fortitudinis gloriâ, quàm

Auriacus, sibi comparatit. Limburgum cepit: si Romanam civitatem cepisse dicendi sunt Senones, qui portas patentes neminemque resistentem reppererunt. Er quod unquam mirabile statagema, quæ fortis pugna audita est? Nisi fortè ejus crudele incendium commemores, quo Brabantiam, nemine resistente, depopulatus fuit. Egtegiam vorò laudem & spolia ampla rerulit, cum Brugas venit. Militum tantam multitudinem ducebat, ut decem hostes singuli nostrorum militum fuissent habituri, si pugnare fuisset ausus: & tamen fugit æternâ cum sui nominis & Batavicæ gentis infamiâ. Adeo ut hoc Chronicon duplex, ejus imbellem fugam deriserit.

I.

*henRICVS nassovIVS tenDit brVgas prImâ IVul.*

I. I.

*seCVnDâ Die Venit, terclâ VIDit, qVartâ fVglit.*

Denique vera prudentia, donum Dei est: ergo in Auriaco vera prudentia, qui bella injustè adversus Regem gerit, qui vitia & hæreses fovet, qui Rebelles defendit, qui noxiam libertatem vult asserere; qui pacta contra naturæ legem non tuetur in urbibus, in quibus liberum Religionis nostræ exercitium permittendum confirmavit: Sapiencia hujus mundi stultitia apud Deum est. Piè loqueris, mihi objiciet aliquis: ideo Politico-Atheus non sum, sed Politico-Catholicus. De his saris: ad rem venio. Si ille Auriacus, quem tu prudentissimum facis, belli gloriam Pacis conditionibus submittit; si Hollandi, quamvis victoriæ propiores transigere parati sint: suspectas merirò habere debemus Inducias & Pacem; quandoquidem illi non amore Regis, sed suâ utilitate ducantur.

P Y T E A N V S.

*Quid obstaculi igitur? Ira in lenitatem vertenda sunt, ut virtuti & fame Regia liberum spatium detur.*

P O L I T I C O - C A T H O L I C V S.

Numquid multa satis obstacula? Neque Rex iram in lenitatem verrere potest; nisi hostibus se planè imparem cum  
fio

suo dedecore fateri velit. Imò hæreses & scelera videretur probare, non sine gravi culpâ: si hæc vitia castigare non pergeret, si in illa piam justamque iram non conciperet. Rex velut Paterfamilias esse debet. Quis Paterfamilias filio rebellis aut furi non succenscat? An eumque amicum amabit, ei securam pacem concedet: si domum placidus redire nolit, aut ablata, si magni momenti sunt, reddere renuat? Hæc indulgentia secum traheret culpam, si condignâ animadversione filium ad sanioerem mentem revocare non studeret. Lactantius eos reprehendit, qui de commissis sceleribus vindictam non capiunt. Sic loquitur tibi de ira Dei, cap. 18. *Nos certe, cum domi peccatur, sive id cernimus, sive sentimus, indignari necesse est. Nam qui non movetur omnino: aut probat delicta, quod est turpis & injustius; aut molestiam fugit, quam sedatus animus & quies a menti aspernatur ac renuit, nisi ira stimula verit & incitaverit. Qui autem commovetur intempestivâ lenitate, vel sæpius quàm necesse est, vel etiam semper ignoscit; is planè & illorum vitam perdit, quorum audaciam nutrit ad facinora majora, & sibi ipsi æternam molestiarum materiam subministrat. Nec prætermittam Bernardum, qui epist. 69. sic ait: Non irasci ubi irascendum est; & nolle emendare peccatum peccatum est. Grave crimen Rex admitteret, si in suâ dirione securos & liberos esse lineret, Ecclesiæ Catholicæ sibi que Regi Catholico perduelles, Ecclesiæ sibi que insolentissimè insultantes atque extrema omnia molientes. Ecclesiam ubique infestant, domi, foris, terrâ, mari, bello, pace, armis, scriptis, & inter capitalissimos Ecclesiæ Catholicæ persecutores non sunt postremo loco numerandam nullius Tyranni aut Imperatoris persecutio tam diu, nempe per 60. annos, duravit. Præterea non sufficit illis suam impietatem mordicus tueri, & Religionem intra Provincias fœderatas opprimere, nisi etiam in extremis Orbis Terræ partibus, inter infideles prædicationem Evangelii inturbent; ut raceam in diversis Indiarum partibus, & præsertim in Japoniâ eorum stabello excitata atrocissimarum persecutionum incendia, & relicta non semel inaudite*

crudelitatis insignia. Et Rex hanc improborum colluviem in suis hæreditariis Provinciis vivens vidensque grassari permitteret? Non pauci anni sunt, cum una cohors Henrici Nassovii nunc Principis Auriaci, juxta Mechliniam in quoddam Catholicorum templum incidit; quæ templi ingressa, factum Tabernaculum perfregit, Pyxidem sive Ciborium aperuit, sacrosanctas hostias sacrilegis manibus contrectavit, ac per summum derisum (quis non horreat referendo?) alias sputo madefactas valvis domorum; alias equorum sellis, ephippiis, habenis affixit; alias projecit inter cæchinnos & hæreticorum perulantiam. Et Rex iram in lenitatem vertat? iram faciliè deponat? neque ex Hollandiâ tam flagitiosos Eucharistiæ contemptores expellat? A Rudolphi Caesaris, Philippi II. Alberti Principis nostri Pientissimi erga illam pietate, Rex degehetare non debet: ideòque necesse est, injurias huic Augustissimo Sacramento illatas ulciscatur. Quod fiet, si omnibus improbis in Hollandiâ publicam potestatem eripiar, & nostræ Religionis serenitatem reducat. Er ut ad omnia respondeamus, non est opus famæ Regiæ liberū spatium dari. Nam Rex Catholicus in hoc etiam differt ab aliis Regibus, quòd suo sumptu in hac aut illâ Provinciâ semper bellum alere possit. Vidimus uno anno sub signis Regiis exercitus quinque, in Italiâ, Germaniâ, Bohemiâ, Hungariâ, Belgio. Et jam unum exercitum alere non posset, donec victoriam pararit?

P V T E A N V S.

*Ignoscendum paucis, ut multis parcatur. Nos illi multi sumus, qui subditi; & ad ruinam primi, si novum Martis onus rebus jam multum depressis incumbat. Pauci, hostes.*

P O L I T I C O - C A T H O L I C V S.

Nequaquam nos Regem offendimus, nec ejus iram experimur: cur nos, nempe illi multi, nobis ignosci peteremus? Præterea, quoad belli incommoda à Rege nobis ignosci non postulabimus: si verè fideles & generosi simus, si Ecclesiæ ac Regis nostri utilitatem, perinde ac nostram æstimeamus. Majores nostri toto ferè ætatis suæ tempore incensâ & vastatâ



vastatâ Flandriâ, Brabantîâ cotruptâ, fortunis everfis, agtis  
 cruore non cultu pinguibus, ferre potuerunt : nos integrâ  
 Flandriâ, & pænè totâ Brabantîâ, non est quod ex aquilis  
 nati jam imbelles columbæ videamur, fortunæ nostræ cala-  
 mitatem Regiæ fortunæ & dignitati præferentes, Ruinam,  
 quam instare fingis, avertet Deus. Speremus in Deo, & ipse  
 faciet, & educet quasi lumen justitiam Regis. Rex igitur non parcat  
 Hollandis, ut nobis videatur ignoscere:

PUTEANVS.

*A culpâ jam longinquiores, quamvis hostes, & majori impetu  
 agant. Nam auctores belli, vel bello extincti sunt, vel suo vivere fato  
 desierunt: reliqui, tanquam in armis & libertate nati, causam ad se  
 derivatam bello tutati sunt.*

POLITICO-CATHOLICVS.

Gaudeant Hollandi, quia perire non possunt, qui tam  
 fortem ac disertum Patronum & Advocatum repererunt.  
 Ita enim, Puteane, causam Batavotum agis: quasi si eorum  
 patrociniū suscepisses? Vno verbo his satisfaciam. Bona à  
 mortuis parentibus legata, quæ vel aliena, vel fœnerando  
 malè patta esse cognoscunt, servare actus non possunt  
 filii: sed illos restitutionis lex obligat. Ita clamat natura, si-  
 mulque jura omnia. Sciunt Batavi, qui jam vivunt, hæredi-  
 tatem esse Philippi Regis Hispaniæ, à majoribus suis injustè  
 occupatam: quin restituunt? Legitimum Principem habe-  
 bamus & Clementissimum: quin reddiderunt? Velamen:  
 non habent; nisi libertatis nomen: cum tamen jam inaro-  
 ductam tyannidem apud se videant.

PUTEANVS.

*Ne cadèrent; omnium fero Principum & Reipublicarum viri-  
 bus pugnarunt hactenus, & adhuc pugnant. Dixerim, amplius in  
 Regem nostrum, qui dederunt auxilia, quàm qui acceperunt, peccasse;  
 qui instigaverunt, quàm qui irruerunt: quippe unde vires, victoria ve-  
 nit: sed qui fortes fuere, viribus usi sunt.*

POLITICO-CATHOLICVS.

Multitudo juvenantium, criminis gravitatem non minuit.  
 Pecca-

Peccarunt Franci, Veneri, & alii: non minùs peccarunt Batavi (quos malè fortes vocas) qui usi fuerunt. Si cui vitam eripuissèm, egòne liber, quia alii mihi gladium subministrassent? Alienum possideo, alii consulunt ut non restituam: simul cum illis pecco, cum illis pœnas mereor, nulla jura remissionem mihi idèò dandam esse pronuntiant.

P V T E A N V S.

*Quid igitur? Responsum*

Quæritur belli exitus  
Quàm causâ.

P O L I T I C O - C A T H O L I C V S.

Hæc verba sunt injustissimi Lyci apud Senecam in Hercule furente act. 2. Eadem verba usurpare non potest, nisi qui injustissimus videri cupit. Quis tamem otæ mentis, tam parum amans æquitatis, qui causam belli non quærat? Causam belli justissimam Rex habet, ut sæpè diximus: speremus aliquando belli exitum adfuturum. Ira nos monet Lucanus lib. 7.

*Causa jubet melior Superos sperare secundos.*

Speremus igitur Deum nobis adfuturum; Batavi justâ negantes, semel nobis dare cogentur omnia, cum Deus volet. Dicamus cum eodem Lucano lib. 1.

*Viribus utendum est, quas fecimus: arma tenenti*

*Omnia dat, qui justâ negat, nec Numina desunt.*

P V T E A N V S.

*Non jam quomodo hostes facti, ponderandum est; sed quomodo amici possint fieri, & in auxilium societatemq; assumi.*

P O L I T I C O - C A T H O L I C V S.

Quamdiu hæretici sunt, nec reddunt Regi, quæ sunt Regis, semper hostes sunt. Hæreticos autem numquam amicos habebit Rex, nec in auxilium societatemq; assumet. Vis ut Reges Franciæ imiterur? ut cum hæreticis sordera ineat? Rex Iosaphat cum Achabo Rege Israël impiissimo societatem iniecit. Hunc redeuntem ex bello, quod contra Syrios gesserat, sic Iehu Propheta fuit allocutus: *His qui oderunt*

*Domini.*

*Dominum, amicitia jungere; idè iram Domini merebaris.* Paralip. 2. cap. 29. Hanc iram Dei contempnissè videntur Gallix Reges, qui cum immanissimo Christianorum tyranno, Turcà scilicet, fœdus fœdissimum fecerunt, & etiamnum servant. Posteris pessimum exemplum dedit Franciscus I. qui adversus Carolum V. Imperatorem Solymannum concitavit, à quo Barbarussa cum classe missus; qui Hetrurix orà vastatà, & Hispaniis infestatis, Ænarià & Liparà afflicta, Constanti-nopolim rediit, Christianorum spoliis onustus. Carolus IX. fœdus non sine dedecore à Francisco I. idum, cum Solymanno, qui Melitam magno navali paratu obsederat, renovavit. Quod Caroli IX. fœdus plurimum Pius V. Pontifex, divinæ sapientiæ & miraculorum glorià insignis, improbavit, & *Francia labem* appellavit, ut refert Franciscus Longus Catriolanus in Breviarij Chronolog. anno Christi 1571. Vnde plurimi notarunt Reges Gallix à Francisco Primo, qui primus cum Turcis se turpissimo fœdere obstrinxit, usque ad Henricum IV. infelices exitus habuisse, occulto Divinæ Providentiæ calculo potius, quàm humani consilii ratione expendendos, ut ait Maximilianus Vrientius, qui in fata posterorum Gallix Regum sic lustr.

*Adspicite ô Belge Gallorum funera Regum,*

*Levaq; Valesiz pendite fata Domus.*

† I. *Ille potens sceperi † FRANCISCVS, fœderis auctor*  
*Cum Mahumetigenis vincula captus adit.*

*Agmine liligero Ticini ad flumina fuso,*  
*Obside vix gemino liber & are gravi.*

† II. *Filius † HENRICVS magno certamine victus,*  
*Acciso regni flore opibusq; virum,*  
*Dum pacem & iadas celebrat, simulacraq; belli*  
*Ludit eques, tragicà morte cruentat humum.*

† II. *Aure malè infectà, viridi † FRANCISCVS in avo,*  
*Nil nisi flos regni solstitialis obit.*

† IX. *CAROLVS à tristi lanienà & strage suorum*  
*Invidia & leshi nigra venena bibat.*

I

† III.

† III. *HENRICVS Scythico procul accersitus ab axe*  
*Post Guisias cades casus & ipse peris.*

† <sup>Fr. n.</sup> <sup>ciff. as</sup> *Fraser ALENCONIVS Belgis ejectus, inanem*  
*Spem Regni, & vitium clausis in Arce brevi-*

*Pluma stirps gentis Regi despecta marito*  
*MARGARIS in sterili sola relicta gemit.*

*Hac tanta fortuna domus, hunc Gallica fructum*  
*Lilia Tartarum fœdere nixa metunt.*

† <sup>Henr.</sup> <sup>cus IV.</sup> *Successor Regni † BORBONIVS, insipiger heros,*  
*Cui tulerunt nullum sacula multa parem;*

*Christine gâ cum gente pari devinctus habendâ,*  
*Morte pari Paridiû casus in urbe cadit.*

*Talibus exemplis qui sceptrâ tenetis in Orbe,*  
*Discite supremi sceptrâ timere Dei.*

*Omne sub regno graviore regnum.*

Quinimò ab anno 1579. Genevæ patrociniû suscepunt, licet jam pridem Christianissimi appellationem obtinuerint. Rex Christianissimus etiam hodiè Genevam, Academiam impietatis, Cathedralam pestilentie, Calvinî propugnaculum, omnis nequitie officinam, Universitatē iniquitatis, in suam clientelam admittit. Quid Gallorum fœdus cum Hollandis, Protestantibus, Suedis contractum referam? Nullus enim ab hoc Ludovico XIII. istum fœdus cum Gustavo Suecorum Rege infensissimo, Catholici nominis hoste ignorat: cujus mortem tanquam piissimi hominis & bono publico nati deplorassee testatur hoc Chronographicon, quod annum mortis Gustavi sic describit:

*gALLo Congemiscente oCCVbVI sVECVS reX.*

O pudor! Reges Gallie Christianissimos, Rex Hispanie Catholicus hætenus imitati noluit. Indias habet, numquam hæreticorum auxilio usus est. Italię pattem & tot Regna possidet? Bono jure & Dei auxilio possidet. In suo Regno, nec Iudæos, nec Mautos, sicut nec ullam prorsus hæreticorum Sectam, ut Rex Franciæ, pari potest. Non decet Regem verè  
 num ab hæreticorum, sed Dei auxilio pendere. Quod Regi  
 Hispaniæ

Hispaniæ suades, olim fortiter dissuasit Fulco Rhemenſis Archiepiſcopus Carolo Simplici, qui de Northmannis nondum Chriſtianiſi ſibi fœderandis cogitabat. Eum igitur hic Præſul ſic per litteras admonuit. *Quis, qui vobis, ſicut oportet, fidelis eſt, non expaveſcat, vos inimicorum Dei amicitiam velle, & in cladem ac ruinam Chriſtiani nominis pagana arma & fœdera deteſtanda ſuſcipere? Nam ſi, ut ait Apoſtolus, bonos mores colloquia mala corrumpunt: quanto magis corrumpitur caſtitas animæ Chriſtiana, ex inimicorum conſiliis & ſocietate? Neque enim poteris non imitari, quod aſſidue videris, quin potiùs aſſueſces paulatim, & quaſi vinculo mala conſuetudinis trahetur ad facinus. Et infrà. Vos Deum reliquistis: dicam cerè licet nolens, quia Deum reliquistis, cum vos ejus hoſtibus ſociati. Et iterum infrà. Melius fuerat vos non naſci, quàm diaboli patrocinio velle regnare, & illos juvare, quos deberetis per omnia impugnare. Sciaſtis enim, quia ſi hoc feceritis, & talibus conſiliis acquieveritis, nunquam me fidelem habebitis; ſed & quos, utcumque potuero, à veſtrâ fidelitate revocabo; & cum omnibus Coepiſcopis meis, vos & omnes veſtros excommunicans eterno anathemate, condemnabo. Pro fidelitate, quam vobis ſervo, hæc gembundus ſcribo: quoniam vos cupio ſecundùm Deum, & ſecundùm ſæculum ſemper eſſe honoratum; & non Sathana, ſed Dei adjutorio ad debitum vobis conſcendere regni aſtugium. Regnum enim, quod Deus dat, firmum habet fundamentum. Vide Flodoardum lib. 4. cap. 5. O admirandam Fulconis conſtantiam ac libertatem! Et tu Regi ſuades, ut Hollandos Northmannis atrociores, Atheos, hoſtes Eccleſiæ Catholicæ, amicos ſibi faciat in auxilium & ſocietatem aſſumari? *Quæ participatio juſtitia cum iniquitate? aut quæ ſocietas lucis ad tenebras? quæ conventio Chriſti ad Beliam?* ita Apoſtolus 2. Cor. 6.*

P V T E A N V S.

*Ad Inducias, velſi non ſuſpendere modò bellum; ſed extinguere placeat, ad ipſam Pacem accedunt; firmiori fide ſe juncturi Regi, quàm robore obſtiterunt. An invicti ſini, fortuna diſputet; ſed agnoſcunt ſe*

*se vinci posse, quia dexteræ etiam armatas concordia porrigit.*

POLITICO-CATHOLICVS.

"Suspendi bellum nequit, nisi iniquis conditionibus nos submiseramus: nec bellum extingui, nisi Rex Bataviam ipsis liberè possidendam relinquat. Quæ duo non admitti modò, sed nec cogitari possunt. Eos autem firmiori fide se juncturos Regi, quàm robore obstitetunt, planè ridiculum est. Quo-  
modò perduelles fidem firmam conservabunt? Qui hæc-  
tenus torbella gesserunt, solo Hispanici nominis odio, tot ca-  
lamitatibus afflicti, tot vectigalibus oppressi, mercimoniis im-  
peditis: jam liberi & domini, Regem Hispaniæ amabunt?  
Qui hæreses adhuc in sinu suo fovebunt: Catholicæ Religio-  
nis summum propugnatorem sequentur: Qui Turcis, Gallis,  
Venetis, Sæcis, Protestantibus, aliisque suæ reformatæ reli-  
gionis Athlantibus fidem addixerunt: iis adversus Austriacos,  
qui adversus tartareas hæreticorum cohortes constantissimè  
porentem fidei clypeum semper attollunt, auxilia petentibus  
denegabunt? Qui tot Provincias in suâ potestate contine-  
bunt: non de propagando suo imperio cogitant, & larvâ  
pæcis deposcunt, non se apertos hostes Regis profitebuntur?  
Pueris, pueris hæc nuce. Nec bellum suspendamus, nec ex-  
tinguamus: eos invictos non esse, ostēdet Deus & bona cau-  
sa, non cæca illa fortuna, quæ nimis in Litteratorum ore ver-  
satur. Quamquam quid ipsos invictos cogitamus: cum ipsorū  
viris non sit tribuendum, quod hæcenus victi non sunt? *Ag-  
noscunt, inquit, se vinci posse, quia dexteræ etiam armatas concordia  
porrigit.* Et ipsos vinci posse, etiam nobis notum est: idēdūque  
non nisi ad concordiam justis sanctisque conditionibus fir-  
matam, veniemus.

PVTEANVS.

*Rex autē Majestatem suam magis benignâ Pace, quàm cruento bello vindicabit. Pyrrhus, ille Epirotarum Rex, generosus hîc fuit, qui Ennii ore regalem sanè, & dignam AEacidarum genere sententiam pro-  
tulit:*

Quorum

Quorum virtuti belli fortuna pepercit,  
Eorundem me libertati parcere cerrum est.

Dono ducere, doque volentibus cum magnis Dis.

*Tantum uni concessum populo, quem fortem ac timendum, rebus etiam adversis, virtus militaris fecerat. Concessum à Pyrrho, bellatorum maximo, & Epiri, Thessalia, Macedonia viribus, Campaniæ, Apulia, Lucania subsidio pugnante. Illius quoque invictos Romanorum animos mirati, Floro referente, vox fuit: O quam facile erat, Orbis Imperium occupare, aut mihi Romanis militibus, aut me Rege Romanis! Sed profectò toto quamvis Marte subnixus, & novus Alexander habitus, imò Aquila nominatus: non potuit tamen, quia Pace caruit, Magnus esse: victus & fugatus ab iis, quos vicerat, excedere Italiam enim reliquiis copiarum coactus est.*

### POLITICO-CATHOLICVS.

Plures fuere & Reges & fortissimi Duces, qui adversus Romanos pugnarunt: & victi sunt. Nimirum è Græciâ Imperium ad Romanos transferre statuerat Deus, ut Danielis oracula præsignificaverant: ideòq; has victorias ex Regibus fortissimis Romani (quorum morales virtutes Imperio compensare Deus volebat, ut ait Augustinus) reportarunt. Sed nã ludum facis: qui quasi Batavorum amore ebrius, eos Romanis comparas; Hispaniæ Regem (qui ex tuâ sententiâ est ubique potens, qui Orientis & Occidentis terminos circumductâ gloriâ tenet) Pyrrho confers, qui solius Epiri Rex erat: cui procul à Patriâ pugnantri, Rex Antigonus militum supplementum negabat: quem non solum Romani, sed etiam Carthaginenses infestabant. Nondum Rex Hispaniæ, ut Pyrrhus, ad libertatem Batavis dandam, se coactum videt. Nondum

*Horum perfidia Deus & bona causa pepercit.*

*Huic ideò libertati non parcere certum est.*

*Nec dat, nec donat, Magno nolente Tonante.*

Non ut Pyrrhus, solâ ambitione & Imperii cupiditate pugnat: sed ad bellum iusta causa promovit. Impiæ huic libertati non pareet, numquam dabit & donabit hæreticis quic-

tem, suamque hæreditatem, numquam cum iis pacem inveniet. Non vult enim hoc Magnus Deus, & recusat fervida pietas, quâ Catholicam Religionem Hispani & propagant, & defendunt. Denique Rex, ut Pyrrhus, non desit, quia paco caruit, Magnus esse, nec cum Baravorum arma è Belgio cogent excedere.

#### LITTERA K. PUTEANI.

*Huc redeo, & prorsus æquum censeo, universa, quam vix dissecta, habendam esse rationem Belgicæ, ne membri culpam reliquum cogatur corpus luere, & una Provinciarum omnes causas immerito obviat. Perverso una aut altera consilio, quasi furore, iram Regis & bellum provocavit? plures gratiam obsequio, pacem fide promeriti, integram ad benevolentiam trahunt. Qui peccant & non peccant, homines sunt. Non quos possis perdere Rex Magnus, sed quos servare debeas, expendes, & aliquos fines non tuos esse, ut plures habeas: Pacem non tuis daturus, salutem tuis, nullo quidem victoriæ premio, magno gloriæ, quod luculentissimum ab utrisque auferes. Vincere paucos possis, qui multos regis? sed parcere si malueris omnibus, longè major eris. Bellorum egregiæ fines, ut cum Tacito dicam, quoties ignoscendo transiguntur. Tui tui, quàm non tui, tui sunt: alios imperio, alios titulo complecteris. Belgæ sunt, ut scias tuos esse: & Belgarum manes Princeps, bello an pace naris, ubique potens, qui Orientis & Occidentis terminos circumducat, gloriâ senes, alibi dominus, hic pater, alibi sceptro, hic affectu insperans. Nimirum alia Belgarum, alia aliorum conditio est. Apud Belgas, ubi minus servitutis, plus obsequii est: alibi libertas ferociores reddit. Hinc etiam facilius duci ingenia Belgarum queunt, aliorum cogi, & sequantur facilius, servile putant, cogi. Infelix sanè, & miserandum bellum est, quo plus Amicis, quàm hostibus nocetur: ut non vincere hostes melius putem, quàm Amicos perdere: servare Amicos, ne vel hostes sint. An Corburrus Octavia fallit?*

NERO. Extinguere hostem, maxima est virtus ducis.

SENECA. Servare cives, major est patriæ patri.

*Altera Neronis in Tragicâ scenâ vox est, & hoc satis, ut serva & iniqua sit; altera Seneca, & quid nisi ipsius Sapiëntia oraculo formata?*

Respon-



RESPONSO POLITICO-CATHOLICI ad Litteram  
K. Puteani.

P U T E A N V S.

*Aliquos fines (Rex Magne) non tuos esse, ut plures habeas.*

P O L I T I C O - C A T H O L I C V S.

Quid fineret Rex Batavos non esse suos? Quid aliud suades, quàm ut Batavis cedat, & concedat Hollandiam? Nimirum tunc plures haberet. Imò plures amitteret: quia aliz fortassis Provinciæ, cum viderēt Batavos libertatem illam imaginariam sibi bello asseruisse, in eandem spem se duci permitterent. Claudius Civilis Batavorum Dux, adversus Romanos bellum movebat. Missus est ad eum Alpinus Montanus cum mandatis, ut à bello abstineret. Sed Civilis omnibus inodis egit, ut Montanum in suas partes traheret. Ejus verba hæc sunt apud Cornel. Tacitum: *En ego Præfectus unius cohortis & Caninesates, Batavique, exigua Galliarum portio, vana al-la castrorum spatia excidimus.* Quæ verba non parvam difficultatem involventia, ex eo quòd videantur significare Bataviam esse Galliis adnumerandam; Adrianus Iunius Hornanus Medicus in suâ Batavicâ historiâ cap. 4. sic explicavit. *Istic primâ fronte opinetur aliquis exiguam Galliarum portionem Batavos dici, quòd inter Gallias numeranda veniat Batavia, quum nihil istiusmodi sit. Sed cum Civilis odoraretur ingenium Montani ad novandas res paratum, suisq; conatibus peraccommodum, quòd illum in suas partes attraheret, qui in Galliis plurimum auctoritate valebat, hoc argumenti ariste concutere voluit. Si ego cohortis unius Præfectus cum Batavis & Caninesatibus, qui respectu totius Gallia vix millesima ejus pars sumus, Romanos sudimus vicimusq; quid futurum, si Gallia, excusso iugo, socias vires conjungant, & communibus armis hostem communem, impesant? Nisi quis foris eò tendisse horum verborum scopum autumat, quòd Batavos Gallia portionem vocet, ut facilis defectionis necessitatem illi persuaderet;*  
que

*qua gentem communem citius ad arma commoveret capienda, quam peregrinam & alienam. Ecce Civilis, quia Batavia defecorat, exigua Romani Imperii potio, Gallias ad defectionem hoc exemplo sollicitabat: & hæc cõpestate non poterit esse eadem Batavia exemplo, ut aliquæ Hispanici imperii Provinciæ ad defectionem moveantur. Nam Civilem. suum imitari possent Batavi, aliosque hoc eodem argumento inflammare. Si nos Batavi, qui respectu totius Hispanici imperii millesima ejus pars sumus, tamdiu rebellionem nostram sustinuimus: quid futurum, si aliæ Provinciæ socias vites conjungerent, & communibus armis Hispanos impeterent. Rex igitur rebelles hos compescat, ne pessimæ rei exemplum det Italis, Siculis, Aragonis, Lusitanis, & cæteris à quibus colitur.*

#### PVTEANVS.

*Pacem non tuis daturus, salutem tuis, nullo quidem victoriæ præmio, magno gloriæ, quod luculentissimum ab utrisque auferes.*

#### POLITICO-CATHOLICVS.

Noret lector diligenter hæc verba. Sensus est. Si des pacem non tuis, id est, Hollandis, si des salutem tuis, id est, Brabantis, Flandris, Arthesiis, Hannoniis, Luxēburgiis, & cæteris qui supersunt, tunc quidem nullam victoriæ habebis, sed magnam gloriæ & luculentissimam referes. Quod stultius consilium dari posset? Enimverò nullum victoriæ præmium proponit, sed solam gloriæ. At quam gloriæ Rex referet, si Hollandos sinat non esse suos, iisque pacem tribuat: Referet potius dedecus sempiternum, suam purpuram perpetuæ infamiae maculâ denigrabit; quia paucarum provinciarum viribus, Potentissimus Orbis Monarcha inferior fuisse videbitur, quia hæreses toletavit, quia pacem victus sordidâ necessitate concesserit. Quid? Regum Hispaniæ, opulentissimum tot Regnorum Regem, solis Hollandis cedere debuisse? ab iis victum, & suam hæreditatem dare Rebellibus coactum? Rideret orbis totus, Regnorum suorum rebellionem novas quotidie videret, ac novos hostes.

Nullus

Nullus enim Hispanos, quos hactenus invictos crediderunt, bello aggredi, & ex iis victoriam referre desperaret, qui paucas insulas ad officium reducere non potuissent. Postremo, quæ gloria Regi nostro accederet, si à bello desisteret? *Pudendum* (inquit Onofander auctor Græcus Philosophus Plaronicus in Strategico cap. 4.) *ac periculosum est, bellicos excitasse tumultus, & veluti mare terramq; prælis miscere voluisse, deinde turpiter incæptis desistere, proramq; obvertere. Etenim unusquisque supinam huiusmodi amentiam deridet, imbellemq; audaciam ludos facit. Hæc ille.*

P V T E A N V S.

*Vincere paucos possis, qui multos regis: sed parcere si malueris omnibus, longè major eris.* Bellorum egregii fines, ut cum Tacito dicam, quoties ignoscendo transigitur.

P O L I T I C O - C A T H O L I C V S.

Cut antè fortunæ disputandum reliquisti, an invicti essent: quandoquidem Regem nostrum, qui multos regit, paucos vincere posse fatearis? Mutas pellem, sæpè tibi dissimilis. Præterea multum Hollandis pepercerit, magnamq; clementiam ostenderit: si illis supplicibus & paratis imperata facere, remittat pertinaciam & rebellionem, quæ tanti constiterit. Sed quamdiu bello infesti sunt, venià sunt indignis illis Rex parcere & cum illis ignoscendo transigere non potest, quia rebelles persistunt, quia Regium Patrimonium sine jure occupant, & hæresibus inficiunt.

P V T E A N V S.

*Tam tui, quam non tui, tui sunt: alios imperio, alios titulo complecteris. Belgæ sunt, ut scias tuos esse: & Belgarum manes Princeps, bello an pace utaris; ubique potens, qui Orientis & Occidentis terminos circumductâ gloriâ tenes.*

P O L I T I C O - C A T H O L I C V S.

Belgium univèrsum non solum titulo, sed etiam imperio complecti desiderat. Desiderium hoc justum est, quia jura exigunt; sanum, quia potest. Belgarum quidem manet Princeps, bello an pace utatur: sed omnium Belgarum Princeps

olim titulo & imperio fuit, & jam esse debet. Licet autem sit ubique potens, licet Orientis & Occidentis terminos circumductâ gloriâ teneat : nondum eò dementiæ & nausæ venit, ut Belgiû univetsum suo diademate indignû judicer.

P V T E A N V S.

*Alibi Dominus, hic pater, alibi scepro, hic affectu imperans. Nimirum alia Belgarum, alia aliorum conditio est. Apud Belgas, ubi minus servitutis, plus obsequii est : alibi libertas ferociores reddit. Hinc etiam facilius duci ingenia Belgarum queunt, aliorum cogi, & sequuntur facilius, qui servile putant cogi.*

P O L I T I C O - C A T H O L I C V S.

Rex Hispaniæ non alibi Dominus, hic pater : sed ubique ita Dominus, ut sit pater ; nec solo affectu, sed etiam scepro cupit imperare, ubi jure potest. Et quomodò hic imperabit affectu, & velut pater, si eum filii non agnoscant ut patrem ; si Absalones eum Belgii patre per scelus ejiciant ? Nec capio cur alia Belgarum, alia aliorum sit conditio ; cur aliorum ingenia cogantur & non Belgarum, ideòque à Rege libertas inusitata Belgis sit danda. Nam quæ gens libertatis avidior, quàm Itala ? quæ gens majoris & altioris animi ( ut cæteras raceam, animo non inferiores ) quàm Castellana & Lusitana ? Regem tamen promptè & libenter colunt. Nimirum quia sentiunt omnes à Rege sibi plus libertatis quàm servitutis imponi, imò se verâ frui libertate. Cur Belgæ Regiam potestatem, non errore metuendam, sed securitate jucundam contemnant ? Liberiùs sub Ser<sup>m</sup>â & clementissimâ Principe Isabellâ Clârâ Eugeniâ vivimus : quàm qui si sub quâvis Republicâ viveremus. Quid igitur libertatis superest, quod Belgis concedi debeat ? Vis dari libertatem Religionis ? Impium re nec vetè Catholicum ostenderes. Ut à vectigalibus sint liberi : in nullâ Republicâ, quamcûvis libera jactitetur, non sunt vectigalia ; & Batavi jam, supra, quàm credi possit, longè majora pendunt. Non servite Regi, libertatem vocas ? Dulcis hæc servitus, quæ rem libertatis tenet ; non, ut in Re-pub. Batavicâ, solum nomen. Quænam ergo sana & salubris liber-

libertas apud Belgas desiderari potest: Nos Catholici Regē amamus, & ex eo non nisi clementiā experimur: Albertum, Belgii nostri delictum, amavimus dum viveret, ejusque jucundissima nobis est recordatio; Isabellæ Claræ Eugeniæ (nam mulierem fortem ex voto Salomonis invenimus; & in eā justitiæ, misericordiæ, ingenii, prudentiæ circumspiciſſimæ, pietatis admirandæ, univerſas dores reperimus) æternitatē annorum opramus. Cur Batavi, tam ſuave imperium aſpernantur? An Baravi Belgarum optimi, an dererriſſi? Sceleratis illis & rebellibus filiis, à Rege hæc pernicioſiſſima libertas eſt adimēda, ſi verè ſir pater. Quòd bello jam cogantur: non Regiæ ſeveritati (quā ſæpè etiā uti debent boni parres) ſed rebellium perrinaciæ referendum, qui legitimū Regem nolunt agnoſcere, ut nempe ipſi imperent; eorum ſtultitiæ tribuendū, qui ne uti ſerviant, pluribus ſervire non renunt.

P V T E A N V S.

*Infelix ſanè, & miſerandum bellum eſt, quo plus Amicis, quàm hoſtibus nocetur: ut non vincere hoſtes melius poſſem, quàm Amicos perdere: ſervare Amicos, ne vel hoſtes ſint. An Cæſar Octaviæ fallit?*

NERO. Extinguere hoſtem, maxima eſt virtus ducis.

SENECA. Servare cives, major eſt patriæ parri.

*Altera Neronis in Tragicâ ſcenâ vox eſt, & hoc ſatis, ut ſava & iniqua ſit; altera Seneca, & quid niſi ipſius Sapientia oraculo formata?*

P O L I T I C O - C A T H O L I C V S.

Hactenus multis honorum ritulis bellum noſtrum affecti. Nam præterquàm quod bellum peſſimum, bellum belli cauſa geſtum, longum, ſavum, indomitum, incendium, ac diſcrvium, ſavam tempeſtatem, cruentum appellaveris: jam infelix & miſerandum vocas, quo plus amicis nocetur quàm hoſtibus; & quo amici perduntur, non vincuntur hoſtes. Ego verò prodirores accuſare malo, auctores hujus belli infeliciſ & miſerandi. Nam plus amici amicis nocuerunt, quàm hoſtes; amici amicos noſtros perdidērunt, nō hoſtes noſtri vicerunt. Si Patria quædā calamitares paſſa ſit, majores Hollādi pariuntur. Vicerunt urbes? Plus victoria nocuit, quā profuit, multi ptoſi milliones

crudelitatis insignia. Et Rex hanc improborum colluviem in suis hæreditariis Provinciis vivens videntque grassati permitteret? Non pauci anni sunt, cum una cohors Henrici Nassovii nunc Principis Auriaci, juxta Mechliniam in quodam Catholicorum templum incidit, quæ templū ingressa, sacrum Tabernaculum perfregit, Pyxidem sive Ciborium aperuit, sacrosanctas hostias sacrilegis manibus contrectavit, ac per summum derisum (quis non horreat referendo?) alias sputo madefactas valvis domorum; alias equorum sellis, ephippiis, habenis affixit; alias projecit inter cæchinnos & hæreticorum perlantiam. Et Rex iram in lenitatem vertat? iram faciliè deponat? neque ex Hollandiâ tam flagitiosos Eucharistiæ contemprores expellat? A Rudolphi Cæsaris, Philippi II. Alberti Principis nostri Pientissimi erga, illam pietate, Rex degenerare non debet; ideòq; necesse est, injurias huic Augustissimo Sacramento illatas ulciscatur. Quod fiet, si omnibus improbis in Hollandiâ publicam potestatem eripiat, & nostræ Religionis serenitatem reducat. Et ut ad omnia respondeamus, non est opus famæ Regiæ liberū spatium dari. Nam Rex Catholicus in hoc etiam differt ab aliis Regibus, quòd suo sumptu in hac aut illâ Provinciâ semper bellum alere possit. Vidimus uno anno sub signis Regis exercitus quinque, in Italiâ, Germaniâ, Bohemiâ, Hungariâ, Belgio. Et jam unum exercitum alere non posset, donec victoriam pararit?

P V T E A N V S.

*Ignoscendum paucis, ut multis parcaur: Nos illi multi sumus, qui subditi; & ad ruinam primi, si novum Martis onus rebus jam multum depressis incumbat. Pauci, hostes.*

P O L I T I C O - C A T H O L I C V S.

Nequaquam nos Regem offendimus, nec ejus iram experimur: cur nos, nempe illi multi, nobis ignosci peteremus? Præterea, quoad belli incommoda à Rege nobis ignosci non postulabimus: si verè fideles & generosi simus, si Ecclesiæ ac Regis nostri utilitatem, perinde ac nostram æstimeamus. Majores nostri toto ferè ætatis suæ tempore incensâ & vastatâ

vastatâ Flandriâ, Brabantîâ corruptâ, fortunis everfis, agris  
 cruore non cultu pinguibus, ferre potuerunt : nos integrâ  
 Flandriâ, & pænè totâ Brabantîâ, non est quod ex aquilis  
 narijâ imbelles columbæ videamur, fortunæ nostræ cala-  
 mitatem Regiæ fortunæ & dignitati præferentes. Ruinam,  
 quam instare fingis, avertet Deus. Speremus in Deo, & ipse  
 faciet, & educet quasi lumen justitiam Regis, Rex igitur non parcat  
 Hollandis, ut nobis videatur ignoscere.

P. V. T. E. A. N. V. S.

*A culpâ jam longinquiores, quamvis hostes, & majori impetu  
 agent. Nam auctores belli, vel bello extincti sunt, vel suo vivere fato  
 desierunt : reliqui, tanquam in armis & libertate nati, causam ad se  
 derivatam bello tutati sunt.*

P. O. L. I. T. I. C. O. C. A. T. H. O. L. I. C. V. S.

Gaudeant Hollandi, quia perire non possunt, qui tam  
 fortem ac diserrum Patronum & Advocatum repererunt.  
 Ita enim, Puteane, causam Baravorum agis : quasi si eorum  
 patrocinium suscepisses ? Vno verbo his satisfaciam. Bona à  
 mortuis parentibus legata, quæ vel aliena, vel fœnerando  
 malè parata esse cognoscunt, servare actives non possunt  
 filii : sed illos restitutionis lex obligat. Ita clamat natura, si-  
 mulque jura omnia. Sciunt Baravi, qui jam vivunt, hæredi-  
 tatem esse Philippi Regis Hispaniæ, a majoribus suis injustè  
 occupatam : quin restituant ? Legitimum Principem habe-  
 bamus & Clementissimum : quin reddiderunt ? Velamen-  
 non habent, nisi libertatis nomen : cum tamen jam intro-  
 ductam tyannidem apud se videant.

P. V. T. E. A. N. V. S.

*Ne caderent, omnium fere Principum & Rerumpublicarum viri-  
 bus pugnantur hætenus, & adhuc pugnant. Dixerim, amplius in  
 Regem nostrum, qui dederunt auxilia, quam qui acceperunt, peccasse ;  
 qui instigarunt, quam qui irruerunt : quippe unde vires, victoria ve-  
 nit : sed qui sortes fratres, viribus usi sunt.*

P. O. L. I. T. I. C. O. C. A. T. H. O. L. I. C. V. S.

Multitudo juvenium, criminis gravitatem non minuit.  
 Pecca.

Peccarunt Franci, Veneti, & alii: non minus peccarunt Batavi (quos malè fortes vocas) qui usi fuerunt. Si cui vitam contempnissimè, egòne libet, quia alii mihi gladium subministrassent? Alienum possideò, alii consulunt ut non restituam: simul cum illis pecco, cum illis pœnas mereor, nulla jura remissionem mihi idèò dandam esse pronuntiant.

P V T E A N V S.

*Quid igitur? Restituis*

Quæritur belli exitus  
Quàm causa.

POLITICO-CATHOLICVS.

Hæc verba sunt injustissimi Lyci apud Senecam in Hercule furente act. 2. Eadem verba usurpare non potest, nisi qui injustissimus videri cupit. Quis tam memoræ mentis, tam parum amans æquitatis, qui causam belli non quærat? Causam belli justissimam Rex habet, ut sæpè diximus: speremus aliquando belli exitum adfuturum. Ita nos monet Lucanus lib. 7.

*Causa jubet melior Superos sperare secundos.*

Speremus igitur Deum nobis adfuturum; Batavi justæ negantes, semel nobis date cogentur omnia, cum Deus volet. Dicamus cum eodem Lucano lib. 1.

*Viribus utendum est, quas fecimus: arma tenenti*

*Omnia dat, qui justæ negat, nec Numina desunt.*

P V T E A N V S.

*Non jam quomodo hostes facti, ponderandum est; sed quomodo amici possint fieri, & in auxilium societatemq; assumi.*

POLITICO-CATHOLICVS.

Quamdiu hæretici sunt, nec reddunt Regi, quæ sunt Regis, semper hostes sunt. Hæreticos autem numquam amicos habebit Rex, nec in auxilium societatemque assumet. Vis ut Reges Franciæ imiteretur? ut cum hæreticis fœdera ineat? Rex Josaphat cum Achabo Rege Israël impiissimo societatem iniecit. Hunc redeuntem ex bello, quod contra Syrios gesserat, sic Iehu Propheta fuit allocutus: *Hic qui oderunt*

*Domi.*



*Dominum, amicitia jungere; ideo iram Domini merebatur.* Paralip. 2. cap. 29. Hanc iram Dei contempsisse videntur Gallie Reges, qui cum immanissimo Christianorum tyranno, Turca scilicet, foedus foedissimum fecerunt, & etiamnum servant. Posteris pessimum exemplum dedit Franciscus I. qui adversus Carolum V. Imperatorem Solymannum concitavit, à quo Barbatussa cum classe missus; equi Hetruriae ora vastata, & Hispaniis infestatis, Aenaria & Lipara afflicta, Constantinopolim rediit, Christianorum spoliis onustus. Carolus IX. foedus non sine dedecore à Francisco I. idum, cum Solymanno, qui Melitam magno navali paratu obsederat, renovavit. Quod Caroli IX. foedus plurimum Pius V. Pontifex, divinae sapientiae & miraculorum gloria insignis, imptobavit, & *Francia labem* appellavit, ut refert Franciscus Longus Carriolanus in Breviat. Chronolog. anno Christi 1571. Vnde plurimi notarunt Reges Galliae à Francisco Primo, qui primus cum Turcis se turpissimo foedere obstrinxit, usque ad Henricum IV. infelices exitus habuisse, oculo Divinae Providentiae calculo potius, quam humani consilii ratione expendendos, ut ait Maximilianus Vrientius, qui in fara posteriorum Galliae Regum sic ludit.

*Adspicite o Belgae Gallorum funera Regum,*

*Lavaq. Valesia pendite fata Domus.*

† I. *Ille potens sceptri † FRANCISCVS, fœderis auctor*  
*Cum Mahumetigenis vincula captus adit.*

*Agmene liligero Ticini ad flumina fuso,*  
*Obside vix gemino liber & are gravi.*

† II. *Filius † HENRICVS magno certamine victus,*  
*Acciso regni flore opibusq. virum;*  
*Dum pacem & tadas celebrat; simulacraq. belli*  
*Ludit eques, tragicâ morte cruentat humum.*

† II. *Aure male infectâ, viridi † FRANCISCVS in avo,*  
*Nil nisi flos regni Solstitialis obit.*

† IX. *CAROLVS à tristi lanienâ & strage suorum*  
*Invidia & lethi nigra venena bibit.*

† III. *HENRICVS Scythico procul accersitus ab axe  
Post Guisias cades casus & ipse perit.*

† Frater  
ALENCONIVS  
Belgis eiectus, inanem  
Spem Regni, & vitium clausit in Arcē brevi-  
Dux.

† Frater ALENCONIVS Belgis eiectus, inanem  
Spem Regni, & vitium clausit in Arcē brevi-

*Vltima stirps gentis Regi despecta marito  
MARGARIS in sterili sola relicta gemit.*

*Hæc tanta fortuna domus, hunc Gallica fructum  
Lilia Taurarum fœdere nixa metunt.*

† Henricus IV.

† Successor Regni † BORBONIT'S, impiger heros,  
Cui tulerunt nullum sacula multa parem;

*Christinegâ cum gente pari devinctus habendâ,  
Morte pari Paradis casus in urbe cadit.*

*Talibus exemplis qui sceptrâ tenetis in Orbe,  
Discite supremi sceptrâ timere Dei.*

*Omne sub regno graviore regnum.*

Quinimò ab anno 1579. Genevæ patrociniū suscepērunt, licet jam pridem Christianissimi appellationem obtinuerint. Rex Christianissimus etiā hodiē Genevā, Academiam impietatis, Cathedralē pestilentie, Calvinī propugnaculum, omnis nequitie officinā, Universitatē iniquitatis, in suā clientelā admittit. Quid Gallorum fœdus cum Hollandis, Protestantibus, Suedis contactum referam? Nullus enim ab hoc Ludovico XIII. idum fœdus cum Gustavo Suecorum Rege infensissimo Catholici nominis hoste ignorat: cuius mortem tanquam piissimi hominis & bono publico nati deplorasse testatur hoc Chronographicon, quod annum mortis Gustavi sic describit:

*gaLLO CongeMſCente oCCVbVIt sVcCVs reX.*

O pudor! Reges Gallie Christianissimos, Rex Hispanie Catholicus hæctenus imitari noluit. Indias habet, numquam hæreticorum auxilio usus est. Italie partem & tot Regna possidet? Bono jure & Dei auxilio possidet. In suo Regno, nec Iudæos, nec Mauros, sicut nec ullam prorsus hæreticorum Sectam, ut Rex Francie, pati potest. Non decet Regem verè  
um ab hæreticorum, sed Dei auxilio pendere. Quod Regi  
Hispanie

Hispaniæ suades, olim fortiter dissuasit Fulco Rhemenſis Archiepiſcopus Carolo Simplici, qui de Northmannis nondum Chriſtianiſ ſibi fœderandis cogitabat. Eum igitur hic Præſul lic per litteras admonuit. *Quis, qui vobis, ſicut oportet, fidelis eſt, non expaveſcat, vos inimicorum Dei amicitiâ velle, & in cladem ac ruinam Chriſtiani nominis pagana arma & fœdera deſeſtanda ſuſcipere? Nam ſi, ut ait Apoſtolus, bonos mores colloquia mala corrumpunt: quânto magis corrumpitur caſtitas anima Chriſtiana, ex inimicorum conſiliis & ſocietate? Neque enim poteris non imitari, quod aſſiduè videris, quin potiùs aſſueſcet paulatim, & quaſi vineulo mala conſuetudinis trahetur ad facinus. Et infrâ. Vos Deum relinquitis: dicam certè licet nolums, quia Deum relinquitis, cum vos ejus hoſtibus ſociatiſ. Et iterum infrâ. Melius fuerat vos non naſci, quàm diabolipatrocinio velle regnare, & illos juvare, quos deberetis per omnia inſuſtinere. Sciaſi enim, quia ſi hoc feceritis, & talibus conſiliis acque verſatiſ, nunquam me fidelem habebitiſ; ſed & quos, utcumque potuero, à veſtrâ fidelitate revocabo; & cum omnibus Coepiſcopis meiſ, vos & omnes veſtros excommunicanti aeterno anathemate, condemnabo. Pro fidelitate, quam vobis ſervo, hæc gemebundus ſcribo: quoniam vos cupio ſecundum Deum, & ſecundum ſaculum ſemper eſſe honoratum; & non Sathana, ſed Dei adjutorio ad debitum vobis conſcendere regni faſtigium. Regnum enim, quod Deus dat, firmum habet fundamentum. Vide Flodoardum lib. 4. cap. 5. O admirandam Fulconis conſtantiâ, ac libertatem! Et tu Regi ſuades, ut Hollandos Northmannis atrociores, Atheos, hoſtes Eccleſiæ Catholiçæ, amicos ſibi faciat in auxilium & ſocietatem aſſumat? Qua participatio juſtitia cum iniquitate? aut qua ſocietas lucis ad tenebras? quæ conventio Chriſti ad Belial? ita Apoſtolus 2. Cor. 6.*

P V T E A N V S.

*Ad Inducias, vel ſi non ſuſpendere modò bellum; ſed extinguere placeat, ad ipſam Pacem accedunt, firmiori fide ſe juncturi Regi, quàm robore obſtiterunt. An invicti ſint, fortunâ diſputet; ſed agnoſcunt ſe*

*se vinci posse, quia dexteræ etiam armatas concordia porrigit.*

POLITICO-CATHOLICVS.

Suspendi bellum nequit, nisi iniquis conditionibus nos submitamus: nec bellum extinguere, nisi Rex Bataviam ipsis liberè possidendam celinquat. Quæ duo non admitti modò, sed nec cogitari possunt. Eos autem firmiori fide se juncturos Regi, quàm robore obstiterunt, planè ridiculum est. Quomodò perduelles fidem firmam conservabunt? Qui hætenus tot bella gesserunt, solo Hispanici nominis odio, tot calamitatibus afflicti, tot vectigalibus oppressi, metcimonis impeditis: jam liberi & domini, Regem Hispaniæ amabunt? Qui hæteses adhuc in sinu suo fovebunt: Catholiciæ Religionis summum propugnatorem sequentur? Qui Turcis, Gallis, Venetis, Suecis, Protestantibus, aliisque suæ reformatæ religionis Athlantibus fidem addixerunt: iis adversus Austriacos, qui adversus tartareas hæreticorum cohortes constantissimè potentem fidei clypeum semper attollunt, auxilia petentibus denegabunt? Qui tot Provincias in suâ potestate continebunt: non de propagando suo imperio cogitabunt, & larvâ pacis depositâ, non se apertos hostes Regis profitebuntur? Pueris, pueris hæ nukes. Nec bellum suspendamus, nec extinguamus: eos invictos non esse, ostēdet Deus & bona causa, non cæca illa fortuna, quæ nimis in Litteratorum ore versatur. Quamquam quid ipsos invictos cogitamus: cum ipsorum vitibus non sit tribuendum, quod hætenus victi non sint? *Agnoscent, inquis, se vinci posse, quia dexteræ etiam armatas concordia porrigit.* Et ipsos vinci posse, etiam nobis notum est: id eòque non nisi ad concordiam justis sanctisque conditionibus firmatam, veniemus.

PYTEANVS.

*Rex autē Majestatem suam magis benignâ Pace, quàm cruento bello vindicabit. Pyrrhus, ille Epirotarum Rex, generosus hic fuit, qui Ennii ore regalem sanè, & dignam AEacidarum genere sententiam protulit:*

Quorum

Quorum virtuti belli fortuna pepercit,  
Eorundem me libertati parcere certum est.

Dono ducite, doque volentibus cum magnis Dīs.

*Tantum uni concessum populo, quem fortem ac timendum rebus etiam adversis, virum militariū fecerat. Concessum à Pyrrho, bellatorum maximo, & Epiri, Thessalia, Macedonia viribus, Campania, Apulia, Lucania subsidia pugnante. Illius quoque invictos Romanorum animos mirati, Floro referente, vox fuit: O quam facile erat, Orbis Imperium occupare, aut mihi Romanis militibus, aut me Rege Romanis! Sed profectò toto quamvis Marte subnixus, & novus Alexander habitus, imò Aquila nominatus, non potuit tamen, quia Pace caruit, Magnus esse, victus & fugatus ab iis, quos vicerat, excedere Italiam cum reliquis copiarum coactus est.*

### POLITICO-CATHOLICVS.

Plures fuere & Reges & fortissimi Duces, qui adversus Romanos pugnarunt: & victi sunt. Nimirum è Græciâ Imperium ad Romanos transferre statuerat Deus, ut Danielis oracula præsignificaverant: ideoq; has victorias ex Regibus fortissimis Romani (quorum morales virtutes Imperio compensare Deus volebar, ut ait Augustinus) reportarunt. Sed nã ludum facis: qui quasi Batavorum amore ebrius, eos Romanis comparas; Hispaniæ Regem (qui ex tuâ sententiâ est ubique potens, qui Orientis & Occidētis terminos circumduci gloriâ tenet) Pyrrho confers, qui solius Epiri Rex erat: cui procul à Patriâ pugnanti, Rex Antigonus militum supplementum negabat, quem non solum Romani, sed etiam Carthaginenses infestabant. Nondum Rex Hispaniæ, ut Pyrrhus, ad libertatem Batavis dandam, se coactus videt. Nondum

*Horum perfidia Deus & bona causa pepercit.*

*Huic ideo libertati non parcere certum est.*

*Nec das, nec donat, Magno nolente Tonante.*

Non ut Pyrrhus, solâ ambitione & Imperii cupiditate pugnat: sed ad bellum iusta causa promovit. Impiæ huic libertati non parceret, numquam dabit & donabit hæreticis quietem,

tem, suamque hereditatem, numquam cum his pacem inveniet. Non vult enim hoc Magnus Deus, & recusat fervida pietas; quâ Catholicam Religionem Hispani & propagant, & defendunt. Denique Rex, ut Pyrrhus, non desit, quia pacem caruit, Magnus esse; nec eum Batavorum arma è Belgio cogent excedere.

LITTERA K. PUTEANI.

Huc redeo, & prorsus aequum censeo, universa, quam vis diffecta, habendam esse rationem Belgicae; ne membri culpam reliquum cogatur corpus luere, & una Provincia omnes causas immeritò obruat. Perverso una aut altera consilio, quasi furore, iram Regis & bellum provocavit; plures gratiam obsequio, pacem fide promeriti, integram ad se benevolentiam trahunt. Qui peccant & non peccant, homines sunt. Non quos possis perdere Rex Magne, sed quos servare debeas, expendes, & aliquos sine non tuos esse, ut plures habeas; Pacem non tuis daturus, salutem tuis, nullo quidem victoria premio, magno gloria, quod luculentissimum ab utrisque auferes. Vincere paucos possis, qui multos regis; sed parere simul alicui omnibus, longè major eris. Bellorum egregii fines, ut cum Tacito dicam, quoties ignoscendo transigunt. Tam tui, quam non tui, tui sunt: alios imperio, alios titulo complecteris. Belgae sunt, ut scias tuos esse: & Belgarum manes Princeps, bello an pacis avaris, ubique potens, qui Orientis & Occidentis terminos circumducat, & gloriâ tenes; alibi dominus, hic pater; alibi sceptrum, hic affectum imperas. Nimirum alia Belgarum, alia aliorum conditio est. Apud Belgas, ubi minus servitutis, plus obsequii est: alibi libertas ferociores reddit. Hinc etiam facilius duci ingenia Belgarum quæunt, aliorum cogi, & sequuntur facilius, servile putant, cogi. Infelix sanè, & miserandum bellum est, quo plus Amicis, quam hostibus nocetur: ut non vincere hostes melius putem, quam Amicos perdere: servare Amicos, ne vel hostes simi. An Cothurnus Oclaviae fallit?

NERO. Extinguere hostem, maxima est virtus ducis.

SENECA. Servare cives, major est patria patri.

Altera Neronis in Tragicâ secunda vox est, & hoc satis, ut serva & iniqua sis; altera Seneca, & quid nisi ipsius Sapientiæ oraculo formata?

Respon-

RESPONSIO POLITICO-CATHOLICI ad Litteram  
K. Purciani.

P V T E A N V S.

*Aliquos fines (Rex Magne) non tuos esse, ut plures habeas.*

P O L I T I C O - C A T H O L I C V S.

Quid si ineret Rex Batavos non esse suos? Quid aliud suades, quàm ut Batavis cedat, & concedat Hollandiam? Nimirum tunc plures haberet. Imò plures amitteret: quia aliæ forrassis Provinciæ, cùm viderēt Batavos libertatem illam imaginariam sibi bello asseruisse, in eandem spem se duci permitterent. Clandius Civilis Batavorum Dux, adversus Romanos bellum movebat. Missus est ad eum Alpinus Montanus cum mandatis, ut à bello abstineret. Sed Civilis omnibus modis egit, ut Montanum in suas partes traheret. Ejus verba hæc sunt apud Cornel. Tacitum: *En ego Præfectus unius cohortis & Caninefates, Batavique, exigua Galliarum portio, vana illa castrorum spatia excidimus. Quæ verba non parvam difficultatem involventia, ex eo quòd videantur significare Bataviam esse Gallis adnumerandam; Adrianus Iunius Hotmanus Medicus in suâ Batavicâ historiâ cap. 4. sic explicavit. Istic primâ fronte opinetur aliquis exiguam Galliarum portionem Batavos dici, quòd inter Gallias numeranda veniat Batavia, quum nihil istiusmodi sit. Sed cùm Civilis odoraretur ingenium Montani ad novandas res paratum, suisq; conatibus peraccommodum, quò illum in suas partes astraheret, qui in Gallis plurimum auctoritate valebat, hoc argumenti ariese conentere voluit. Si ego cohortis unius Præfectus cum Batavis & Caninefatibus, qui respectu totius Gallie vix millesima ejus pars sumus, Romanos fudimus vicinissq; quid futurum, si Gallie, excusso jugo, socias vires conjurgent, & communibus armis hostem communem, impesant? Nisi quis forè eò tendisse horum verborum scopum autumat, quòd Batavos Gallie portionem vocet, ut facilis defectionis necessitatem illi persuaderet, qua*

*qua gentem communem citius ad arma commoveret capienda, quam peregrinam & alienam. Ecce Civilis, quia Batavia defecerat, exigua Romani Imperii portio, Gallias ad defectionem hoc exemplo sollicitabat: & hæc repestite non poterit esse eadem Batavia exemplo, ut aliquæ Hispanici imperii Provinciæ ad defectionem moveantur? Nam Civilem suum imitari possent Batavi, aliosque hoc eodem argumento inflammare. Si nos Batavi, qui respectu totius Hispanici imperii millesima ejus pars sumus, tamdiu rebellionem nostram sustinuimus: quid futurum, si aliæ Provinciæ socias vires conjungerent, & communibus armis Hispanos impeterent? Rex igitur rebelles hos compeecat, ne pessimæ rei exemplum der Italis, Siculis, Atagoniis, Lusitaniis, & cæteris à quibus colitur.*

#### PVTEANVS.

*Pacem non tuis daturus, salutem tuis, nullo quidem victoriæ præmio, magno gloriæ, quod luculentissimum ab utrisque auferes.*

#### POLITICO-CATHOLICVS.

Notet lector diligenter hæc verba. Sensus est. Si des pacem non tuis, id est, Hollandis: si des salutem tuis, id est, Brabantis, Flandris, Arthesiis, Hannoniis, Luxemburgiis, & cæteris qui supersunt, tunc quidem nullam victoriam habebis, sed magnam gloriam & luculentissimam referes. Quod stultius consilium dari posset? Enimverò nullum victoriæ præmium proponit, sed solam gloriam. Ar quam gloriam Rex referet, si Hollandos sinat non esse suos, iisque pacem tribuat? Referet potius dedecus sempiternum, suam purpuram perpetuæ infamiae maculâ deuigrabit: quia paucarum provinciarum viribus, Potentissimus Orbis Monarcha inferior fuisse videbitur, quia hæreses toleravit, quia pacem victus sordidâ necessitate concesserit. Quid? Regum Hispaniæ, opulentissimum tot Regnorum Regem, solis Hollandis cedere debuisse? ab iis victum, & suam hæreditatem dare Rebellibus coactum? Ridetet orbis totus, Regnorum suorum rebelliones novas quotidie videret, ac novos hostes.

Nullus



Nullus enim Hispanos, quos hæcenus invictos ceciderunt, bello aggredi, & ex iis victoriam refectæ desperaret, qui paucas insulas ad officium reducere non potuissent. Postremò, quæ gloria Regi nostro accederet, si à bello desisteret? *Pudendum* (inquit Onofandæ auctor Græcus Philosophus Platonicius in Strategico cap. 4.) *ac periculosum est, bellicos excitasse tumultus, & veluti mare terramq; præliis miscere voluisse, deinde turpiter incæptis desistere, proramq; obvertere. Etenim unusquisque supinam huiusmodi amentiam deridet, imbellemq; audaciam ludos facit.* Hæc ille.

P V T E A N V S.

*Tincere paucos possis, qui multos regis: sed parcere si malueris omnibus, longè major eris.* Bellorum egregii fines, ut cum Tacito dicam, quorics ignoscendo transigitur.

P O L I T I C O - C A T H O L I C V S.

Cut autè fortunæ disputandum reliquisti, an invicti essent: quandoquidem Regem nostrum, qui multos regit, paucos vincere posse fateatis? Mutas pellem, sæpè tibi dissimilis. Præterea multum Hollandis pepercit, magnamq; clementiam ostendit: si illis supplicibus & paratis impetrata facere, remittat pertinaciam & rebellionem, quæ tantum constiterit. Sed quamdiu bello infesti sunt, veniunt sunt indignis illis Rex parcere & cum illis ignoscendo transigere non potest, quia rebelles persistunt, quia Regium Patrimonium sine jure occupant, & hæresibus inficiunt.

P V T E A N V S.

*Tam tui, quam non tui, tui sunt: alios imperio, alios titulo complecteris. Belga sunt, ut scias tuos esse: & Belgarum manes Princeps, bello an pace ataris, ubique potens, qui Orientis & Occidentis terminos circumductâ gloriâ tenes.*

P O L I T I C O - C A T H O L I C V S.

Belgium univèrsùm non solum titulo, sed etiam imperio complecti desiderat. Desiderium hoc justum est, quia jura exigunt, sanum, quia potest. Belgarum quidem manet Princeps, bello an pace uratur: sed omnium Belgarum Princeps

libertas apud Belgas desiderari potest? Nos Catholici Regē amamus, & ex eo non nisi clementiā experimur: Albertum, Belgii nostri delictum, amavimus dum viveret, ejusque jucundissima nobis est recordatio; Isabellæ Clatæ Eugeniz (nam *multerem fortem* ex voto Salomonis invenimus; & in eā justitiæ, misericordiæ, ingenii, prudentiæ circumspectissime, pietatis admitandæ, universas dotes repetimus) æternitatē annorum optamus. Cur Batavi, tam suave impetium aspernantur? An Batavi Belgarum optimi, an deterrimi? Sceletaris illis & rebellibus filiis, à Rege hæc perniciosissima libertas est adimēda, si verè sit pater. Quòd bello jam cogantur; non Regiæ severitati (quā sæpè etiā uti debent boni patres) sed rebellium pertinaciæ referendum, qui legitimū Regem nolunt agnoscere, ut nempe ipsi impetent; eorum stultitiæ tribuendū, qui ne uni serviant, pluribus servire non renuunt.

P V T E A N V S,

*Infelix sande, & miserandum bellum est, quo plus Amicis, quàm hostibus nocetur: ut non vincere hostes melius patem, quàm Amicos perdere: servare Amicos, ne vel hostes sint. An Cothurnus Othavia fallit?*

NERO. Extinguere hostem, maxima est virtus ducis.

SENECA. Servare cives, major est patriæ patri.

*Altera Neronis in Tragicâ scenâ vox est, & hoc satis, ut serva & iniqua sit; altera Seneca, & quid nisi ipsius Sapientiæ oraculo formata?*

P O L I T I C O - C A T H O L I C V S.

Hactenus multis honorum titulis bellum nostrum affecti. Nam præterquàm quod bellum *pestimum*, bellum belli causâ gestum, longum, seivum, indomitum, incendium, ac diluvium, seivam tempestatem, eruentum appellaveris: jam *infelix & miserandum* vocas, quo plus amicis nocetur quàm hostibus; & quo amici perduntur, non vincuntur hostes. Ego verò proditores accusare malo, authores hujus belli infelicis & miserandi. Nam plus amici amicis nocuerunt, quàm hostes; amici amicos nostros perdiderunt, nō hostes nostri vicerunt. Si Patria quisdā calamitates passa sit, majores Hollādī patiuntur. Vicerunt urbes? Plus victoria nocuit, quā profuit, multi profusi milliones;

populus majoribus semper tributis oppressus, & qui libertatem jactant, suos tyrannide intolerandâ opprefferunt. Amicæ urbes sunt perditæ, vel tradidit, vel viam aperuit Bergius: à quo fortiter servandas credebat Rex Patriæ Pater. Ceterum, ut nos fervet, bellum gerit: servate etiam hostes cupit, si patendo, salutem suam velint. Nihil in Rege nostro Neronianum, nullam sævam & iniquam vocem existimes.

# Littera L. PUTEANI.

*Rex pater est, Patria vulnera Regis sunt: non potest Patria fortuna à Rege separari. Hic sentit, quicquid illa malorum sustinet: idcirco enim pater est. Sentit Erario, nimis sumptibus debilitato; sentit nomine, sinistra belli samâ imminuto; sentit toto imperii corpore, quod à claudibus Belgicus quodammodo languens, tempestivo ostio ac fomento indiget. Tota quidem belli fortuna, nequid dissimulem, varia fuit: propria interdum & prospera, sed ut gravius premeret: & dejecti sapius hostes, ut à casu fortiores surgerent. Facilius enim frangi vires, quam animi patuerunt: qui quamdiu superstites erant, novum semper ad rebellandum adferebant robur. Adferent quoque, & novum semper à vicinis, ut dixi, Principibus derivabunt. Hi Hispana glorie ac nominis, fœdere amici, damno hostes, Batavorum manu & virtute infesti sunt: cauti callidique, in alieno bellum solo gerere, ut à suo excludant. Ergo plus simul omnes possunt loci fiducia, quam unus: & plus ab omnibus damni est, quam praesidi ab uno. Sed pudet effari: in spiritum hanc, imo puncto terra, Europa totius bellum est, & miramur durare posse? Non absimili quidem ratione (ut ad imaginem veniam) omnes in mare amnes influunt, & mare fiunt. Quis igitur natura modus, quæ artis industria, ingenii dexteritas tam vastum, & semper sibi simile elementum exhauriat? Claudantur fluviorum ostia, reprimantur aquarum subsidia, ut quod fieri non potest, fiat: id verò si mortalium conatus & cogitationes excedit, cum mari & Neptuno pax sit. Trahit ille quicquid ubique aquarum est, & tanquam moveat omnia, undis insurgit, turbinibus fremit, tempestatibus bacchatur: nullius jam litoris patiens, etiâ terra infestus est. Refert Naturalis Historia scriptor,*

Mare

Mare omne oleo tranquillari. Et ob id urinantes ore spargere; quoniam mitiget naturam asperam, lucemque deportet. Ex oleo oleum; illius enim saccus est. Olea mississima Palladis & arbor & fructus est; Pacemque notat, sed bello meliorem esse. Cedat rursus Neptunus Dea, quae Athenis nomen dedit: cedat unda olea, arbori mare. Oleo opus, Pace, vel Inducijs opus, ut sedent & subsidant fluctus nostri, sternatur mare, nulloque infame naufragio securas merces in quamcumque Orbis partem transmittas. Prorsus componendi nimium jam diuturni huiusmodi sunt, ne in graviora tandem mala, & quod Deus avertat, totius ruinae magnitudinis trahentia, erumpant. Componendi, inquam, at reliqua aliquando Europa, quae hinc turbatur, Iani velut clauso limine, conquiescat. Nostra tranquillitas omnium felicitas erit; Pax nostra, Regis securitas. Gloriosum assimari debet, quod tutissimum est: tutissimum autem non pugnare.

Responsio POLITICO-CATHOLICI ad Litteram.  
L. Putcani.

PUTEANVS.

Rex pater est, Patria vulnera Regis sunt: non potest Patrie fortuna à Rege separari. Hic sentit, quicquid illa malorum sustinet: idem enim pater est. Sentit Aerario, nimis sumptibus debilitato; sentit nomine, sinistra belli famam imminuto; sentit toto imperii corpore, quod à cladibus Belgicus quodammodo languens, tempestivo otio ac fomento indiget.

POLITICO-CATHOLICVS.

Hic tacite Regem inertiae accusas, quod nec Patriae, nec suis vulneribus medeatur. Nam quis non, qui sua sentit vulnera, statim in delam adferat? Regem autem, & sua & Patriae vulnera sentire asseris, aerario nimis sumptibus debilitato; nomine, sinistra belli famam imminuto; toto imperii corpore, quod à cladibus quodammodo languet. Sed quomodo aerarium nimis sumptibus debilitatum dicis; cum prius, illud exhaustum dixeris? Nomen Regis, non est sinistra belli famam imminutum: nam si in solos Hollandos pugnasset ha-

Atque, turpe id quidem foret, eos nondum victos esse. Regis Franciæ nomen imminutum dicas, qui hæreticos, & Regi suo legitimo rebelles, multis milium millibus, multis auti millionibus, & jam non ita pridem datis 500. aureorum millibus, & recenter promissis quatuor millionibus iuvare non cessat. Nec languet totum Impetii corpus, ob unam Baraviā: flotent enim amplissima Regna, in immensum diffusa, quæ nec otia, neque fomentum postulant, sed bellum quoddam totâ virium contentione moveatur, ut valido impetu, terrestri navaliq; bello, hostes semel oppugnentur. Fave Rex his votis: & vicisti.

PYTEANVS.

*Tota quidem belli fortuna, nequid dissimilem, varia fuit: propitia interdum & prospera, sed ut gravius premeret: & defectis apius hostes, ut à casu fortiores surgerent. Facilius enim frangi vires, quam animi potuerunt: qui quamdiu superstites erant, novum semper ad rebellandum adferebant robur.*

POLITICO-CATHOLICVS.

Ita belli fortuna propitia fuit, sub præclarissimo Duce Spinolâ, ut semper plura perdidierint. Sub Bergio nequissimo proditore (quem in Vigiliâ S. Ioannis Baptistæ Statibus Hollandicis fidelitatem jurasse audivimus, suamq; operam in Geldriâ expugnandâ promississe) perditæ sunt, quæcumque perditæ lugemus; securasq; victorias, Autiacus ipsi acceptas referre debet. Cæterum hæc tua oratio, non nisi hostium pertinaciam exaggerat: quæ nos inflammare debet, ut, licet vires nostræ frangerentur, nostri quoque non frangantur animi, bonâ causâ freti, sed potius exciteptur; ut quamdiu superstites sumus, novum semper adversus rebelles tobut adferamus.

PYTEANVS.

*Adferent quoque, & novum semper à vicinis, ut dixi, Principibus derivabunt. Hi Hispani gloria ac nemini, fœdere amici, damno hostes, Batavorum manu & virtute infesti sunt: cuncti callidè, in alieno bellum solum gerere, ut à suo excludant. Ergo plus simul omnes possunt*  
*loci*

*loci fiducia, quam unus: & plus ab omnibus damni est, quam presidii ab uno.*

POLITICO-CATHOLICVS.

Quis non in animo tuo venenum latere suspicetur? Principes, qui adversus Regem Hispaniæ Baravorum manu pugnant, non modò non aliquo verbo reprehendis: sed eos à prudentiâ laudas, eos cautos & callidos appellans, quòd in alieno solo bellum gerant, ut à suo excludant. Impiam, & ex Machiavelli, diabolici professoris, Cathedrâ depromptam sequuntur sententiam illi Principes: apud quos Ratio status, figmentum illud Luciferi, plus valet quàm Deus, quàm bona conscientia. Fidem jurant & non servant, tanquam securi, si apertè non frangant; si non suâ, sed alienâ manu pugnèt. Christiani sunt, quinimò se Christianissimos esse gloriantur; & hæresis pactocinium suscipiunt: quasi Ratio status excuset, si leges divinæ & humanæ frangantur; quasi Christianissimi, qui Idolum Status Deo præferunt; & qui (an dicam?) Atheos aut hæreticos se quidem & voce & veste negant, factis autem se tales ostēdunt. Errahetur aliquando hæc larva status, ejus turpitude revelabitur, & castigata ridebitur. Væ qui arundineo, humanæ & Machiavellisticæ prudentiæ, & impiæ astutiæ & calliditatis baculo nituntur; qui justitiæ lance eripiunt, & eam pro suo arbitrio ipsi libant; qui ipsammet divinam Providentiam giganteo saltu, veluti cæcam ducere, & regere amentes & cæci volunt. Vbi tuum, Ludovice, IUSTI cognomen? Quàm malè hæc porra (ô Deus!) sub tam malo CARDINE versatur! Rex Galliæ, cū Rege Catholico, pacem certis conditionibus constitutam; fide datâ, verbo, scripto, juramento cōfirmatam habet. Quia Rex Catholicus, ob pietatis studium, & Ecclesiæ amorem incomparabilem, à Deo prospero fortunæ cursu donatur; quia cœlesti favore, novas Provincias, & Regna, potentiam, & divitias acquirit; suadet Politicus Gallus, si Regnum, & se saluum velit, per se, vel alios omni modo labore, Hispani prosperitatem impedit. Quod futurum spondet, si novæ & potentes hostes

in

in eum exciter, si rebelles & hæreticos foveat, si cum Austriacæ familiæ hostibus, licet hæreticis, sædus ineat, si illis auxilla ferat. Intercæ Deus spernitur, rumpuntur pacis vincula, Religionis ejusdem professio, affinitas atque fraternitas. Urget Politicus Gallus stultum & simplicem esse, qui potentiori confidit, qui vicini Regis potentiam non timet. Sed hæc malefana consilia sunt abominationes ante Deum, qui charitatē fidemq; servari præcipit, dolum fugere, non hostiles animos sub osculo pacis gerere, veram doctrinā tuere & propagate, non hæreses etiā indirectē (effugium diabolicū) conservare & propugnare; non Regi suo legitimo rebelles, armis, pecuniā, auctoritate, consilio, hortatu ad se tuendos juvare. Sylvæducis in deditiōnem acceperunt Hollandi, Francis non solum auxiliantibus, sed ipsi: nec oppugnantibus: & statim pro Auriaci Principis equis non aliud stabulum repertum est, quàm primarium urbis Templum; disjectæ sunt Sanctorum imagines, polluta Altaria, Religiosi & Sacerdotes expulsi, & novissimè Episcopus fugam capere monitus, sacre Virgines ad sacrilegas nuptias sollicitatz, adolescentuli ad abjurandam fidem & Religionem Catholicam minis & verberibus compulsi. Et adhuc tamen Franci juvant Baravos, quos vident Catholicæ Religionis miserandam vastitatem inferre, non solum Sylvæducis, sed quocumque sua victricia arma proferunt. Quis non igitur adversus Francos justā indignatione moveatur? Laurentius Surius in Commentario brevi rerum in orbe gestarum, refert anno 1568. scriptam fuisse Constantinopoli epistolam, ubi fiebat mentio cujusdam non postremi Hugonotæ, expresso etiam ejus nomine, qui ex Gallis venerit Constantinopolim, ibiq; egebat cum supremo Bassa, homine astutissimo, de Hugonotis in Turcarum Imperatoris fidem & clientelam suscipiendis. Cum intellexisset Bassa Hugonotas adversus suum Regem Carolum rebellare, valde in hominem commorus est, responditque (Laurentii Surii verba subjiciam) per interpretem. *Hugonotas longe inferiores esse, quàm ut ad illorum amicitiam*

*iam sese demittat supremus Orbis Princeps: nec fidem haberi debere istis sociis, qui proprium etiam Regem proderent & impugnarent. Turcas solitos esse cum Imperatoribus, Regibus, & magnis Principibus agere, non cum perfidis servis & rebellibus subditis. Audiant Galliarum Reges ab uno Turcâ, Christianæ doctrinæ ignaro, homine barbaro, discant non fovere, & pecuniis juvare hæreticos, & Regi suo rebelles. Quod Turca noluit, id agent Christianissimi? Quidni dicant, ad hujus Bassæ exemplum, Hollandis auxilia petentibus, Hollandos hæreticos longè inferiores esse, quàm ut ad illorum amicitiam sese demittat Rex Christianissimus: nec fidem haberi debere istis sociis, qui proprium etiam Regem produnt & impugnant; deniq; Regem non cum perfidis servis & rebellibus subditis agere? Nunc verò hæreticos, rerum sacrarum contemptores, aviræ pietatis pestes, rebelles, totius Orbis procellas, Franci juvant. Quis hæc execranda fœdera æquo animo ferat? quis laudet? Nulli laudant, nisi malefani Politici, quibus Deus, & sacra omnia risui sunt; imò quibus nullus Deus, vel nullus nisi Chymerici Status Idolum: Resipisce Rex Ludovice, neque pravis consiliis acquiesce. Habes deinde aliquos, qui sub sanctitatis & religionis habitu, non solum in Franciâ, sed etiam Bruxellis cuncta perrurbare & seditionibus permiscere nituntur. Columbam illam, non cum Olivæ ramo missam, etsi FOLIORVM nomen præferat, citò in arcam suam revoca & claude. Audio & armorum apparatus in Galliâ non mediocrem instrui. An forsitan pro Hollandorum vel Proestantium patrocinio? Præstat, & valdè proficuum est, in regnandi jure (ut aureis Baronii ad annum 898. verbis utar) Religionis imprimis præ cunctis rationem habere, eamq; ceteris humanis, & quas suadet prudentia carnis, rationibus præferre, custodire, illibatamq; servare; & in Carolo Simplice, apud eundem, agnoscas exemplum. Ne diu hiæ hæream, omnes Principes, qui Hollandis auxilium in causâ iniquissimâ subministrant, qui Hispanæ gloriæ ac nomini invident, qui Hispanicam potentiam conantur evertere; cauti quidem callidique sunt, si mundi*



sapientiam spectemus: sed secundum Dei sapientiam planè stulti sunt, prudentiam non habent, quia tam præclara virtus cum vitiis conjungi nequit. Nec à suo solo semper bellum excludent: sed ita Regis iracundiam provocabunt, ut se in eos fir aliquando armaturus, & in eorum solum gravissimas calamitates immisurus, Deo auxiliante & simul vindicante, quem constat, *lentum quidem, sed certum vindicem generis humani esse, & magna exempla in caput invipientium regere, ut iustissimè patièdis vice, quod quisque alieno excogitavit supplicio, sæpè exspiat suo*, ut loquitur Seneca lib. 10. controverf. Fier illud, quando Rex noster Potentissimus omnes vires suas ad hoc unum bellum convertet. Tunc ostendet se unum plus posse, quàm simul omnes; à se uno plus præsidii esse, quàm ab omnibus damni; se nec Neptuni furentis rabiem timere, & quibusvis tempestatibus superiorem.

P V T E A N V S.

*Sed pudet effari: in spithamâ, imo puncto terra, Europa totius bellum est. & miramur durare posse? Non absimili quidem ratione (ut ad imaginem veniam) omnes in mare amnes instuunt, & mare fiunt. Quis igitur naturæ modus, quæ artis industria, ingenii dexteritas tam vastum, & semper sibi simile elementum exhauriat? Claudantur fluviorum ostia, reprimantur aquarum subsidia, ut quod fieri non potest, fiat: id verò si mortalium conatus & cogitationes excedit, cum mari & Neptuno pax sit. Trahit ille quicquid ubique aquarum est, & tanquam moveat omnia, undis insurgit, turbinibus fremit, tempestatibus vacchatur: nullius jam littoris patiens, etiam terra infestus est. Refere Naturalis Hystoria scriptor, Mare omne oleo tranquillari. Et ob id urinantes ore spargere, quoniam mitiger naturam asperam, lucemque deportet. Ex oleâ oleum: illi enim succus est. Olea mitissima Palladis & arbor & fructus est, Pacemq; notas, sed bello meliorem esse. Cedat rursum Neptunus Dea, quæ Athenis nomen dedit: cedat unda olea, arbori mare. Oleo opus, Pace vel Induciis opus, ut sedeant & subsidant sinûs nostri, sternatur mare, nulloq; infame naufragio, securæ merces in quocumque Orbis partem transmittat.*

Ne nimis imperirus esse, neque has perplexas ambages videar intellexisse; Lector, hoc filum Ariadnes accipe; & mecum sub hoc verborum labyrintho circuitu, dum se explicat & non explicat, dum ludit & eludit, sensum diligenter excute. Vult significare, finiri posse bellum, si pax fiat cum Neptuno & mari (quod inquit, claudi non potest à Rege Hispaniæ, tanquam si ejus conatus & cogitationes excederet) si oleum Pacis vel Induciarum in mare infundatur; si sternatur mare, nulloque infame naufragio, securas merces in quamcumque Orbis partem transmittat, id est, si in pacis vel induciarum tractatione Hollandis libera permittatur navigatio. Quem enim alium sensum eruas? Sed hanc non permittendam esse, ad litteram Q ostendam. Sufficit mihi, Lector, tibi hoc loco insidiosas verborum ambages detexisse. At, an oleo opus, Pace vel Inducis opus, ut sedent & subsidant fluctus nostri? Verum enim verò licet mare oleo tranquilletur, teste Plinio, oleum autem sit ex oleâ sive oliuâ, quæ pacis est symbolum; non tamen Pace (quam pertinaciter nostris negarunt Batavi) jam opus, non jam opus illo oleo, ut sedent & subsidant fluctus nostri. Rex, ut gratiam sibi pacem futuram demonstraret, è Belgici status sui arcu, tot tempestatibus agitata, viros Primarios, velut columbas emisit: sed tamen olivæ ab obstinatis & perduellibus referre non potuerunt. Quid testat, nisi ut Rex tam diu cum fluctibus generose luctetur: donec hujus belli (quod diluvium prius appellasti) procellas Deo, extinctis suis hostibus, componere placuerit? Sedabit aliquando misericordiæ suæ oleo hos fluctus, quos peccata Belgii, sæpius bellis & seditionibus in Veteri Testamento castigata, meruerunt. Quando hostium malitia suas patres egerit, Deus, cum acceperit tempus, aget suas. Ergone sic vivimus, quasi si Providentiæ ac Iustitiæ divinæ petiisset? A Deo, ad Regem, qui Dei imago est, transeamus. Quamvis heresis & ambiciosa invidia, velut infestæ lunones, has Regi nostro, velut pio Æneæ, tempestates moveant, variosque Principes ac Reges,

velut ventos, instigantes nempe, & ad hoc bellum nefarium propellentes, in Regis nostri perniciem armena; licet

*Vna Enrursq; Notusq; ruant, creberq; procellis*

*Gallicus, & vastos volvant ad sidera fluctus:*

Si classem Rex instituât (nec tamen terrâ hostes oppugnare destinat) faciliè ur altet Neptunus (nam Rex est maris Dominus; sicut in litterâ P. fateris) faciliè, inquam, coget Principum auxilia

*Maturare fugam, Galloq; hac dicere Regi:*

*Non illi imperium pelagi &c.*

Verùm, ut cum eodem Virgilio loquar lib. 6.

*Quis procul ille autem ramis insignis OLIVÆ?*

Te mihi alloqui liceat, Excellentissime Comes de OLIVARES, cujus consiliis tanquam Athlantæis humeris, tali OLIVÆ felix, recumbit Hispania. Belgium nostrum, Heros prudentissime, tot bellis concussum aspice. VNITATEM FORTEM, quam cognatus germanus tuus, Excellentissimus Marchio de LEGANES optimè disposuit, & Belgio nostro persuasit, tuo munere in praxim redigi videamus. Regem nostrum Maximum ad triumphales Lauros ex Fidei & Hispanorum hostibus capiendas invita: ut tandem sub Regio sceptro, viventibus pacificæ OLIVÆ ramis pulchrè intertexto, gaudeamus. Communem omnium tranquillitatem Tibi acceptam referent Belgicæ Provinciæ, & totus Hispanus Orbis. In nummo Severi Pii Aug. Togatum erat simulacrum cum OLIVÆ ramo, cujus inscriptio, *Fundatori Pacis*. Ira, utinam tua consilia Regem nostrum Togatum faciant, id est, fruentem pace; nam Toga apud Romanos olim pacis signum. Tunc Regi nostro, hanc inscriptionem in unâ nummi parte statuemus, *Fundatori Pacis*: in alterâ ejus parte, OLIVÆ ramum, ad memoriam nominis Tui sempiternam.

PYTEANVS.

*Prorsus componendi nimium jam diuturni hi tumultus sunt, ne in graviora tandem mala, & quod Deus avertat, totius ruina magnitudinis trahentia, erumpant. Componendi, inquam, ut reliqua aliquando*

*aliquando Europa, quæ hinc turbatur, Iani velut clauso limine, conquiescat. Nostra tranquillitas omnium felicitas erit; Pax nostra, Regis securitas. Gloriosum æstimari debet, quod tutissimum est: tutissimum autem non pugnare.*

POLITICO-CATHOLICVS.

• Bellum prosequendum est, sed ita ut maioribus viribus agatur: tunc facile hi diurni bellorum tumultus compescuntur. Graviora mala, & quæ torius ruinam magnitudinis trahent, sequentur, si bellum omittamus. Tota Europa turbabitur: quippe tunc Francus & Batavi, totam belli molem adversus Austriacam familiam convertent. Quæ extincta, quid reliquum erit, nisi, ut Hispanicam potentiam, quæ Austriacos etiam illustrat, labefactare & pessumdare contendant? Quapropter, si magno cum animo & pondere, bello acerrimo petantur in unâ Bataviâ Francus, Rebelles, Hispanæ gloriæ ac nominis invidi, fœdere amici, damno hostes: nonne Rex deletâ plurimorum suorum hostium virtute, nobis tranquillitatem, sibi quæ securitatem dabit? Nonne, si devictâ Bataviâ, adversus Cæsaris hostes possit pergere, omnes tumultus componentur, & reliquæ Europa, quæ hinc turbatur, Iani velut clauso limine conquiescet? Vincit autem à Rege Batavos posse, facillimum est, si Rex (ut dixi) in illos totam suam potentiam vertat. Pugnandum ergo. Gloriosum æstimari debet, quod tutissimum est: tutissimum autem pugnare est. Nam in tuto non erit Cæsar, neque Rex. Non Cæsar, quia bellum cum cæteris Cæsari movebunt. Non Rex, quia per Indicas navigationes, quas ipsis concedi vult Putcanus, divitias acquirant ac vires, si securas merces in quamcumque Orbis parrem transmittant: & sic denuò ex minimâ scintillâ ruptâ pace, gravius bellum excitabunt, quando è Belgio miles abiecerit.

Littera M. PVTREANI.

*Vt hætenus quidem longâ mutuâq; bellum clade ductum est, utra victoria, an victi partes sint, dubiâ adhuc lance pendet. Caca fortuna*

est, qua, cum favet, cecos reddit. Sed prosperis rebus se non exoculari hostes ostendunt; ad pacem & concordiam faciles, postquam felicia recentior arma experti sunt. Atque hoc est vincere, modum felicitati ponere, & suspectum habere, quicquid ab eventu pendet. Frangi vires sciunt, cum extendi incipiunt: non maxima acquirere, sed moderata regere, tutissimum esse: ne plura (quod avidorum est) capiant quam contineant. Bono sic quidem ad consilium exempla praeunt, concordiam finire bellum parati, postquam prosperè gesserunt. Non urbes, sed Provincia tota uno impetu, & una astate rapta sunt: & ecce, qui ad pleniorē etiam victoriam properant, conditiones amplectuntur. Nempe Induciarum avidi, pacisci, licet pugnent, cupiunt; terminare victoriam, ut atunina desinant.

Responsio POLITICO-CATHOLICI ad litteram.  
M. Pureani.

PUTEANVS.

Caca fortuna est, qua, cum favet, cecos reddit. Sed prosperis rebus se non exoculari hostes ostendunt; ad pacem & concordiam faciles, postquam felicia recentior arma experti sunt. Atque hoc est vincere, modum felicitati ponere, & suspectum habere, quicquid ab eventu pendet. Frangi vires sciunt, cum extendi incipiunt: non maxima acquirere, sed moderata regere, tutissimum esse: ne plura (quod avidorum est) capiant quam contineant.

POLITICO-CATHOLICVS.

Nec Baudius, nec Heinsius, nec quicquid Lugduni floret eloquentium virorum, tam illustri præconio Batavorū laudes unquam extulit. Primò, dicir eos secundis fortunæ successibus non insolēscere, non exoculari; esse ad pacem & concordiam faciles, postquam felicia recentior arma experti sunt. Quā in te, si tam verè quam disertè loquereris: nullus te mendacii posset arguere. Ita enim secunda eos inflavit fortuna: ut pacem & concordiam facere nolint; nisi tamquam victores & veti Hollandiæ Domini, iniquissimas conditiones nobis non victis imponant. Tentatum est à nostris Statibus, quidquid iusti & recti tentari potuit & debuit: nihil

nihil effectum. Nullo quidem cum fructu, sed cum illustri sui constantis, erga Regem Regiamque dignitatem, amoris & fidelitatis testimonio redierunt. Secundò, dicis eos velle *modū felicitatis ponere, & se intra suos limites cōtinere: quia frāgi vires sciunt, cū extendi incipiunt: non maxima acquirere, sed moderata regere, tutissimum esse: ne plura (quod avidorum est) capiant quā contineant*, Quā in te manifestē falleris. Nam, si pace frui possent, nec Coloniae parcerent, quam spē devorabant, quando novissimē eam aggredi tentantur. Et jam, quasi non sufficeret unus hostis, etiam Leodienses laceant. Fama enim fuit, Batavos propugnaculum quoddam sub ditione Leodienſi, non procul à Limbuto situm, invasisse, & jam ad sacros tuos, *ô Legia Romana Ecclesie Filia*, thesauros aspirare. Fidem fecerunt interceptæ litteræ (ut taceam alias etiam de capiendo Leodio, à magno illo Purpurato Galliz ad Auriacum missas, interceptas, & in Capitulo S. Lamberti Leodii lectas) à Genevensibus, Calvinistarum antesignanis missæ; qui Hollandis suadebant, ut urbem Leodienſem quamprimū occuparent. Monebant eos, nullo meliori modo bellum adversus Hispanos alere posse, quam si in Ecclesiastica illius urbis ac ditionis bona involarent: futurum enim, ut triginta peditum, & quatuor equitum millia, nullo negotio sustentarent. Hæc jam in omnium ore. Cur deinde Pharnambucum, & insulas Orientis remotas tentarunt, si vires nolint extendere? Rex Hispaniæ, quem tacitè fugillas, multa acquirit & regit; vires jure extendit, nec franguntur; Hollandiam justè, nec ex ullā aviditate capere cupit, quia illam in bono vivendi officio continere desiderat; quia & jam contineret, nisi domestici hostes (non enim hostes externi) ad hætelim disseminandam, verè furiarum facibus accensi, jam pridem rapuissent.

PVTEANVS.

*Bono sic quidem ad consilium exemplo præunt, concordia finire bellum parati, postquam prosperè bellum gessere.*

POLI-

## POLITICO-CATHOLICVS.

Sunt, qui hæc altiori mente ponderarunt. Ecce eorum mentem apertio, etsi prius potuissẽm dicere. Quid? Baravi bono ad exemplum bono præiverunt, concordiam finire bellum parati, postquam prosperè bellum gessere? Dissuades, inquit, Hollandis, ne pacem vel inducias nobiscum faciant. Tanquam si diceret: Batavi prosperè bellum gessere: cur concordiam bellum finire sunt parati, quandoquidem Status Brabantici primi pacem vel inducias petant? Enimverò nugaris, dum dicis eos bono nobis exemplo præivisse; cum nos primi, mansuetudine & justæ pacis amore ducti, non necessitate compulsi, pacem vel inducias petierimus. Sic exacuunt ingenium suum, quicumque subtiles videri volunt. An ego sic etiam interpreter?

## PYTEANVS.

*Non urbes, sed Provincia tota uno impetu, & unâ estate raptæ sunt: & ecce, qui ad pleniorẽ etiam victoriã properant, conditiones amplectuntur. Nempe Induciarum avidi, pacisci, licet pugnent, cupiunt; terminare victoriã, ut arumna desinant.*

## POLITICO-CATHOLICVS.

Conditiones amplectuntur? honestas & æquas recusant. Illas statuunt, quæ ex libidine & immodicâ habendi & rebellandi cupiditate oriuntur, quam Regi fideles accipere non possunt, etiam cum vitæ fortunarumque omnium peticulo. Inducias optant, sed iniquas, quas numquam Rex ferret. Licet autem urbes & Provinciæ intra breve temporis spatium raptæ sint: non in eas angustias nunc venimus, ut nos propterea hostium voluntati permittere, & qualvis conditiones accipere debeamus. Nec semper Batavi reperient nefarios proditores; vel ignavos urbium provinciarumque defensores: quotum operâ, tot urbes brevi tempore rapuerunt. Batavorum fortitudinem non timemus, quam nondum verè bellando ostentarunt.

Littera

## Littera N. PUTEANI.

Sapienter profectò, ut & nos isdem sapere consiliis moniti velimus. Plures enim omni avo Reges & populi, quia Pacem, siue fastu, siue virium fiducia, aut fortuna, aspernati, fædo hostibus exitu, etiam invalidis ludibrio fuerunt. Corinthii, ut est apud Thucydidem, instructâ classe Epidamno imminentes, cum à Corcyrensiibus ad Pacem misso caduceatore invitarentur, in certamen obstinato consilio descenderunt. Quid dicam, nisi irritatam fortunam fuisse? Victi sunt, & in fædissimâ fugam cum strage conversi, gravissimam universa Græcia calamitas innoxere. Non feliciores Athenæ, duras à Lacedæmonis admittere condiciones bello coactæ, quia æquas pace rogata, spreverant. Vinci meruerunt, quia nolbant nisi superbe vincere. Martis urbem mirari soleo: Marte, sed nimis tam superbo periit. Bello civilî inter Cæsarem & Pompejum excitato, de Republicâ agebatur, non ut salva esset, sed utri cederet. Omnia Cæsar egit, ut odia & arma ponerentur: contra Pompejum, tanquam validior, & toto fultus Senatu, unam in victoriâ Pacem collocare. Sed pugna punivit pertinaciam. Victus, & in fugam coniectus, qui Magnus appellari meruerat, non tam felix fuit, ut cum exercitu & libertate decumberet: quasi nomen simulcum fortunâ exueret, miserè viliterq; periit, mancipii (quod extremum est) Aegyptiaci arbitrio jugulatus. Passim ejusmodi exempla sunt, vetera & nova: nec ullus propemodum tristioris belli eventus fuit, qui non contempta aut neglecta Pacis causam habuerit. Concordiam velle, felicitatis initium est: neque male adhuc pugnatum est, si ad condiciones descendimus. Faciles esse, qui feliciores videntur, quanti momenti! ostendunt enim se bellum nosse, qui pacem præferunt, mutari posse, quæ fortuito successu blandiuntur.

Responso P. OLITICO-CATHOLICI ad Litteram  
N. Putcani,

## PUTEANVS.

Sapienter profectò, ut & nos isdem sapere consiliis moniti velimus. Plures enim omni avo Reges & populi, quia Pacem, siue fastu, siue virium fiducia, aut fortuna, aspernati, fædo hostibus exitu, etiam invalidis ludi-



*brío fuerunt. Corinthii, ut est apud Thucydidem, instructâ classe Epidamno imminentes, cum à Corcyrensisibus ad Pacem misso caduceatore invitarentur, in certamen obstinato consilio descenderunt. Quid dicâ, nisi irritatam fortunam fuisse: Victi sunt, & in fœdissimam fugam cum strage conversi, gravissimam universa Græcia calamitatem invexere. Non feliciores Athenæ, duras à Lacedæmoniis admittere conditiones bello coactæ, quia aquas pace rogata, spreverant. Vinci meruerunt, quia nolebant, nisi superbè vincere. Martis Urbem mirari soleo: Mariæ, sed nimis tum superbo, peritiæ. Bello civili inter Casarem & Pompejum excitato, de Republicâ agebatur, non ut salva esset, sed utri cederet. Omnia Casar egit, ut odia & arma ponerentur: contra Pompejum, tanquam validior, & toto fulsuo Senatu, unam in victoriâ Pacem collocare. Sed pugna punivit pertinaciam. Victus, & in fugam coniectus, qui Magnus appellari meruerat, non tam felix fuit, ut cum exercitu & libertate occumberet: quasi nomen simul cum fortunâ exneret, miserè viliterq; periiit, mancipi (quod extremum est) Aegyptiaci arbitrio jugulatus. Passim ejusmodi exempla sunt, vetera & nova: nec ullus propemodum tristiori belli eventus fuit, qui non contempta aut neglecta Pacis causam habuerit.*

#### POLITICO-CATHOLICVS.

Imò desipiunt profectò, quia pacem, siue fastu, siue viriū fiducia, aut fortunæ sunt aspernati: cum tam tot mensibus Status nostri flagitaverint. Caveant igitur, ne in similes calamitates incidunt, in quas illi iniqui & superbi (quos adtulisti) pacis contemptores ineiderunt. Sed ponamus Regem nostrum fuisse pacem adspernatum: an pœnas contempræ vel neglectæ pacis formidare debet? Nequaquam: quia pacem, quæ tantum injustis conditionibus haberi poterat, jure contempsit & neglexit. Corinthii victi sunt à Corcyrensisibus, à quibus misso caduceatore, fuerant ad pacem invitati. Quando caduceatorem miserunt Batavi? Nos ipsi misimus, qui ad pacem justam, invitarent: rebelles contempsere, & in certamen (siramcn certamen) obstinato consilio adhuc descendit. Quid restat, nisi ut irriteretur fortuna, quæ ipsis aliquamdiu videtur fuisse; & in fœdissimam fugam conversi, gravissimam

simam universæ Hollandiæ calamitatem invehant. Si Athenæ infelices fuerint, & à Lacedæmoniis bello coactæ duras condiciones admittere, quia æquas pace rogatæ spreverant; etiam fœderatas Provincias non feliciores futuras debemus ominari, quæ æquas condiciones sæpius rogatæ spreverunt. Denique, bellum non est inter Batavos & Regem, quasi inter Cæsarem & Pompejum: nam ipsi non Regi Hispaniæ, ut Cæsari, vel ut Pompejo pares sunt. Quid erunt Batavi, si Rex totas vires suas secum trahat? Pompejus Cæsarem pacem non ferebat, nec Cæsar Pompejum, ut loquitur Lucan. 1.

*Nec quemquam jam ferre potest Cæsare priorem,  
Pompeiusque parem.*

Tamen non semel pacem petivit Cæsar à Pompejo. Numeriū (inquit Plutarchus in vitâ Pompeii.) Pompeii amicum, quem capsum habebat, misit Brundisium pacem a quibus conditionibus petens. & infra. Tubium (cum Cæsar nominat Vibillum Rufum) quem in potestate habebat secum, destinavit ad eum: ut ambo congressi, die tertio omnes exercitus dimitterent, & reconciliatâq. amicitia, & dato jurejurando, redirent in Italiam. Quia igitur Pompejus arma & odia ponere, & pacem æquis conditionibus dare noluit, videtur. Vinci possunt & Batavi, qui sæpius sollicitati, eam æquis conditionibus dare noluerunt. Victoriâ speremus, si arma generosè & fortiter sumamus. Vides, ut tuis gladiis te confodiam?

#### P V T E A N Y S.

*Concordiam velle, felicitatis initium est: neque male adhuc pugnatum est, si ad condiciones descendimus. Faciles esse, qui feliciores videntur, quanti momenti! attendunt enim se bellum nosse, qui pacem præferunt; mutari posse, quæ fortuito successu blandiuntur.*

#### P O L I T I C O - C A T H O L I C U S.

Nec ad condiciones tales descendere, nec isto modo concordiam velle debemus: nisi Regi, nobisque Belgis perpetuam infamiam inuramus. Concordiam bonam justamque volumus; felicitatis nostræ initium erit, si audeamus. Neque

M ij

adhuc

adhuc malè pugnatum hæcenus, si ad bellum descendamus. Adfunt copix, munitæ urbes, commeatus non desunt. Ostendamus mutari posse, quæ tantum fortuito successuall-  
lis blandiuntur non quæ suâ fortitudine paraverunt.

### Littera O. PUTEANI.

*Sed nos ipsa quodammodo Fortuna monet, ne, patefactâ ad Inducias  
vâ, neglexisse benignitatem Numinis videamur. Si irâ aut spe extol-  
limur, expendende vires sunt, an victoriâ sufficient. Bellum enim sine  
victoriâ ærumna est: victoriæ fructum Pacem habemus. Sed ponamus,  
integras illas promptasq; esse: regenda sunt, aut ne vires quidem sunt:  
regi autem non possunt, nisi ad legem & disciplinam militia jam collap-  
sa redeat. Ab ægro corpore quæ munia exigas: Plus cum exercitu, quàm  
hoste negotii sit. Hic autem nostrâ interdum seditione, plerumq; negli-  
gentiâ vincis: animosior, quia extra aquas & paludes fortis nuper ap-  
paruit, parvis, copiis magnis ausus resistere, tanquam nihil ad victo-  
riam numerus faciat. Sed quid? ubi plus fortuna, minus jam ferocia est;  
ubi plus victoriæ, minus superbia. Ecce ad fidem, ut dixi, malunt consi-  
lio pleriq; quàm ad prædam manum extendere; pacisci, quàm collidi.  
T. Quintus apud Livium verba insigniter huc faciunt: sed utrû potius  
usurpanda; Pacem etiam qui vincere possunt, volunt: quid nos  
velle oportet. Hac summa est, possunt vincere, qui pugnare audent:  
sed malunt non pugnare, ut fortunam Pace firmant. Ergo Regis nostri  
amicitiâ, mutatis animis, & societatem æstimant; ut postquam stre-  
nuis fuere, tui sint, & aliorum simul bella excludant.*

Responsio POLITICO-CATHOLICI ad Litteram

O. PUTEANI.

PUTEANVS.

*Si irâ aut spe extollimur, expendende vires sunt, an victoriâ suffi-  
cient. Bellum enim sine victoriâ ærumna est: victoriæ fructum Pacem  
habemus. Sed ponamus, integras illas promptasq; esse: regenda sunt,  
aut ne vires quidem sunt: regi autem non possunt, nisi ad legem &  
disciplinam militia jam collapsa redeat. Ab ægro corpore quæ munia  
exigas: Plus cum exercitu, quàm hoste negotii sit.*

## POLITICO-CATHOLICVS.

¶ Nihil aliud tibi propositum videtur esse, quàm ut res desperatorem victoriæ præcipites agas. Sed cur non victoriæ sufficiunt vires nostræ? Non ex virium nostrarum defectu, urbes cepit hostis: causas multas aperui, cur ferè sine pugna victor fuerit. Aut saltè novæ vires comparari possint. Quæ jam sunt, disciplinâ militari destitutas esse, cur tam graviter queteris? Maxima exercitus nostri pars eos milites habet, qui in Germaniâ, aliisque locis præclara militiæ tyrocinia posuerunt: hostiles copię, nullam pugnam nisi ex suis aggeribus apud Trajectum valdè munitis, videntur: nunquam hætenus in campum prodierunt. Nec plus negotii est cū exercitu nostro, quàm cum hoste: nam nulla seditio tanto in exercitu nostro, ut velut hostis, urbes nostras ex iracundiâ aut stipendiorum defectu exacerbarus invaderet, qucinamodum in primis Belgii tumultibus factum legimus.

## P V T E A N V S.

*Hic autem nostrâ interdum seditione, plerumque negligentia vincit: animosior, quia extra aquas & paludes fortis nuper apparuit, parvis copiis magnis ausus resistere, tanquam nihil ad victoriam numerus faciat.*

## POLITICO-CATHOLICVS.

Nisi Henrici Bergii secessionem & quorundam prodiciones intelligas, nullam aliam seditionem intelligo: sic vicit hostis. Negligentia verò, an apud Trajectum aliqua, dum citò collectus miles non fuit, nec pugna maturè, imò nec ulla à Marchione Sancta-Crucio citò suscepra? Plurima similis negligentie exempla in hostibus, & quidem ipso Mauritio vidimus. In Bredanâ obsidione hæc notanda sunt. Primò, quòd urbi alimenra in multos annos necessaria non providerint. Secūdò, quòd Spinolam, cū vix quindecim hominum millia penès se haberet, non impedierint, sed passi sint eum sua propugnacula & aggeres per otium facere, adeò ut ne quidem unum telum miserint. Terriò, quòd flumē, quò Bredam navigatur, arcibus in ripâ erectis anrè non communie-

rint,quàm Spinola urbem vallaret. Quartò,quòd toto obli-  
dionis tempore vivente Mauritio, hostilia munimenta per  
decem leucas diffusa, non semel ausi fuerint impetere, nec  
ullum propugnaculum tentare. Quintò, quòd numquam  
nostros aggressi fuerint, qui annonam & com meatum car-  
ris, octo leucarum itinere convehabant. Sextò, quòd absen-  
te equitatu nostro, qui ad vehendam annonam stipabat,  
numquam aggeres nostros sint aggressi, nullumque sui ani-  
mi periculum fecerint, nisi leve quoddam sub Comitibus Hen-  
rici Nassovii Ducatu. Septimò, quòd semper suis castris se  
continuerint, nec unquam ad pugnam venire ausi fuerint, li-  
cèt sæpius à nobis fuerint lacessiti, & ipsi multitudine essent  
superiores. Octavò, quòd cum nossent in quot menses Bre-  
damis annona sufficeret, nullum interea oppidum tentarint;  
cum potuissent spatio novem mensium Dunkerckam, Neco-  
porum, Brugas, & aliquot alias urbes invadere. Er has ne-  
gligencias non in hoste, sed nostris statim arguis: cum potius  
per conjurationem & temporum incommoda excusare de-  
buisses. Ad animositatem hostium & fortitudinem venio:  
quam utramque in hoste laudas: *Animosior, inquis, quia extra*  
*aquas & paludes fortis nuper apparuit; parvis, copiis magnis ausus resi-*  
*stere, tanquam nihil ad victoriam numerus faciat.* Quando extra  
aquas & paludes fortis nuper apparuit; parvis, copiis magnis  
ausus resistere? Non apud Bredam, ut dixi. Quam fortiter  
(Deus bone!) apud Brugas extra aquas apparuit? Post captam  
Sylvamducis, Galli hortati erant Hollandos, ut uno impetu  
Flandriam universam opprimerent: milliones, & apparatus  
instructissimum dedetant. Venit ergo Auriacus, & Brugas  
rentare meditarur. Stabant in armis ingentes Gallorum  
& Hollandorum copix; jam totam Flandriam in manibus  
suis se habere gloriabantur: sed ubi adesse nostros tulit fa-  
ma, vix aut ne vix quidem Regios videre sustinuerunt; pavo-  
re correpti, fame & navigationis molestiis enecti, rotam  
suam spem in fugâ posuerunt: cum tamen tantam multitu-  
dinem haberent, ut decuplò nostros multitudine superarēt.

Cur

Cur tunc animosi non fuerunt? cur fortes non apparuerunt? cur nostris parvis copiis, suis tam magnis non fuerunt ausi resistere? Certè, tunc apparuit numerum & multitudinem Batavorum nihil ad victoriam facere. Sed forstè de Trajecto intelligis, quando nostris magnis copiis, fuerunt suis parvis copiis ausi resistere. Magna animositas & fortitudo, quando altissimis aggeribus quasi muris septi, & triplice fossâ muniti, tria tantum milia, quæ non monito Marchione Sancta-Crucio, repentè Papenheimius eduxerat, è suis castris depulerunt. Quin apud Bredam aliquid tentarunt? Cur numquam in campum descendunt? Cur numquam nobiscum aperto Marte decernunt? Cur nostros Mosam transeuntés, eorum equitatus expectare non fuit ausus? Cur ad pugnam coacti, cum essent 150. adversus nostros 60. sic pugnarunt; ut à nostris vel caperentur, vel occiderentur? Cur semper pugnam, toties, & jam ab Excell. Marchione de Aytone oblatam, detrectarunt? Quàm fortes in cavernis suis lepores, quò molossi lattatum quidem mittere, sed rostrum non possunt!

#### P V T E A N V S.

*Possunt vincere, qui pugnare audent: sed malunt non pugnare, ut Fortunam Pace firment. Ergo Regis nostri amicitiam, mutatis animis, & societatem æstimant; ut postquàm strenui fuere, tuti sint, & aliorum simul bella excludant.*

#### P O L I T I C O - C A T H O L I C V S.

Pacem igitur velut utilem amant, ut nempe fortunam pace firment, divitias acquirant, suum grande æs alienum exsolvant paulatim, quo non gravantur tantum, sed opprimuntur; deinde recuperatis viribus, bellum longè crudelius Regi moliantur. Non à bello abstinendum censeo, ut eorum fortuna bello prorsus evertatur. Quid deinde eorum amicitiam proponis? Amicitiam illorum non quærit. Cum hæreticis illam (etsi apud te sint strenui) habere non vult; Fidei suæque hæreditatis restitutionem petit.

## Littera P. PUTEANI.

*Regis, inquam, nostri; quia Maximi, quia maris Domini: mari enim nisi fruuntur, non se putant tutos esse, non vivere, non ali. Vtriusque se quasi naturâ elementis incolae esse, male vim exerceri: Orbem universum tanquam unam classibus insulam cingere; domi cingi. Pace hac corrigi omnia: unos uni, ubique dominantis, timendos esse, si hostes sint, fovendos, si Amici: amplius à subditis nec praestari, nec exigi posse.*

Responsio POLITICO-CATHOLICI ad Litteram  
P. Puteani.

## PUTEANVS.

*Regis, inquam, nostri (scilicet amicitiam & societatem) quia Maximi, quia maris Domini: mari enim nisi fruuntur, non se putant tutos esse, non vivere, non ali. Vtriusque se quasi naturâ elementis incolae esse, male vim exerceri: Orbem universum tanquam unam classibus Insulam cingere; domi cingi. Pace hac corrigi omnia: unos uni, ubique dominantis, timendos esse, si hostes sint, fovendos, si Amici: amplius à subditis nec praestari, nec exigi posse.*

## POLITICO-CATHOLICVS.

Paret quàm vulgaris sit hæc amicitia, non affectu, sed utilitate æstimata, juxta illud Ovidii:

*Vulgas amicitias utilitate probat.*

Age, Rex Magnæ, ostendete verè maris dominum possidere. Mari non fruuntur; tunc tuti non erunt, non vivent, non alevantur. Illud in tuâ potestate est, si illos nempe domi cingas. Hoc consilium jam pridem subministratum. Hæc una via victoriæ: si terrestri bello impetantur, ut dixi, & navibus eorû insulæ cingantur, omniq; navigandi libertas adimatur. Omne enim hostium robur & potentia in mercimoniis consistit: si negotiandi via intercludatur, per vos belli amittent, id est, pecuniis quæ ip[s]is ex negotiorum & commerciorum tractatione proveniunt. Sint ergo naves quadraginta, aut paulò  
et Flandriæ littora & alia loca disperdat: ita imperium  
maris

maris teneri posse, plerique putant. Quæ naves parati & ali facile possunt: si una Provincia, unumquodq; Regnum, duas trêsvè sumptu suo paret & alat; vel si privatis liceat ære suo parare & alere, eâ conditione, ut prædam, quam ab hoste in mari referent, rei navalis Præfecti inter singulos dispartiantur, Regio Fisco decimâ tantum ejus parte assignatâ. Sic Regi nostro ubique (terrâ nempe mariq;ue) dominanti, timendi non erunt, etiam si hostes sint. Hostes autem semper erunt, quàm diu suam pestiferam Religionem non exterminabunt, & hæreditatem Regiam non restituent: scias utrumque, & à subditis præstari debere, & à Rege nostro exigi posse.

#### Litteræ Q. PUTEANI.

*Querunt igitur domi Pacem, ubique daturi: ut si in aquis suis quieti, quâdam velut pacti vice, tranquilla in Oriente & Occidente maria sint: ubi arma fuerunt, libera commercia vigeant; jure suo, sine impedimento, Rex utatur. Præstat profectò unam Bataviam pacatam esse, quàm maria omnia, omnesq; insulas infestari: imò unam Bataviam Regis non esse, ut labe & lue belli tota potestas liberetur. Aurum argentumq; ex Americâ tuto in Hispaniam itinere subvehi, Pacis pretium est. Quamdiu hostes erunt, rapi thesauri poterunt. Salvi perveniant quoque in bello tamen, hoc inquam Belgico, hoc voraci, consumentur.*

#### Responsio POLITICO-CATHOLICI ad Litteram Q. PUTEANI.

#### PUTEANVS.

*Querunt igitur domi Pacem, ubique daturi: ut si in aquis suis quieti, quâdam velut pacti vice, tranquilla in Oriente & Occidente maria sint, ubi arma fuerunt, libera commercia vigeant; jure suo, sine impedimento, Rex utatur. Præstat profectò unam Bataviam pacatam esse, quàm maria omnia, omnesq; insulas infestari: imò unam Bataviam Regis non esse, ut labe & lue belli tota potestas liberetur. Aurum*

N.

*argentumq;*



*argentumq; ex Americâ tuto in Hispaniam itinere subvehi, Pacis pretium est. Quamdiu hostes erunt, rapi thesauri poterunt. Salvi perveniant quoque; bello tamen, hoc inquam Belgico, hoc voraci, consumentur.* POLITICO-CATHOLICVS.

Rex illorum pace non indigebit, eorum infestationes non timebit, si expeditas naves habeat, quibus possit obistere. Non tunc maria omnia, omnesque insulas infestabunt, si ipsis omnis aditus in maria omnia, omnesque insulas intercludatur. Primò, cum quindecim triremibus & totidem navibus milite instructissimis, freti Gaditani angustiae, quae variis in locis vix tres in latitudinem leucas habent, praecludantur: tunc nec Mari Mediterraneo, nec Ligustico, nec Adriatico frui poterunt; nullum cum Italici, Massiliensibus, aliisque in Gallicanâ illâ orâ genibus, commercium habebunt. Secundò, Orientalis Indiae navigatio impediatur à decem oneratis optimè instructis, in insulâ S. Helenae stationem habentibus, quò hostes ex Oriente redeuntes, necessariò debent appellesse ad instauranda navigia. Tertiò, cum in Occidentem Hollandicae naves tantum viginti eant, & in oppidis maritimis multum ab invicem remotae, suas metees distrahant: viginti aut plurimis navibus instructissimis faciliè opprimi possunt. Si semel rerum suarum jacturam faciant, Orientales illae & Occidentales Societares vix respirabunt. Quartò, ingenti tantum classe cingatur Batavia, ut nulla navis liberè possit portu solvere: quid agent? Agedum, Potentissime Rex, gentem hanc impiam ab Oriente & Occidente procul remove; ne suae haereseos pestem istis rudibus & imperitis populis propinet; ne praeterea tot milliones annuatim sibi hostes comparent, quibus tela cudantur in tuum caput convertenda. Maris imperium penes te est, ne dubita, classem exstrue. Sumptus, quos multis annis facturus esses, uno aut altero anno liberaliter deprome; ut domi bellum habeant, ut ingenti & numerofo exercitu terrâ mariq; oppugnentur. Sic Batavia erit tua: sic labe & lue belli tota tua potestas liberabitur; sic aurum argentumque ex Americâ tuto in Hispaniam itinere subvehetur: sic rapi thesauri tui

non poterunt, & in manus tuas salvi pervenient. Belli hujus diuturni hoc pretium erit. Quid? præstat Bataviam Regis non esse? Erras Puteane. Fac tuam, Rex Magne. Facere id potes, si totam mentem & opes, uno aut altero anno ad hoc unum bellum Belgicum convertas.

Littera R. PUTEANI.

*Tantum gens una potest, imò tantum una olim potuit, Romanos sub Vespasiano Casare potentissimos ausa longo, acri, & periculoso bello fatigare. Batavi fuere, & tanquam adhuc pugnent*

Non aucupantes bellum, sed belligerantes.

*Post arma Pax placuit, & quorum virtus formidolosa erat, amicitia quasita. Civilis dux belli & auctor fuerat: primus in gratiam receptus. Gens ipsa Amici & Fratres Romani Impetui facti. Qui honos etiam lapide expressus est:*

GENS. BATAVORVM. AMICI ET. FRATRES.

ROMANI. IMPERII.

*Accedit Taciti prudentissimi Historici elogium: Omnium harum gentium virtute præcipui Batavi, non multum ex ripa, sed insulam Rheni amnis colunt. Cætorum quondam populus, & seditione domesticâ in eas sedes transgressus, in quibus pars Romani Imperii fierent. Manet honos, & antiquæ societatis insigne. Nam nec tributis conteruntur, nec publicanus atterit. Exempti oneribus & collationibus, & tantum in usum præcliorum sepositi, velut tela atque arma, bellis refectantur.*

Responsio POLITICO-CATHOLICI ad Litteram  
R. Puteani.

PUTEANVS.

*Tantum gens una potest, imò tantum una olim potuit, Romanos sub Vespasiano Casare potentissimos ausa longo, acri, & periculoso bello fatigare. Batavi fuere, & tanquam adhuc pugnent.*

Non aucupantes bellum, sed belligerantes.

*Post arma Pax placuit, & quorum virtus formidolosa erat, amicitia quasita. Civilis dux belli & auctor fuerat: primus in gratiam receptus.*

*psus. Gens ipsa Amici & Fratres Romani Imperii facti. Quis  
honus etiam lapide expressus est:*

GENS. BATAVORVM. AMICI. ET. FRATRES.  
ROMANI. IMPERII.

*Accedit Taciti prudentissimi Historici elogium: Omnium Thatum  
gentium virtute præcipui Baravi, non multum ex ripâ, sed  
insulam Rheni amnis colunt. Cattorum quondam populus,  
& seditione domesticâ, in eas sedes transgressus, in quibus  
pars Romani Imperii fierent. Manet honos, & antiquæ so-  
cietatis insigne. Nam nec tributis conferuntur, nec publi-  
canus attetit. Exempti oneribus & collationibus, & tan-  
tùm in usum præliorum sepositi, velut tela atque arma,  
bellis reservantur.*

POLITICO CATHOLICVS.

Numquam Batavia prius in Romanorû potestate fuerat:  
Romani, cùm sub Vespasiano multis bellis premerentur,  
dignati sunt ipsum Civilem belli auctore & Batavos in ami-  
citiam recipere. Sed dic mihi, si Romani prius Bataviam sui  
juris fecissent, an contenti fuissent, si suam tantùm amici-  
tiam & societatem obtulissent? Quid? fuissent exempti tri-  
butis, oneribus, collationibus, & tantùm in usum bellorum  
sepositi? Sanè & ex ipsâ Romanâ historiâ constat, ab Urbis  
ortu ad Iovinianum Imperatorem non inveniri Consulem  
aut Imperatorem, qui semel Romani iuris factas terras hosti  
concesserit, ut loquitur Ammianus Marcellinus lib. 25. Iam  
verò, cùm Hispaniæ Regis hæreditatem occuparint; cùm se  
non amicos & fratres Romani Imperii, sed Cæsares & Re-  
giæ Majestatis inimicos & capitales hostes sæpius declara-  
rint. Quid est, quod Rex rebellium & hæreticorum, pacem  
communem perturbantium, amicitiam & societatem quæ-  
rere debeat?

Littera S. PUTEANI.

*Sed profectò Romanâ virtute jam & potentiâ Hispani sunt, Vespas-  
ianus PHILIPPVS est: non posse bellum nisi Pace finiri, tam luculento  
exemplo docemur: finicndum esse, jura divina & humana cogunt. Non  
potest*

*potest armis: ergo conditionibus; quæ qualescumque erunt, armis tamen meliores erunt, quia salutem includent.*

Responsio POLITICO-CATHOLICI ad Litteram  
S. Puteani.

PUTEANVS.  
*Finendum (bellum) esse, jura divina & humana cogunt.*

POLITICO-CATHOLICVS.

Ne sutor ultra crepidam. Sunt Theologi, sunt Iuris utriusque peritissimi, qui Regi vera & sana consilia subministrare debeant. Regem ad finendum bellum cogi, siue jura divina, siue humana spectemus: quis dicat, nisi juris imperitissimus? quis dicat, nisi velit asserere Regem, qui nondum bellum finit, sed vult prosequi jura divina & humana violare? Quid juri divino magis consonum, quàm e sua dirione pellere hæreses, & verum sanctumque Dei cultum reducere? Quid juri humano convenientius, quàm suum patrimonium ab iniustissimis inuasoribus repetere?

PUTEANVS.

*Non potest (scilicet finiri bellum) armis: ergo conditionibus, quæ qualescumque erunt, armis tamen meliores erunt, quia salutem includent.*

POLITICO-CATHOLICVS.

Ergo qualescumque conditiones ab hostibus acciprandæ? ita inquit Puteanus: nam illæ, qualescumque erunt, armis tamen meliores erunt. Apage; ignavis, ruinæ proximis, & necessitate coactis hoc dicas. Arqui, neque nos ignavos, nec ruinæ proximis, nec necessitate pressos ostendi. Et ut Rex se suis rebellibus subjiciat: pro hostium arbitrio, qualescumque conditiones accipiat? Fuge hoc opprobrium sempiternum, Monarcha Potentissime.

Littera T. PUTEANI.

*Sed ne ad iniquitatem veniant, tractantium jam industriâ, prudentiâ, pietate cautum est: tractant enim, quia cautum. Si gloriam verò merentur, qui fortiter bellum gerunt, majorem cerè, qui feliciter finiunt, qui tempestatem in malaciam, noctem in diem, luctum in lætitiâ commutant. O magna, & victura semper in Annalibus nomina, quibus Pacem Belgæ debituri sunt! Peragite, O salutis publicæ*

*sequestri, & jam calo digni, non humanum, sed divinum opus. Vestro beneficio, alius fortunæ, alius patriam, omnes vitam ac spiritum accipiens: intelligent omnes partâ Pace, felicitatem suam cum quiete publicâ conjunctam esse.*

Responsio POLITICO-CATHOLICI ad Litteram  
T. PUTEANI.

PVTEANVS.

*Sed ne ad iniquitatem veniant, tractantium jam industriâ, prudentiâ, pietate cautum est: tractant enim, quia cautum.*

POLITICO-CATHOLICVS.

Navigarionem liberam in Orientem & Occidentem illis permittendam in hoc tractatu sæpius suavisti. Tu hoc iniquitatem non vocas: iniquitatem autem esse Status nostri, hoc intet multa alia judicarunt; nec pacem huic conditioni prætulerunt. Eorum prudentiam, pietatem, & erga Regem constantissimam fidelitatem laudamus.

PVTEANVS.

*Si gloriam verò merentur, qui fortiter bellam gerunt; majorem ceriè, qui feliciter finiunt, qui tempestatem in malaciam, noctem in diem, luctum in lætitiâ commutant.*

POLITICO-CATHOLICVS.

Finire noluerunt, quia felicitet finire non poterant. Belli tempestatem tolerandam esse potius existimarunt: quàm non satis Regi suo fideles viderentur; ut permierent aliquid, vel Religioni nostræ perniciosum, vel Regiâ Majestate indignum petagi. Quorum consiliis apud Regem, vel opibus in Patriâ si fortiter bellum instauretur: brevi tempestatem in malaciam, noctem in diem, luctum in lætitiâ commutabunt.

Littera V. PVTEANI.

*Pacem, tanquam optimam, laudo; Pacem, tanquam utilissimam, suadeo, & omnibus belliconsiliis poſthabitis, ineundam esse. Pace ad salutem surgimus, bello perimus. Dum licet, obviam fortunæ eundem est: plus misatur malæ, quàm dedit: & quos concussit, potest evertere. Præstat securos, quàm animosos esse. Nemo adeo, monente Tacito, in arma promptus, ut non idem pretium quietis, quàm periculi malit. Aliquando non habere hostes, victoria genusest: fieri Amici possunt,*

possunt, si hostes esse desinant, quando odia lenesciis sopiuntur. Ut equi, sic homines sunt: generosiores vim recusant. Armis quid opus, si conditionibus finire bellum potest: quid calcaribus & stimulis, si poppyssmata & blanditia sufficiunt? Bucephalum, vel simulacrum ejus videamus, pulcherrimum & superstes in monte Quirinali Phidia & Praxitelus opus: hâc induitriâ ille sedecim, si Plinium audiamus, vel tredecim, si A. Gellium, talentis emptus equus domari, & eodem in pignus certaminis pretio posuit. Nempe plus ingenium Alexandri belluam mulcentis, quàm vis & severius agasorum castigantium effecit. O pulchra agitur & opportuna verba!

— Petagit tranquilla potestas,  
Quod violenta nequit, mandataque fortius urget  
Imperiosa quies,

Responsio POLITICO-CATHOLICI ad Litteram  
V. Putciani.

PYTEANVS.

*Pacem, tanquam optimam, laudo; Pacem, tanquam utilissimam, suadeo, & omnibus belli consiliis posthabitis, incundam esse.*

POLITICO-CATHOLICVS.

In hac litterâ, ut in argumento significas, rerum omnium dictarum epilogum facis. Ego etiam epilogum facio. Patet ergo ex superioribus, pacem tanquam pessimam, tanquam Fidei Catholicæ & Regi perniciosissimam: & bellum, omnibus pacis consiliis posthabitis, incundum esse. Quocirca non pacem, quam necessitatis pretio æstimare voluisti, sed bellum necessarium duco. Nobis ad sunt vires, sunt milites, non sunt exhausta ætaria, Regis voluntas est, qui media potest suppeditare, præsertim jam novâ classe ex Indis feliciter appulsâ, ac ditissimâ, robustior. Hollandi planè exhausti sunt, ære alieno oppressi, ad ultimas metas redacti: & sic belli finis instat, quia brevi eos necessitas adiget, ut cum Rege component. Figmenta non sunt, ex his argumentis in Concilio privato Hollandiæ propositis diuque examinatis collige, in quo periculo & necessitate Respublica Batavica versetur.

*Argumenta*

*Argumenta Veridici cujusdam in Hollandiâ Consilarii, quibus ostendit Rempublicam Batavorum necessitari ad faciendas inducias cum Rege Hispania, vel pacem.*

1. Dubii sunt omnes bellorum eventus: unâ clade, aut locorum quorundam amissione, in manifestum ruinæ periculum venit nostra Respublica. Cui malo non subjacet inimicus, quia ex terris sibi subditis copiosum militem subire potest colligere: externo autem milite Hollandiæ eget.

2. Eo tempore, quo hostis in Velaviam fecit impetum, perspectum est manifestè in quantum discrimen possimus venire: evasimus quidem, sed magis per exiguam hostis experientiam, quàm armorum nostrorum vires. Si Cæsarei, quando Amersfortium occuparunt, involassent in Nardam, Muyam, & Ultrajectum, sine dubio cepissent: neque Sylvamdueis & Wesaliam habuissemus. Similes adhuc occasiones possunt occurrere, si hostis plus experientiæ haberet.

3. Civitatis Sylvædueensis obsidio & expugnatio, eò Stratum nostrum redegit, ut jam non possimus nisi exercitum defensivum sustentare. Iisdem deinde oneribus & tributis gravamur, quibus antea solebamus: semperque sumus obnoxii ruinæ, quando hostis omnes suas vires volet insumere. Certum etiam est, sumptus ad bellum gerendum necessarios, longè excedere omnes Fœderatarum Provinciarum provontus, & indies crescere.

4. Computus generales in his Provinciis facti, clarè nobis ostendunt, quàm sint oppignorati nostri Status: nam rerum oppignoratarum reditus solvendi, ascendunt annuè ad sex miliones florenorum; ad quos exsolvendos, opus est parare pecuniam iterum, cum novo damno.

5. Quòd copiosum exercitum superiore anno 1632. edu-  
xerimtis, fuit propter secretam correspondentiàm quam Status nostri habebant cum aliquibus perlonis; propter ingentia promissa quibus Rex Fræciæ pecunias & viros pollicebatur. Quòd Venlona, Ruræmunda, Trajectum, Limburgum, Or-  
soya, in manus nostras venerint, potius hostium negligentia  
& tra-

& traditoribus, quàm nostræ fortitudini tribuendum est.

6. Nova vectigalia, quæ singulis annis generaliter imponuntur, tandem magnas seditiones excitabunt, quia crudeliter intus populi sanguis exsugitur, cum tamen cessent commercia. Nulla urbs graviolem perniciem sentit quàm Amsterdamum, quæ si semel perdat commercium, simul amittet & creditum & cambia. Cum autem illa sit, quæ pecunias ad bellum sustentandum provideat, deinceps si creditum perdat & commercia, nummos in omnem eventum paratos habere non poterit.

7. Cerrum est, omnes urbes Hollandiæ ingentibus debitis esse oneratas, fidemque apud externos amisisse. Certissimū verò, Principem Autiacum nunquàm Sylvauducis expugnatū fuisse, nisi creditū apud Amsterodamenses reperisset.

8. Periculum (quod proximum est) amittendinegotiationem, colligi potest ex magnis privilegiis ac immunitatibus, quibus Reges Daniæ, & Angliæ, & aliæ neutrales urbes in suam Regionem nostros mercatores alliciunt, eorumque trahunt commercia.

9. Negotiationem ex uno loco in alium facile migrare posse, varia nos docent exempla. Brugis, olim Flandriæ emporio, Gandavum migravit, Gandavo Angverpiam, Antverpiā in Zelandiam, in Hollandiam, Amsterdamum, ubi nondum illa ita suam sedem fixit, ut mutari non possit.

10. Dissensiones inter Gommaristas & Arminianos, licet suspensæ & compositiæ videantur, magnam in Statu nostro mutationem valent adferre. Illorum firmitas, aliorum ruina ab uno Capite & Duce militiæ dependet, qui suā auctoritate quotidie magnas sibi possessiones comparat; adeo ut facile se Dominum totius Hollandiæ possit efficere: & tunc intibit cum hostibus conditiones pacis, suo statui ac dignitati erigendæ convenientes.

11. Divitiæ sunt ambitionis parentes, quæ facit, ut beneficia à Dominis præstita tradantur oblivioni. Excitat deinde ad procuranda nova semper dominia, regimina, ac potestates cum rerum præteritatum oblivione, sicut exemplum reliquit



num quod nostris navibus intulit Dunkerkanus annis 1623. 29. 30. 31. reperimus ascendere ad duodecim flotenorum milliones, sicut urbes ipsæ fassæ sunt, quæ singulæ sua propria damna in Statibus terulerunt.

18. Quod si hostis navium suarum viribus uti sciret, non tantum nobis principale commercium auferret, sed etiam dominium maris obrineret, sine quo nulli essemus. Ex confusionibus ordo nascitur, ex peccatis ortæ sunt primæ leges: nec est nimis serò, ut incuriæ & errores hostium nostrorum corrigantur; corrigi autem facillimè possunt. Si semel ex animo incipiant, & ex suâ ignorantia ac cæcitate emergant, nulla nos juvabit industria, nulla proderunt vicinorum auxilia.

19. Qui diligenter Statum Hollandiæ considerabit, videbit nos spatio duodecim annorum, quibus duratunt induciæ, majores divitias acquisivisse, quàm spatio quinquaginta annorum, quibus bellum gessimus.

20. Bella fieri solent ob partiæ & privilegiorum defensionem, ad parriam ejusq; privilegia defendenda, ad rerras hostium invadendas, ad parandam utilem & bonam pacem, Pacis conditiones nobis maximè faventes offeruntur. Et cum victores simus, deest nos eas acceprare, quandoquidem hæc pax bona sit, magnamque Statui nostro utilitatem allatura. Si pax frueremur, ex toto Orbe ad littora nostra naves appellerent, imperium maris penes nos esset, Status nostri plus virium haberent ad firmanda sua negotia, ad inrostinas seditiones comprimendas, ad stabiliendam Rempublicam nostram, & sic muniendam, ut securitatem adeptura nullosque prorsus hostes quantumvis potentes, esset formidatura. Ad quæ omnia bona consequenda, omnes boni & patriæ amantes, manum libenter præberent, nec suis fortunis parcerent.

Et à bello cessabimus? Ecce penè victoriam in manibus habemus; si pugnare perseveremus, si bellum majori circumspeditione & animo geramus, si omnes nostras vires eo convertamus. Resistunt? opus est nervo belli, id est pecuniâ, ut semper resistant. Cadent: cadent semel. Nondum Gallorum potentia eos à debitis libertatè poruit. In immensum

creverunt, & semper crescent. Vestigalia tam gravia seditiones excitabunt, & ad implorandam à Rege pacem movebunt, quam Rex non nisi sanctis conditionibus dabit, quas hactenus respuerunt. Fatentur se ruinae proximos, nisi cum Rege conveniant: cur ergo non pergimus? Diuturnitatem belli ne conqueramur: hæc belli diuturnitate frangi debent. Ratio hæc una vincendi, eos paupertate quasi fame conficere. Iuvare externi Principes pecuniâ Rempublicam poterunt, non populum, qui se atteri & rodi non semper feret. Membra adversus caput insurgent: nec diu expectandum, quemadmodum ex supradictis argumentis videre possumus.

P V T E A N V S.

*Pace ad salutem surgimus, bello perimus. Dum licet, obviâ fortunæ eundem est: plus minatur mali, quàm dedit: & quos concussit, potest evertere.*

P O L I T I C O - C A T H O L I C V S.

• Ad felicitem pacem & innoxiam salutem, bello fortissimo & acerrimo veniemus. Ut bello pereamus, tota Regis Hispaniæ potentia, quæ invicta, prius bello pereat, necesse est. Quid timemus? Noli tam infausta vaticinari. An aves consulisti, vel in atæana Batavorum penetraſti: ut dicās fortunam plus nobis minari quàm dedit? & nos, quos concussit, posse evertere? Sed invenisti fortissimos Hispanorum & Belgarum animos, qui tuis verbis terreti non possunt: qui omnem tempestatem, potiùs suo capite libentissimè sint excepturi, quàm ut Fidei Catholicæ & Regis sui dignitas peti-clitetur.

P V T E A N V S.

*Præstat securos, quàm animosos esse. Nemo ad eò, monente Tacito, in arma promptus, ut non idem pretium quietis, quàm periculi malit.*

P O L I T I C O - C A T H O L I C V S.

Securus Rex esse non potest, neque secura Religio, nisi animosi simus. Excors ille est, qui bellum, quod pro vel Religione, vel Rege necessariò gerendum est, turpi & periculosa pacem præponit. Qui generosus haberi cupit, ubi Deus & Rex ad bellum vocat, mavult pretium periculi, quàm quie-

quietis: pietas erga Deum, erga Regem fidelitas nunquam  
clarius & illustrius, quàm in periculis & rebus adversis spè-  
ctatur.

### Littera X. PUTEANI.

*Sed sint blanditia, absint fallacie: tolero, ut sic dicam, poppymata,  
damno fraudulenta. Fiant, fiant Inducia, ut bonâ fide miserie prossi-  
gentur. Maximi hostes, calamitates publica sunt, optima consilia, ma-  
lorum remedia. Vertamus omnia, tentemus singula: bello carere, pul-  
cherrima bellandi ratio est, tutissima victoria. Cedant arma toga,  
cedant arvis & aratris, aut in hac mutantur. Pulchrius vomer, quam  
ensis splendet; bidens, quàm hasta: melius ferro veruata agrorum,  
quàm agmina agricolarum proscinduntur. Alterum belli scelus, alte-  
rum Pacis beneficium est. Colantur rura, satis jam sanguine ad fertili-  
tatem imbuta sunt; navigentur maria, satis classitus turbata sunt:  
vigeant commercia, satis latrociniis distracta sunt. Reddunt rura,  
maria, commercia Regi, quod bellum abstulit: reddent populi, quod  
bello amiserunt: denique quantum florebant populi, Regi accedet.  
Hæc Belli & Pacis Statera est, ut suo Inducia pretio assumentur.*

Responsio POLITICO-CATHOLICI ad litteram,  
X. Puteani.

P U T E A N U S .

*Vertamus omnia, tentemus singula: bello carere, pulcherrima bel-  
landi ratio est, tutissima victoria.*

P O L I T I C O - C A T H O L I C U S .

Si Rex semper cum aliis, Rebellibus (qui Batavorum, si non  
domentur, exemplo possunt exsurgere) inducias faceret, illi  
interea Regias terras possiderent: fieret brevi, ut solo no-  
mine Rex esset. Si à bellando desisteret, & pulcherrimam  
hanc semper belli rationem (scilicet bello carere) sequere-  
tur, non multum tutissimâ illâ victoriâ clarus & potens es-  
set; sed præterquam quod singula brevi amitteret, æterno  
ignavix probro notaretur, quod statim à gerendo bello de-  
ficeret,

ficceret, malorum impatiens. Nam ut ait Seneca in Oedipo  
A&I.

*Regium hoc ipsum reor  
Adversa capere: quoque sit dubius magis  
STATVS & candentis imperi moles labat.  
Hoc stare certo pressius fortem gradu.  
Haud est virile terga fortuna dare.*

LITTERA Y. PUTECANI.

*Sed tuo, Optime ac Sapientissime Woveri, iudicio, qui in bello, sed  
ad Pacem natus huius mihi scriptiuncula auctor exististi, Scriptiun-  
cula, sed subitanea, quâ consilia mea, imò silentia represento. Sunt  
consilia, si Pax melior est: silentia si bellum. Ampliusne excuso? Cum  
nihil dixi, hæc tamē dixi: postquam loqui cœpi, omnium ore, omniumq;  
voto locutus sum. Pacem omnes, sive longam, sive sequestram, sed  
Pacem clamant, & ingeminant.*

RESPONSIO POLITICO-CATHOLICI ad litteram  
Y. Putecani.

PUTECANVS.

*Optime ac Sapientissime Woveri, iudicio, qui in bello, sed ad Pa-  
cem natus, huius mihi scriptiuncula auctor exististi. Scriptiuncula,  
sed subitanea, quâ consilia mea, imò silentia represento. Sunt consilia,  
si Pax melior est: silentia, si bellum. Ampliusne excuso?*

POLITICO-CATHOLICVS.

Sanè non sapientissimus fuit ille, si ralem voluerit esse  
scriptiunculam tuam: tu autem, non nimis sapiens, qui hanc  
subitariam & inconsideratam edidisti. Et quia Pax non me-  
lior, sed bellum: consilia dedisti, non apta temporis. Vtinam  
siluisses, manumque à scribendo tenuisses! Nunc verò si-  
lentia esse non possunt, cum tua hæc verba, omnium fran-  
gant silentia.

PUTECANVS.

*Cum nihil dixi, hæc tamen dixi, postquam loqui cœpi, omnium ore  
omniumq; voto locutus sum. Pacem omnes, sive longam, sive seque-  
stram, sed Pacem clamant, & ingeminant.*

## POLITICO-CATHOLICVS.

Nullus est, qui non pacem desideret: sed vir bonus & fidelis, Regis sui eulor, pacem honestam, Fidei Catholicæ & Regis dignitati faventem debet exoptare: non illam, quæ turpitudinem & perniciem conjunctam habet.

## Littera Z. PUTEANI.

*Audiat Deus, audiat Rex:*

Nulla salus bello, Pacem te poseimus omnes.

Responsio POLITICO-CATHOLICI ad Litteram  
Z. Puteani.

## PUTEANVS.

*Audiat Deus, audiat Rex:*

Nulla salus bello, Pacem te poseimus omnes.

## POLITICO-CATHOLICVS.

Ego quoque concludam. Audiat Deus, audiat Rex.

*Tua salus bello, Bellum te poscimus omnes,*

*Ut citò Pax veniat.*

Opramus bellum, sed quod majoribus viribus, & toto impetii conatu geratur, & sic brevi terminandum, nobisque pacem jucundissimam allaturum. Si verò diuturnitatem belli, Deus & Rex postulaveris: sequemur, non calamitates, nec mortem ferte recusabimus; pro Fide, ô Deus, pro tuo Iure, ô Rex.

Hæc est tua Statera, Puteane, quæ potius Hollandis, quam Belgis placuit. A Rege, nec Belgis tibi gratiæ debentur. Et ecce iudicium viri non infimi ex Hollandiâ, quod nuper in manus meas venit.

Primarij ejusdam viri, in Stateram Belli  
ac Pacis Iudicium.

*Gratias tibi ago maximas, quod doctissimi & acutissimi scripti lectionem mihi induleris. Ego clarissimi Puteani insitutum pium, & saluberrimam vocem exosculor. At si Philippus essem*

*Et Hispaniarum Rex, putarem me parum debere illi scriptori. Quid enim aliud toto isto scripto agit, quàm ut Regis sui damna, mali, sæpe consilia, irrita cœpta, suorum seditiones & insidias exaggeret, & Orbi ob oculos ponat? Hoc est argumentum in causa Pacis, subministrare Brabantis & Regi, non nobis. Certè, si actus, qui recitata sunt ipsorum res, si præstas Bataviam reliquasq; insulas ut vocis missas facere, ut reliquis salus sit: judicabimus nos satis fore, volq; adeo turbatis hostium rebus, etiam alias Provincias Imperio nostro acceri. Magis nostram causam agit, quàm Regis sui, & istoc modo inuicem suadere, est dissuadere. Videtur mihi librorum iste Censor in eodem errore versari, & probare quæ nimis ex honore adversæ parti dicta sunt. Quibus ista Statera placet, ostendunt liquido, aut pericundum esse, aut ab armis abstinendum. At hoc dissimulandum magis foret, inducias petentibus, &c.*

Vale igitur Domine Puteane, ad meliora pro Religione & Rege. Icribenda eloquentiam tuam verte; melius ac felicius deinceps, quantum Regi tuo debeas, eloquio tuo proficere.

## EX BELLO PAX.



